

**ORDINATIONES
PRAEPOSITORUM
GENERALIUM, COMMUNES
TOTI SOCIETATI,
AUCTORITATE SEPTIMAE...**

Gesuiti

ORDINATIONES
PRÆPOSITORVM
GENERALIVM,

Communes toti Societati,

AVCTORITATE


*Septimæ Congregationis Generalis
contractæ.*



ANTVERPIÆ,
Apud JOANNEM MEURSIUM.
M. DC. XXXV.
SVPERIORVM PERMISSV.



SUPERIORIBUS SOCIETATIS.

Um optarent jam dudum pleraque Provincia, idq; nuper à Septimâ Congregatione postulassent, ut Ordinationibus Generalium Instructionibusq; breviorē in formam, commodiorēq; ordinem redactis, Nostrorum in his legendis labor & tediumq; levaretur; communibus illarum votis ut satisfaceret Congregatio, delectis è cœtu suo de more aliquot Patribus, totum hoc negotium diligenter commendavit. Illi ergo primū quidem antiquas

ORDINATIONUM GENERAL.

Ordinationes ita contraxerūt, ut & brevissima nunc sint, & sensum tamen integrum apertumq; retineant. Instructionum autem tum Quinta, tum Sexta Congregationis quia duogenera erant, utrasque distinguendas censuerunt. Atque eas quidem, quae perpetuae legis vim habere videbantur, integras Ordinationibus subjiciendas; iis exceptis, quae de tertio probationis anno diversis temporibus perscriptae, aliam methodum, ordinemque in quem nunc digestae sunt, necessario postulabant. Ex reliquis verò ea dumtaxat excerpenda, Ordinationibusq; ipsis aut Regulis inserenda judicarunt,

PRÆFATIO.

runt, quæ certi quippiam eodem modo statuerent: ita ut his sepositis, Instructiones illæ de cetero seorsim ab aliis excusæ, ad directionem tantummodò Superiorum, prorenatæ & eorum opportunitate legenda servarentur, sicut Industria, & Epistolæ Generalium. Quorum Patrum judicium operamque cum in omnibus approbasset Congregatio; (Sic nimirum, ut Ordinationes ad hanc formam redactæ, vim non novam, sed eam ipsam quam antea, in posterum obtineant:) atque id jam superesset, ut singula in hunc modum recognita, & probata cum Provinciis communica-

ORDINAT. GENERAL. PRÆFAT.

*rentur; hac laboris parte, quæ
mihi præcipuè demandata est, i-
ta perfunctus sum, ut editio-
nem, quâ fieri potuit diligentia,
maturarem, caveremque ne
muneris gratiam, quod reipsâ
expeti sentiebam, diuturnâ mi-
nui expectatione permetterem.
Romæ, 29. Ianuarii. M. DC.
XVI.*

BERNARDUS de ANGELIS
Secretarius Societatis
IESU.

IN-

I N D E X

ORDINATIONVM

PRÆPOSITORVM

GENERALIVM,

Quæ hoc Libro continentur.

CONTRACTÆ, ET EXCERPTÆ.

Q	<i>Va ad Provinciales præcipuè spectant. Cap. 1</i> <i>pag. 9.</i>	
	<i>Quæ ad Superiores Locales. Cap. 2.</i>	17
	<i>De tertio anno Probationis) Cap. 3.</i>	
	<i>Pro Provincialibus.)</i>	23
	<i>Pro Instructore.</i>	25
	<i>Pro iis, qui tertium annum agunt probationis.</i>	31
	<i>Monita Generalia, quæ ad religiosam Nostorum directionem spectant. Cap. 4.</i>	36

I N T E G R Æ.

<i>De Casibus reservatis in Societate. Cap. 5.</i>	44
<i>Pro Superioribus, & Confessariis Societatis. Cap. 6.</i>	
49.	
<i>De promovendis ad Ordines sacros. Cap. 7.</i>	54
<i>De Libris Ordinationum. Cap. 8.</i>	55
A 4	De

INDEX CAPITVM.

De visitandis Provincialibus. Cap. 9.	59
Pro Consultoribus capita scribendi. Cap. 10.	63
De Confessariis Principum. Cap. 11.	66
De dimittendis. Cap. 12.	73
De junioribus Scholasticis. Cap. 13.	80
De iis, qui in pradiis vacationum tempore morantur. Cap. 14.	84
De manifestatione delicti. Cap. 15.	85
De acceptandis Collegiis. Cap. 16.	93
De aptis ad gubernandum. Cap. 17.	98
De promovendis ad gradus Societatis. Cap. 18.	109
De Catalogis, qui tertio quoque anno in Urbem mitti debent. Cap. 19.	133
De contractibus celebrandis. Cap. 20.	138.
De modo, qui servari debet, cum sodalitates B. Virginis ad primariam Romanam aggregari petunt. Cap. 21.	143

9

ORDINATIONVM

PRÆPOSITORVM

GENERALIVM,

Communes toti Societati,

AUCTORITATE

Congregationis Septimæ contractæ.

CAPUT I.

Pro Provincialibus.

NOVITIIS tum in primâ *Quæ Novitiis, & Tertiariis legenda.* probatione, tum sexto quoque mense præter litteras Apostolicas Iulii III. de quibus fit mentio in Reg. 13. Magistri, ostendatur etiam Bulla Pii V. de Apostatis, & Constitutio Gregorii XIV. Gregorii item XIII. quæ incipit, Ascendente Domino, parte illâ omiffâ, quæ agit de impugnatione Instituti. Similiter etiam eos, qui vota simplicia, vel solemnia edituri sunt, aut tertium annum acturi, easdem Bullas legere oportebit. *Claudio.*

*Deferentes
Societatem
quando vota
renovent.*

2 Qui post emissâ vota Societatem sine licentiâ deserunt, post reditum eadem cum aliis, præmissâ satisfactione, renovare debent. Qui autem cum licentiâ votis soluti abierint, post reditum ea non emittent ante biennium, sicut & ceteri Novitii. Quod tamen attinet ad probationes, poterit Provincialis habitâ ratione personarum satisfactionisque dispensare. *Claudius.*

*Sepulchrorum
insignia.*

3 Principum virorum sepulchra, aut titulos, & insignia in Ecclesiis nostris extare non expedit. Quare si quis tale aliquid petierit, ad Præpositum Generalem referatur, ut decernat quid permitti conveniat. Cenotaphia tamen ad dies aliquot, vel etiam menses, apponi solita non prohibentur. *Claudius.*

*Alire in
patriam.*

4 Professionem in patriam Nostris Provinciales absque causâ urgente, & quæ moram non patiatur, non permittant sine licentiâ Generalis: ad quem saltem postea referent, si necessitas coegerit; significabuntque quantum ad tempus eam concesserint. Omnibus autem socios adjungent, qui futuri sint ædificationi. *Claudius.*

*Historia Col-
legiorum.*

5 Historiam cujusque Collegii, & Domus Societatis Romam mitti oportet: quâ breviter explicetur, quo tempore, quâ occasione, quibus modis exordium sumpserit: quos item reditus ac bona ab initio, ac quæ deinde incrementa, & per quos acceperit: quot, & quas

quas lectiones, quæve alia onera & obligationes habeat: quem numerum personarum alat, vel alere possit; ceteraque hujusmodi. Cujus quidem historiæ retineri in Collegiis debet exemplum, ut si quando de futuris incrementis reddituum, censuum, aut onerum prosequenda erit narratio, à fine præcedentium inchoetur. Perscribenda autem erunt omnia in papyro ejusdem magnitudinis cum Romanâ, & marginis olim præscriptæ. Quâ itidem formâ tum vota nostrorum, cum in Urbem mittentur, tum Acta Congregationum Provincialium describi oporteret.

*Quâ formâ
tum historia
tum vota
scribenda &
Acta Con-
gregationum.*

Claudius.

6 Qui in Superiores eliguntur, antequàm Superioris officium ineant, sese ad dies aliquot spiritualibus Exercitiis recolligant.

*Novi Superiores spiri-
tualia Exer-
citia obeant.*

Claudius.

7 Confessarii nostrorum, quoad fieri poterit, Consultores non sint: quòd si quando fuerint, caveant Superiores, ne dum de personis agitur, eos quidquam interrogent. *Claudius.*

*Confessarii
Consultores
non sint.*

8 Recens promoti Sacerdotes per duos saltem annos, ut ordinarii operarii in ministeriis cū proximis non occupentur: atque intra hoc biennium, & post illud, antequàm ad mulierum confessiones exponantur, virorum confessionibus audiendis exerceantur. *Claudius.*

Novi Sacerdotes, &c.

9 Ad ressecandas mulierum superfluas visi-

*Visitationes
mulierum.*

visitationes, quæ magnâ temporis ac spiritus jacturâ fieri solent; Provincialis cum singula loca visitat, diligenter an ulli sint excessus investiget; ac præter eas, quibus ob dignitatem, vel merita in Societatem id officii genus negari sine offensione non possit, ceteras omnes hujusmodi visitationes prohibeat. *Claudius.*

*Bonorum
distributio.*

1^o Bonorum distributiones ut rectè à nostris, & cum ædificatione fiant, hæc in primis observanda. Primò, Si qui bonis suis se abdicant, alii potius ea donare velint, quàm Societati, nec dissuaderi, nec retrahi eos debere: neque opus esse, ut Generalis assensum ad id requirant. Secundò, Si quid Societati largiri velint, Rector, qui Collegio suo applicari cupit, Provinciale informet, hic verò Generalem, tum de bonorum valore, & Collegii illius necessitate, tum an alia sint Collegia, quæ majore inopiâ laborent, tum denique quò propendeat voluntas abdicantis, ut huic, vel illi Societatis loco addicantur. Tertiò, Nulla cujusquam Nostrorum legitima exigatur, aut applicetur, vel eâ de reagatur priusquam biennium probationis peregerit, vota que emisit. Quòd si quis maturior erit ætate, cujus bona vel à nullo dependeant, vel exigi & recuperari sine offensione, ac difficultate possint, referet ad Præpositum Generalem Provincialis, ut videat, an permittenda illi sit dispositio ante biennium. Quartò, In hujusmodi exactionibus

bus conventionibusque , primum omnium attendatur, an is qui disponit, consanguineos pauperes habeat ; deinde pacis erga omnes & ædificationis ratio potius habeatur , quàm commodi ullius temporalis. Quod ut fiat , Provincialis ipse potius , quoad fieri potest , per se hæc tractet , quàm per Rectores , ac multò minùs per Procuratores , qui applicationum illarum spem aliquam conceperunt. Quintò , Postquàm quis in Societate quatuor integros annos vixit , dummodò ad annum vicelimum pervenerit , & in vocatione firmus ac stabilis judicetur, de rebus suis omnino disponat, nisi patriæ leges diutius expectare cogant. *Claudius.*

11 Ut mutari Superiores debent, ita etiam *Consultorum mutatio.*
subinde aliqui Consultores, ne per longissimi temporis spatium iidem semper hoc officio fungantur. *Claudius.*

12 Sacerdotes Novitii quo primum die *Sacerdotes Novitii celebrant cum votent.*
biennio elapso vota emittunt, celebrare antiquâ consuetudine solent. *Claudius.*

13 Cùm de Superioris alicujus mutatione *Quid scribendum cum Superiores mutandi sunt.*
agendum est , primum causam Præposito Generali exponat Provincialis , cur liberandus quisque videatur. Verò gratiâ quòd diu gubernarit , quòd minùs latisfaciat , quòd liberationem ipse expetat. Deinde re priùs cum Consultoribus examinatâ , subiiciat quis cuique succedere possit : nec unum ,

unum, sed plures, & quis omnium aptissimus judicetur. Quodd si de his missæ aliàs in Urbem informationes fuerint inter aptos ad gubernandum, id ipsum significet. Sin minùs, vel tum statim mittat, vel primo quoque tempore. *Claudius.*

Eleemosyna.

14 Collegia, quæ possunt alere duodecim scholares, nullas eleemosynas admittere possunt, nisi levis momenti, rarè, & ab iis, quorum timeatur offensio, si non admittantur. Reliqua possunt. Sed si ab iis mittantur, quorum filii scholas nostras frequentant; & conjectura sit (sumpto judicio ex circumstantiis personarum, ac modi dandi, & loquendi) mitti pro compensatione, vel intuitu ministerii, admitti non debent, donec planè intelligant accipi non posse, nisi nomine eleemosynæ, secluso omni alio respectu, atque hoc eodem modo ipsi quoque largiantur. Idemque est judicium de eleemosynis, quæ postquam Nostri alicubi concionati sunt, ad Domos vel Collegia interdum mittuntur à Prælatiis, vel à Civitatibus, aut aliis. *Claudius.*

Instruct. 2.
Ex 2. pro
Cong. c. 2. §. 4.

Concionatores.
Ex 2. pro
Concionato-
ribus. § 9.

15 Qui cibis Quadragesimalibus vesci non possunt, ni propter ædificationem proximi extra Domos nostras concionaturi ni mittantur. Cum iis autem, qui in Ecclesiis nostris concionantur, nemo dispenset inconsulto Provinciali, qui quidem necessitatis & majoris

joris divini obsequii rationem habebit. In victu porro & vestitu lautitiæ illæ, ac singularitates, & exemptiones, quibus alii meritò offenduntur, Concionatoribus minimè concedantur. *Claudius.*

16 Coadiutores è Novitiatu educi non debent, nisi per annum saltem integrum in eo fuerint, & benè satisfecerint: nullo autem modo ante finitum biennium in publicis ædificiis, Ianitoris, & similium officiis, in quibus cum externis agitur, exponi. *Claudius.*

Coadiutores è novitiatu quando educendi.

Ex 8 pro Novitiis, §. 5.

17 Summâ curâ providere Superiores debent, ut in exigendâ ratione conscientiæ, secreti naturalis, quo tenentur, fides integra sit; nihil omnino cuiquam innuendo, ac multò minùs ad consultationem consilii causâ referendo; sed hac notitiâ ita utendo, ut subditorum animi nequaquam offendantur. Proinde quâ fide in hoc genere se gerant Superiores, Provincialis diligenter cognoscat: & si quis in eo minùs, quàm debet, fuerit accuratus, pro culpæ modo in eum animadvertat: ac si opus fuerit, de eo removendo certiores faciat Generalem Præpositum. Quod ita fuisse constitutum, operæ pretium est à subditis intelligi; ne quâ ratione ab aperiendâ suâ conscientiâ deterreantur. *Claudius.*

Ratio exigenda conscientiæ.

Ex 13. de ratione conscientiæ, §. 2. & 3.

18 Qui in Missionibus versantur, feminas ne visitent, nec eas ad se domum venire sinant

In Missionibus quomodo se gerant.

*Ex. 2.6. Cong.
de Missioni-
bus.*

finant quacumque de causâ, sed in templo, si
neceſſe fuerit, audiantur. 2. Externos ad men-
ſam numquàm invitent, nec ſe ab aliis invita-
ri patiantur, quantum in iſſis erit. 3. Pecuni-
am quoad fieri poteſt non accipiant: ſi acci-
pere cogentur, ſic impendant, ut memores
ſint paupertatis & ædificationis: ejuſque ra-
tionem Superiori poſteà reddant. *Claudius.*

*Socius Pro-
vincialis.*

*Ex 8.6. Cong.
pro Superio-
ribus. §. 2.*

19 Socius Provincialis ſemel quotannis
certiorem faciat Præpoſitum Generalem,
quemadmodum ſuas Regulas obſervet Pro-
vincialis; ceteraſque Ordinationes executioni
mandandas curet; & ut fructuoſè ſe gerat in
obeundâ Provinciâ. *Claudius.*

*Novi Superio-
res inſtruan-
tur in Conſtit.
Ex eadem
§. 3.*

20 Futuri Superiores, qui nondum guber-
narunt, priuſquàm gubernationem ineant,
duos minimùm menses rebus aliis ſepoſitis
ponant in attentâ lectione Conſtitutionum,
Regularum, Ordinationum, Induſtriarum,
Inſtructionum pro Superioribus, & Privile-
giorum, ut rectè omnia percipiant: & quæ
non benè intellexerint, à Provinciali per-
contentur: cujuſ erit illos erudire, & in viſi-
tatione periculum facere, quàm benè omnia
calleant, admonito Præpoſito Generali. *Claudius.*

*Miniſtri
quales.
Ex eadem
§. 4.*

21 Miniſtri, in magnis præſertim Colle-
giis, nec valdè juvenes præficiantur, nec
abſque conſultatione. Inſtruendi autem erunt
primùm à Provinciali, deinde à Superioribus
iſſis

C A P. II. *Pro Superioribus Localibus.* 17

ipsis in decursu officii : iique sint, quantum fieri poterit, qui Rectores aliquando esse possint. *Clandius.*

22 Confessarii Superiorum, absente Provinciali, dispensare cum illis possunt in cibis vetitis, horis canonicis, irregularitate, & similibus, eodem plane modo quo Superiores cum suis subditis. Eademque erga Provinciam facultas ejus Confessario conceditur. *Clandius.*

Confessarii Superiorum. Ex eadem, s. 7.

23 Provincialis initio cujusque mensis, aut certe quando adsunt Consultores, consultationem cum illis habeat de statu & disciplina totius Provinciae, quid in ea sciatur, quid audiatur, quid ipsemet à Rectoribus, eorumque Consultoribus acceperit. *Clandius.*

Mensura consultatio. In 10.6. pro executione urgenda.

C A P V T II.

PRO SUPERIORIBVS
LOCALIBVS.

LIBRI veterum obscœni, non expurgati, quamvis in Indice prohibiti non sint, Nostri tamen, etiam Magistris, nisi maturis, & qui sine periculo uti possint, non permittantur : Scholasticis autem nullo modo. Recentiores vero, quocumque idiomate scripti, nemini concedantur. Spirituales item, qui licet pii videantur, Instituto nostro minus congruunt,

Libri obscœni.

Spirituales non congruentes Instituto.

*Musici.**Libri prohibiti.**Bulla Cænæ.**Suffragia pro defunctis.**Compendium Privilegiorum.*

gruunt, ut Taulerus, Rusbrochius, Harphius, & alii hujusmodi, Nostri passim ac sine delectu non permittendi. Musici denique qui turpem dictionem habent, vel sonum cui subesse obscœna, aut vana putentur, penitus interduntur. Quinam porro ex libris prohibitis servari in Collegiis nostris, & quo loco debeant, quorumve usus, & quibus concedi à Rectoribus queat, decernet Præpositus Provincialis. *Everardus.*

2 Bulla Cænæ in singulis Domibus & Collegiis eo loco exponatur, ubi commode à Confessariis nostris legi possit. *Everardus.*

3 Pro iis, qui in itinere Indico vita funguntur, fiant solita suffragia tum in Provincia, in qua moriuntur, tum in ea etiam Indiæ Provincia, ad quam tendebant, vel unde in Europam veniebant. Pro iis vero, qui in Europa extra Provincias suas decedunt, fiant in Collegio, seu Domo, in qua quis moritur (vel in proxima, si peregre obierit) eadem omnino suffragia, quæ fierent si ejus loci membrum foret: moneatque loci Superior Præpositum Provinciæ, ad quam defunctus mittebatur, ut solita pro eo suffragia indicat tum in Domo, ad quam destinabatur, tum in tota Provincia, ac si in illa obiisset. *Clavdus.*

4 Compendium Privilegiorum, seu majus, seu brevius, sine permisso Generalis nusquam recudatur. Exemplaria autem, quæ ad usum præ-

præcipue Superiorum & Consultorum in singulis Domibus & Collegiis esse debent, ita Nostri cum facultate Provincialis concedi poterunt, ut externis non ostendantur, nec inde ad alia loca exportentur. *Claudius.*

5 Horam considerationi Superiores locales quotidie, aut certe alternis diebus, impendent: in qua secum, & cum Deo considerent, quomodo se habeat status Domus, vel Collegii; quomodo subditi in spiritu & virtutibus proficiant; quid impedimenti & distractionis habeant; quo spirituali morbo hic vel ille laboret; quo remedio juvari possit, ut adhibeatur; quomodo Præfectus rerum spiritualium, ac ceteri officiales suis officiis fungantur; quomodo Regulæ, Ordinationes, & religiosa disciplina servetur; quis erga proximos per ministeria nostra fructus colligatur. Denique præter examen ordinarium, examinent hoc tempore impensius defectus circa gubernationem: legant Regulas Visitorum, & Superiorum jussa; nihilque horum omnium perfunctorie, sed accurate & studiose omnia in Domino exequantur. *Claudius.*

Hora considerationis.

6 Superiores à Præfecto rerum spiritualium rationem frequenter exigant, quomodo, & quam frequenter, juxta Regulas, Patres & Fratres curæ suæ commissos alloquatur: idque ipsum à Patribus & Fratribus ipsis intelligat. *Claudius.*

De Præfectis spiritualibus.

Communio-
nis frequen-
tia.

7 Circa Communione frequentiam, ubi servari non potest Regula 26. Sacerdotum, ne poenitentes crebrius, quam octavo quoque die communicent, hoc saltem retineatur, ut solius Provincialis dispensatione bis in hebdomada communicare liceat. Cum iis vero, qui frequentius soliti sunt, id curetur, quod suaviter obtineri possit. *Claudius.*

Novitii qua-
terni in cubi-
culis.

8 Novitii in Domo probationis terni aut quaterni in cubiculis, permixti antiquiores cum recentioribus, manere debent etiam interdiu, non in aula, quæ communibus tantum conventibus & exercitiis destinanda est. *Claudius.*

Ædificare.

9 Superiores locorum inconsulto Provinciali ædificare nihil debent: nec permittere Provincialis, ut quidquam, nisi quod necessarium sit, ædificent. *Claudius.*

Qua cum
Consultori-
bus.

10 Rectores priusquam ad Provinciam de re aliqua scribant, de ea cum Consultoribus conferant: & quid illi sentiant, Provinciali significent. *Claudius.*

Cœnobia mo-
nialium.

11 Monialium cœnobia Nostri ad ægro- tantium confessiones audiendas, nullo modo ingrediantur. *Claudius.*

De vitio lin-
guæ.

1 x Instru-
t.

1.6 Copgr.

6.4 5.2.

12 In vitiis linguæ serio advigilent Superiores, & gravari conscientiam suam intelligant, ut Auctores diligenter inquirant, quo severe puniantur. Qui vero auctores ipsos manifestare recusaverint, pro ipsis habeantur. *Claudius.*

C A P. II. *Pro Superioribus Localibus.* 21

13 Sæpe inquirent tum Provincialis tum Superiores locorum, quomodo servantur Regulæ & Ordinationes, quæ ad confessiones & visitationes seminarum spectant, & maxime Regula 18. Sacerdotum, & quæ circa illam statuta sunt. *Claudius.*

De visitatione seminarum.

Ex 3. 6. Cong. pro Confessariis, s. 31.

14 Tametsi non desint Doctores, qui notitia per confessionem habita, salvo Sacramenti sigillo Confessariis uti nonnumquam licere sentiant; Nostros tamen eam doctrinam sequi non expedire judicamus. Quare caveant diligenter Superiores, ne vel ipsi vel Nostrorum aliquis eam uspiam introducant, privatimve aut publice doceant, nec ea, nisi forte de Pœnitentis licentia, ullo modo utantur. *Claudius.*

Notitia per confessionem.
Ex 7. de notitia per confessionem.

15 Die recreationis hebdomadariæ, cum itur ad prædium seu vineam, ibique cœnatur, meridiæ per unam aut alteram horam Scholastici partim studeant, partim orationem matutinam perficiant. Quo tempore nulli fas sit, vel ludere, vel confabulari, nisi eo elapso signum detur ad recreandum. Cum vero per cæli injurias, vel alias ob causas, die recreationis neque ad prædium, neque deambulatum ire licuerit; mane ad recreationem non pulsetur, sed vacetur studiis: à prandio vero peracta recreatione ordinaria, mora aliqua interposita detur signum ad recreationem per tres horas. *Claudius.*

Dies recreationis.

Ex 4. 6. Cong. pro Scholasticis, s. 4. & 5.

16 Loco instructionis doctrinæ Christianæ, quæ extra Novitiatum ad Coadjutores

Doctrina Christiana.
Ex 14. pro Coadjutoribus, s. 2.

haberi solet, si satis in ea instructi existimentur, instituatur singulis hebdomadis spirituale colloquium, seu conferentiæ de rebus ad eorum exercitia & captum accommodatis. Plurimum autem conferet, si à Superiore ipso fiant, ad quem hæc maxime cura pertinet. *Claudius.*

*Nostri ne soli
in villis.
Ex eadem,
s. 4.*

17 Qui ad vineas, agrosque procurandos mittuntur, sint ex iis qui in spiritu & religiosa disciplina magis profecerint: neque umquam soli in hujusmodi locis morentur, aut certe pernoctent, & quam minimum fieri potest in illis permaneant. Quod si diutius aut longius abesse oporteat, mutantur nonnumquam aut identidem ad Collegia revertantur, ut in utroque homine reficiantur. Ea vero quæ per externos in his locis curari possunt, ad ea Nostri ne adhibeantur. *Claudius.*

*Ministrorum
potestas.
Ex 8. 6.
Cong. pro
Superiori-
bus, s. 4.*

18 Ministris Superiores eam concedere potestatem debent, quæ pro personarum conditione ad rectam gubernationem convenire videbitur. Etsi autem Minister, quamvis Superior sit, in virtute sanctæ Obedientiæ præcipere non potest; Coadjutores tamen, sive alii, qui Ministro clare dicunt, *Nolo facere*, incurrunt in quartum casum reservatum inobedientiæ expressæ. *Claudius.*

*De consulta-
tione hebdo-
madaria.
Ex 10. sex-
tæ pro exe-
cutione ur-
gentia, s. 2.*

19 Superiores tempore ordinariæ consultationis singulis vel alternis hebdomadis, una perlegant aliquid ex Regulis, Ordinationibus, aut similibus. *Claudius.*

20 Prima cujusque mensis hebdomada pro ordinaria consultatione agatur de executione ; An aliquid domi sit, quod negligi videatur ; an vigeat observatio Regularum ; an notetur frequens aliquarum transgressio ; an serventur Superiorum ordinationes , præsertim quæ in memoriali à Provinciali relictæ sunt ; quas eodem ipso tempore legi oportebit , si nondum executioni mandatæ sint. *Claudius.*

*De consulta-
tione men-
strua.
Ex eadem,
5. 5.*

CAPUT III.

De tertio anno Probationis.

P R O

P R O V I N C I A L I B V S .

I O M N E S post absoluta in Societate studia , sive Theologiæ sive Casuum conscientiae , aut certe post studiorum repetitionem , quibus illa conceditur , ad tertium annum mittet probationis . Et quamquam differre interdum ex gravi causa poterit monito Generali , cum nullo tamen omnino dispensabit.

*Quinam, &
quando ad
3. annum
mittendi.
Ex Instruct.
11. 12. &
13.*

2 Superiorem illis , seu Instructorem deliget , qui auctoritate valeat , & alias gubernarit : cujusmodi foret Provincialis , officio suo defunctus , aut similis quispiam alius , quem magni facturi sint , & à quo regi se facilius patiantur.

*Qualis In-
structor.*

Prius monendi de defectibus.

3 Priusquam probationem aggrediantur, eos ipse, aut Rector Collegii de iis omnibus admonebit, quæ studiorum tempore in illis fuerint observata: Instructoremque de iisdem defectibus informabit, & de reliquis eorum qualitatibus, & talentis, ut melius eos dirigere ac juvare possit.

Vbi facienda hac probatio.

4 Ad hanc probationem si peculiaris in Provincia Domus non erit, ut conari debent Provinciales, fiet illa quidem in Domo Probationis, sed ita ut proprium, & à Novitiis separatum locum habeant, in quo exerceantur: nisi forte certa uspiam aliqua sit ratio, cur à Novitiis separandi non videantur; de qua referendum erit ad Præpositum Generalem.

Numerus Probatorum.

5 Et quoniam separati hoc modo pauciores quam decem, aut duodecim esse non debent, si tot aliquo anno in Provincia non erunt, conjungi una poterunt, è vicinis Provinciis loco designato, qui commodissimus eis videatur. Quod si ne sic quidem conjunctis Provinciis numerus constabit, admonebit Generalem, ut dispiciat an annum unum, duosve differri debeat quoad numerus expleatur.

6 Dabit operam, tum maxime cum seorsim à Novitiis agitur hæc probatio, ut mature, ac simul omnes quoad ejus fieri potest, mittantur, qui ejusdem anni sunt, ne aut retardari, aut perturbari ordinem probationum necesse sit.

Claudius.

Prius sacris initiandi.

7 Ad sacros Ordines circa finem studiorum omnes

omnes promovendi sunt, juxta Constitutiones. Quod si qui ob ætatem, aliasve ob causas Ordines nondum susceperint, cum ad tertium annum mittuntur, hos, nisi forte Sacris initiati jam essent, eo tempore promoveri non permittat.

8 Crebro illos visitet, moneat, consoletur, *Visitandi, & quinam profecerint notandum.* advigiletque ut si qui in hac probatione non proficiunt, mature illos educat, ut eam optare omnes discant; sciantque se interim in humilioribus officiis exercendos, nec ad ullum gradum promovendos, nisi denuo ad tertium probationis annum admissi Superioribus satisfecerint. Adnotabit præterea in libro, quomodo singuli se gesserint, ut cum informandi pro gradu tempus advenerit, certiora referat ad Generalem.

9 Curabit, ut Instructor, & Rector, seu Magister Novitiorum, & Minister sub anni finem ad ipsum scribant, quomodo singuli, & quibus in rebus bene aut male se gesserint. *Monetur ab Instructore, & Superioribus.* *Claudius.*

P R O I N S T R U C T O R E.

I **A**DNITI ante omnia debet, qui huic muneri præficitur, ut memor utilitatis necessitatisque, ob quam in Societate instituta est hæc probatio; tum serio ipse ac diligenter in officium incumbat, tum eos excitet, qui

Hujus probationis necessitas.

in ea exercendi sunt, ut magno animi studio & alacritate illam suscipiant.

*Exercitia
quam.*

2 Quod ad rationem probationis attinet, iisdem omnino, quibus Novitii, Probationibus; tam spiritualibus, quam corporalibus exercendi sunt: hoc est, sex experimentis Societatis, & aliis similibus, quæ ad perfectam sui abnegationem conferant, sumpto exordio à spiritualibus Exercitiis per integrum mensem. Ad Magistri autem prudentiam pertinebit, pro ratione virium cujusque ac dispositione hæc omnino sic temperare, ut nec severius quam par sit, nec remissius exigantur; sed ad majorem eorum profectum, solidarumque virtutum adeptionem singula referantur.

*Exhortationes
diverse.*

3 Exhortationes, quæ ad ipsos habebuntur, similes earum esse non debent, quæ ad Novitios haberi solent; sed magis ad eorum captum accommodatæ: in quibus de perfectione, oratione, instituto, zelo animarum, ministeriis erga proximos tractetur. Idemque judicium est Conferentiarum. Quare ubi à Novitiis separati non erunt; tum nihilominus ad illos privatim sermo, subinde aliquis & conferentia instituatur de re illis propria & apposita, ut dictum est.

Conferentia.

*Loco doctrinae
Christianæ.*

4 Pro explicatione doctrinæ Christianæ, quæ Novitiis tradi solet, utilior & congruentior erit alia quæpiam exercitatio, in qua de iis agatur, quæ illorum statui magis conveniunt; cujusmodi est Directorium, & modus tradendi

Exer-

Exercitia spiritualia ; modus juvandi cum fructu animas ex industriis P. Polanci , & aliis id genus : modus item adjuvandi eos qui moriuntur : Collationes de Instituto, & Constitutionum iis partibus quæ ad virtutes , missiones , auxiliumque animarum spectant : & de Regulis Sacerdotum, Confessariorum, Concionatorum. Conferet etiam fortasse , si præmissa lectione opusculi B. Bonaventuræ de cæremoniis Missæ, aut aliorum hujusmodi tractatum, de nonnullis postea capitibus inter se tractent , quæ ad majorem reverentiam , affectumque in tanti mysterii celebratione inflammandum conducant.

5 Non abs re forsitan erit, si practicas interdum de aliqua virtute exhortationes habere jubeantur , ut de obedientia, humilitate , paupertate, fraterna caritate, oratione, ac ceteris : & in his suos potius conceptus ac sensus exprimant , quos Dominus ipsis communicarit , tamquam ad promovendum spiritum efficaces , quam aliud quippiam ad concionum morem meditatum & compositum.

Flabeant ipsi practicas exhortationes.

6 Exercitia corporalia valde moderata sint , & non qualia Novitiorum : eademque ad mortificationem potius , mentaliumque avocationem , quam ad defatigationem apposita : tamen si vilia indumenta, & aliæ id genus mortificationes prætermitti non debent.

Exercitia corporalia.

7 Concionibus habendis , multo minus scholis docendis operam non dabunt, quamvis

Nulli ministerii occupentur, nisi missionibus.

ad

ad aliquam missionem unius vel alterius mensis destinari poterunt, ut per villas & pagos doctrinam Christianam tradant, & alia hujusmodi ministeria obeant. Sub tempus autem missionum, ne imparati ad eas proficiscantur, instituendæ erunt per mensis unius spatium conferentiæ de nonnullis Conscientiæ casibus magis necessariis. Sacerdotes etiam in audiendis confessionibus nondum exercitati, per mensem unum exercendi erunt, ubi & quando Provinciali vel Instructori videbitur.

8 Ad vicina Societatis loca probationis causa, sicuti solent Novitii, ad breve tempus mitti poterunt; ut ibi similiter atque in Domo Probationis in humilibus officiis exerceantur: dummodo eorum ratio habeatur, ut bene occupati sint, & non otientur.

9 Procuranda erit ad illorum usum librorum spiritualium copia, juxta Indicem qui subjicietur. Concedi etiam illis fere debebunt Societatis Constitutiones, Regulæ communes ac Sacerdotum, Missionum item, & Concionatorum, Bullæ præterea, quæ ad Societatis Institutum pertinent, Iulii III. & Greg. XIII. & quæ contra Apostatas est Pii V. & Gregorii XIV.

10 Confitebuntur ordinarie suo Instructori, qui potestatem habebit etiam à reservatis absolvendi, tametsi Domus vel Collegii Superior non sit. Idem etiam poenitentias ex devotione, & alias id genus mortificationes concedere

*Mittendi ad
loca nostra
vicina.*

*Libri spiri-
tuales.*

*Constitutio-
nes, Regula.*

*Instructor
eorum Con-
fessarius a
reservatis
absolvat.*

dere poterit. In iis vero, quæ ad domesticam disciplinam spectant, ut cum foras exeundum erit, aut mensæ inserviendum, cum Regularum exigenda observatio, aut errata pœnitentiis *Pœnitentia* corrigenda, aut iis affinia, Rectoris aut Ministri munus erit, Instructore consulto.

11 Non scribent, nec accipient litteras officiosas, multoque minus de rebus novis ullam in partem: sed cum alicujus momenti negotium erit, dispiciet Instructor, penes quem si- *Sigillum* gillum erit, an litteras reddi conveniat, aut responderi.

12 Ad vineam, aut prædium recreationis *Vinea* causa mitti poterunt singulis mensibus, vel etiam sæpius, si Provinciali videbitur. In hebdomadaria autem recreatione servabitur Regula 62. Magistri Novitiorum. Extra tempora porro quotidianæ recreationis, concedi eis poterit, ut in horto aliqua diei hora deambulent, sed singuli seorsim, & silentio.

13 Provinciale de singulorum statu certiores sæpe faciet, quibus scilicet mediis ad virtutes promoveantur; quibus item à defectibus emendentur. Eamque ob causam, at- *Instructor eos alloquitur sæpe, & instruat.* que ut fructuosius eos promoveat, frequenter illos interrogabit, quomodo in orationis industria, in coërcendis affectibus, in superandis difficultatibus, in continua rerum omnium mortificatione, indifferentiaque ad gradus, & Societatis ministeria, ac demum in spiritali animæ suæ profectu se habeant. Sub anni vero

*Provincia-
lent informat
de singulis.*

vero finem, plenam informationem de singulis ad Provincialem mitter, quomodo & quibus in rebus bene aut male se gesserint : idemque ut faciant, Rectorem & Ministrum admonebit. *Claudius.*

LIBRI

Pro iis qui in tertio Probationis anno versantur.

PRæter eos, qui in Regulis Magistri Novitiorum habentur, addi poterunt alii ex iis qui habentur in Regulis Præfecti lectorum ad mensam. Adhuc etiam integra opera S. Basilii, S. Gregorii Papæ, & Hugonis de Sancto Victor, quorum aliqua tantum in dictis Regulis habentur.

*Ex sanctis
Patribus.*

Addi item possunt opera Guilielmi Parisiensis, Gersonis Cancellarii, Climaci, S. Leonis, & Ludovici Granatensis.

Id Nostros.

Ex Nostros; Hieronymus Platus de bono status religiosi, Bernardinus Rosignolius, Franciscus Arias, Ludovicus de Ponte, Alphonsus Rodericius, Didacus Alvarez de Paz. F. Antonius de Molina de statu Sacerdotali, Scala Bellarmini, & de æterna felicitate Sanctorum, Meditationes etiam P. Natalis, Vincentii Bruni, Costeri, Loartis, Ritti, Pinelli, Capillæ, & alia hujusmodi, præsertim ex nostra Societate; ac opuscula Didaci Stellæ,

Stellæ, & Didaci Perez Avertimenti Spirituali.

Ex Historicis, Palladius, Theodoretus, Speculum exemplorum, Cæsarius, Chronicæ S. Dominici & S. Francisci, Speculum Vincentii Belvacensis, S. Antonini historiæ, Maruli exempla, Giardino d'essempi di Razzi, & Massæi vitæ Confessorum.

Scripturæ interpretes aliquot, ut opera omnia Titelmanni, Iansenii, & Maldonati, & Bellarmini in Psalmos.

Omnia autem hujusmodi arbitrio Instructoris habebunt.

Pro iis, qui tertium annum agunt Probationis.

QUI ad tertii anni probationem destinantur, diligenter hæc animadvertant oportet. Primum, illam à B. P. N. IGNATIO sapienter institutam, & multis Constitutionum locis commendatam fuisse; decretumque Nostros omnes, qui in Scholasticos approbati studia jam sua in Societate absolverint, priusquam ad gradum ulteriorem, seu Professorum, seu Coadjutorum spiritualium admittantur, in hac ultima probatione sedulò exerceri.

2 Porro finem hujus probationis esse in plena, & absoluta sui ipsius abnegatione ita secum divina gratia exercere; & cum eadem ad virtutes Religioso dignas incumbere, ut fiat homo in vita spirituali perfectus, idoneumque.

So-

Societatis instrumentum ad animas Christo lucrificandas evadat. Cum enim Societatis Institutum homines non solum litteris, sed multo magis spiritualis vitæ perfectione conspicuos requirat; ex illa vero assidua contentione, quæ per aliquot annos in excolendo per studia intellectu ponenda est, humilitatis ac devotionis fervor intepescere soleat; necessarium omnino judicavit Beatus Pater, ut absolutis studiis certum aliquod tempus unicuique tribueretur, in quo vires spirituales instauraret; solidarumque virtutum studio & profectu, tamquam necessariis in futurum præsiidiis, se communiret.

Media ad consequendum.

3 Ad hunc vero finem consequendum duo esse potissimum necessaria. Vnum, ut qui ad hanc probationem mittitur, non perfunctorie ad eam transigendam accedat; sed magna cum animi simplicitate & humilitate, ardenti-que profectus sui desiderio: proponatque sibi omnino abhorrere ab omnibus, quæ profectum hunc possunt impedire; totisque ea viribus amplecti, quæ eum ad eundem adjutura, Superioris judicio, videbuntur. Alterum, ut quæ animo ita statuerit, studiosè constanterque exequatur; nihil omnino, quod ad profectum in humilitate, & abnegationem universi amoris sensualis, voluntatis, & iudicii proprii, & ad majorem cognitionem & amorem Dei conferat, prætermittendo: ut cum in seipso profecerit, melius atque efficacius

cuius alios ad Dei & Domini nostri gloriam juvare possit.

4 Denique cum hæc ultima sit Societatis probatio, atque ita illam Constitutiones vocent; merito sollicitum esse debere unumquemque, ut ad quam initio perfectionem vocatus est, ad eam in hac demum probatione acquirendam omni ope desudet. Iustum enim esse, ut quem à suis fructum Societas post tot labores & sumptus illorum causa impensos, totque adjumenta tum in purgando affectu, tum in excolendo intellectu exhibita, jure suo exigit & expectat, eum nunc tandem hoc anno reddant. Hæc igitur illis observanda erunt.

Sedulo incumbendum

5 IN SEX Societatis experimentis, & aliis similibus, juxta Novitiatus consuetudinem, exercebuntur, sumpto initio à spiritualibus Exercitiis per integrum mensem.

Sex experimenta.

6 Orationis tempus idem habebunt, quod Novitii, tum matutinum, tum pomeridianum: & illud præterea, quod à communibus occupationibus vacuum propria cuique devotio, re cum Instructore communicata, subministrabit: cum is potissimum hujus anni finis sit, ut intimam illam familiaritatem cum Deo in spiritualibus devotionis Exercitiis acquirant, quam Societatis operariis necessariam Constitutiones docent.

Orationis tempus.

7 A studiis omnino abstinebunt. Quare nec novi aliquid videre, nec præterita recognoscere debent. Poterunt tamen præter libellos

A studiis abstinendum.

spirituales usitatos, legere aliquos similes Patres, qui in catalogo recensentur, non eo fine, ut conceptus aut sententias ad concionandum decerpant, sed ut devotioni tantum & spirituali utilitati serviant.

Quid memoria mandandum.

8 Quo tempore à Novitiis exerceri memoria solet, similiter & ipsi aliquid per semihoram ediscant, veluti Psalmos, & Epistolas S. Pauli, nonnullos ex minoribus Prophetis, atque hujus generis alia, prout Instructor consultum in Domino judicaverit.

Partitio temporis.

9 Ad vitandum otium, & ut cum fructu tempus exigant, distinctas habeant horas, & spatia lectionis Sanctorum Patrum, meditationis, orationis vocalis: utanturque diligenter examine particulari non solum ad vitia extirpanda, verumetiam ad usum & conservationem virtutum.

Loqui cum aliis.

10 Intelligant sibi non fore liberum colloqui cum Nostris aliunde venientibus, aut cum externis absque facultate Instructoris: neque expedire ad vitandas importunas distractiones, ut cum aliis etiam, aut inter se indifferenter agant, aut conversentur, sed cum iis tantum, quos Superior cuilibet assignabit.

Ad signum campanæ.

11 Cum signum datur exeundi, vel ad concionem, vel deambulatum, nullus ab accessu cum aliis ad aulam eximatur, ut ibi singulis comites assignentur.

Exercerentur in humilibus.

12 In ministerio culinæ, & ceteris corporali-
libus exercitationibus, omnia præstabunt, quæ

C A P. III. De tertio anno Probationis. 35

Novitii solent, seu tempus spectetur, quo singula præstanda sunt, sive occupationis spatium quo explenda est. In his vero sic se à Præfecto dirigi sinent, sicut ipsimet Novitii.

13 Legent ordine suo ad mensam: in exhortationibus & conferentiis assidui erunt: in omnibus denique communibus exercitiis eam diligentiam adhibebunt, qua Novitios non æquare modo, sed vincere studeant.

Legent ad mensam.

14 Communem recreationem simul omnes sic agant, ut dum ea, quæ pios religiosos de-
cent, loqui assuescunt, deinceps etiam cum extraneis ea colloquia miscere norint, quæ pietatem redoleant, & audientes ædificent.

Recreationi

15 Caveant ne ulla ratione scire satagant, aut conjicere, quid ipsis peracto tertio anno futurum sit, & qua in re Superiores occupare illos statuunt: sed cum indifferentia obedientiæ nutum præstolentur.

Non de se cogitent.

16 Si quando extra horas recreationis à Superiore conceditur, ut in horto relaxandi animi causa tempore aliquo deambulent; singuli seorsim incedent, silentiumque servabunt; & importunis horis per domum non discurrent, sed in suis cubiculis, locisque designatis se continebunt.

Silentium.

17 Hanc Instructionem, & Regulas semel saltem singulis mensibus, ac sæpius etiam legant, ut in praxim usumque reducant. *Clandius.*

Legenda singulis mensibus.

CAPVT IV.

M O N I T A
G E N E R A L I A,

Ex variis
Ordinationibus,
ac
Decretis.

Quæ ad religiosam Nostrorum directionem spectant, & ab omnibus observanda sunt.

Examen
quando diebus
festis faciendum.
Ex.c.5. Ordinat. gen.

I **N** V L L V S, etiam Sacerdos, vagetur manè extra cubiculum tempore Examinis, nisi occupetur in templo. Sacerdotes vero qui occupati non fuerint, faciant etiam ipsi examen, nisi forte paulo ante celebraverint, idque ante Sacrum fecerint: tunc enim horas recitare poterunt, vel aliter orare, sed in cubiculo. Diebus tamen Festis, ac Dominicis, ubi manè habita est concio, examen ex præscripto non fiet, ideoque signum non dabitur: ubi vero habita non sic erit, pulsabitur ad examen, ut fiat.

Externorum
negotia nemo
Romam petens
suscipiat.
Cap.8. Ordinat.

2 Nullus, vel etiam Procuratorum, quibus Romam venire contigerit, externorum negotia suscipiat, vel in iis suam operam polliceatur sine facultate Provincialis: quam raro admodum, nec nisi gravioribus de causis concedet.

3 Intelligent Nostri, non solum Sacerdotibus quam accuratissime servandam esse Regulam 18. de socio secum retinendo, cum ad confessiones feminarum audiendas, vel alia de causa eas adierint: videlicet quamdiu cum illis agendum erit, eo in loco socium esse oportere, unde videre eos, sed non quæ secreta esse oportet, audire possit, quantum loci dispositio patietur; sed alios quoque omnes, qui Sacerdotes non fuerint, eadem lege teneri, siue ipsi mulieres invisant, siue alios ex Nostreis comitentur: quin ut religiosæ honestati & ædificationi consulatur, conentur omnes in quorumcumque visitationibus, quamvis virorum, socium sui testem habere; nisi personæ, quas invisunt, eæ fuerint, ut nec per negotia ipsa, nec per urbanitatem liceat una sibi esse cum socio. Ac proinde eos, qui socii munere funguntur, nosse oportet, ubi Domum redierint, Superiori significari oportere, quamvis non exposcendi, quæcumque contra Regulam, & hanc Ordinationem acciderint.

Præsentia socii in visitandis mulieribus.

Cap. 12.
Ordin. &
Instr. pro
Confessariis, 1. 7.

Socii tenentur Superiori aperte, an servetur Ordinatio.

4 In litteris scribendis non solum stricte servanda erit Regula 39. Summarii, de non scribendis nisi obtenta facultate, & litteris ei ostensis, quem Superior destinaverit; verumetiam curandum erit diligenter, ne de sæcularibus negotiis, aut inutilibus, aut ab eo qui scribit alienis, litteræ quidquam contineant; cujusmodi essent rumusculi, nuntii de rebus viro religioso non consentaneis, quin etiam formæ quædam

Quomodo litteræ scribenda.

Cap. 15.
Ord. generalium à s. 7. usque ad 13.

dam scribendi, & figuræ, locutionesque sæcularem & aulicam consuetudinem olentes, inania officia, & affectatæ assentatiunculæ, & id genus alia, quæ haud parum dedecent. Sed potius ita à Nostreis scribatur, ut non res solum, sed ipse etiam scribendi modus ædificationi sit legenti.

Littera mediatorum ad subditos.
Ex c. 15.
Ordin. s. 14.

5 Nemini cum ad Generalem, aut mediatos Superiores scribit, vel ab iisdem litteras accipit, licebit eas immediato Superiori ostendere. Quod si litteræ quid contineant, quod immediatum Superiorem nosse oportebit, id verbo, & non ex ipsis litteris significandum erit.

Littera negotia continentes.
Ex form. s. 14-15. & 16.

6 Litteræ quæ negotia continent, solum ad Præpositum Generalem, & non ad alios qui cum ipso agant, destinantur. Poterit tamen ad eos scribi, ut illa tractari & expediri curent. Quarum si nonnullæ Generalis Procuratoris opera indigere videbuntur, adjecta exterius littera P. notentur.

Littera quæ (soli) scribuntur.
Ex Inst. 19. s. 8.

7 Porro in litteris, quæ (soli) inscribuntur, duo erunt scribenti præstanda: alterum est, ut quæ iis committuntur, ejus generis sint, quæ secreto opus habeant, nec cum aliis communicari postulent. Alterum ut cum hujusmodi secreta scribunt, si de rebus aliis scribendum sit, id seorsim faciant, aliis litteris ab eis sejunctis, quæ (soli) inscribendæ erunt.

Modus in eleemosynis.

8 In eleemosynis petendis modum haberi oportet, ne nimii aut importuni simus: alioquin

quin fideles à nobis, & à nostris ministeriis arcentur : unde fructus spiritualis peribit, imo & temporalis.

Ex c. 15.
Ordin. generalium,
s. 15.

9 Intelligent omnes nemini Nostrorum licere eo maxime titulo, quod cum Principibus, aliisque viris primariis amicissime agant, vel eorum Confessarii sint, ad proprium usum, ac dispositionem ab eis quidquam accipere : nec ad id Superiores potestatem facere posse : eo minime impune abire permisso, qui hac in re defecisse deprehenderetur. Idemque omnino iudicium esse debet de aliis Confessariis, Concionatoribus, Præceptoribus, & similibus erga poenitentes, devotos, & consanguineos, & amicos, maxime vero de iis, qui in Missionibus versantur. Quod si sponte aliquid offeratur, aut quippiam mittatur, id iuxta Regulam in communem usum accipiat & dispensetur.

Nihil accipiendum ad usum proprium.

Ex Dec. 38.
sexuæ Congregationis.

Dec. 73. s.
13 Cong. 7.

Ex Instr. pro Confess. 6.

Reg. 64.
Præpositi,
& Reg. 60.
Rect.

10 Intelligent omnes, eam quantitatem, quæ furto sublata satis esset ad constituendum peccatum mortale contra septimum præceptum, sufficere ut peccasse adversus votum paupertatis iudicetur, si quis è Nostris rem ut propriam vel usurpet, vel alienet absque Superioris facultate.

Quantitas contra votum.
Cap. 17. Ordin.

11 Nemo in posterum cuivis Externo, quavis occasione, Societatis nostræ annuas communice seu ostendat.

Annua externis ne ostendantur.
Cap. 23.
Ordin.

12 Præter eos, ad quorum officium aliqua ratione pertinet, ut sunt Consultores, Admonito-

Nemo alteri patrocine-
tur.

Cap. 24.
Ord.

nitores, Confessarii, nemo alterius cuiuspiam è Nostreis negotium cum Superiore tractandum, & expediendum suscipiat: nec ulla ratione eam curam intercedendi tamquam propriam sibi assumat; ut cum agitur de aliquo ad Societatem admittendo, vel ab ea dimittendo, vel in eadem retinendo, de quopiam ad hunc vel illum gradum promovendo, ad hæc, vel illa studia applicando; & similibus. Quod si cuiuspiam aliquid ad alios spectans Superiori videretur proponendum, id non ratione amicitiae & particularis affectus fiat, sed ob majus Societatis bonum, vel ob solidam consolationem ac spirituale ejus auxilium, cujus negotium agitur. Et tunc quidem, re prius Domino commendata, ac probe expensis rationibus, satis erit, si rem Superiori, vel Admonitori proponat. Atque ita rem tractandam suscipiet, ut minime appareat velle eum ad exitum omnino perducere: multoque minus cum Consultoribus agat, ut ad suam eos sententiam alliciat. Demum ita rem transigat, ut nec Superioribus vel ceteris permolestus sit; sed totam ejus rei curam ita in eorum manibus relinquat, ut quidquid illi, perpensis undique rebus omnibus, in Domino statuerint, melius & Divino obsequio magis consonum fore existimet.

De super:
sua pecuniis
in viaticis.
Ex Instr. ad
renov. spir.
4. 3.

13 Nostreis iter agentibus, ut necessario viatico, debito cum amore & caritate providendum erit, ita nulla ratione permittendū, ut pecu-

cunia illis detur ad superflua coëmenda & quæ religiosæ paupertati minime consonant, ut sunt curiosa & pretiosa: multoque minus ut ab externis seu consanguineis, cum ædificationis jactura, conquiratur.

14 Nulla ratione permittatur, ut Nostri apud se habeant, secumve ferant quædam, quæ pauperibus, quales non sumus, minime conveniant, ut sunt horologia rotata & affabre facta, imagines multi valoris, reliquiaria curiosa & pretiosa, quæ aurei unius valorem excedant, aliaque id genus.

Curiosa, & pretiosa interduntur.
Ex Instr. ad renov. spir. 3.7.
D. 73. s. 4.
Cong. 7.
Ex Instr. spiritus, 6. Cong.
Libris propriis quomodo utendum.
Ex Instr. pro ren. spir. s. 8.

15 Nemo in libris, quos de Superiorum licentia apud se habet, inscribat (*ad usum*) quod paupertatis perfectioni & puritati repugnat: sed in iis, quos de Superioris licentia externorum pecunia coëmerit, ut ipse utatur (qui tamen ex uno in aliud Collegium asportandi non erunt) satis erit inscribere nomen Collegii, vel Domus, cui sunt applicati.

16 Sciant omnes, promissionem illam Societatem ingrediendi, formula votorum simplicium Scholasticorum expressam, votum esse peculiare, à tribus aliis distinctum; quo quis se obligat ad acceptandum gradum Professorum, vel Coadjutorum formatorum, prout Præposito Generali ad majus Dei obsequium fore videbitur.

Promissio ingrediendi Societatem, est votum.
Ex Can. 2. Congr. 5.
D. 16.

17 Intelligant verba illa Regulæ Summarii (*nullaque retamquam propria utantur*) sic esse accipienda, ut ii, qui tria vota substantialia

Regulæ Summarii 24. interpretatio.

Can. 7.
Congreg.
5. Par. 3. c.
1. 5. 7.

emiserunt , non solum contra votum peccent , si re aliqua tamquam propria utantur ; sed si ii quoque , qui nondum se suis bonis abdicarunt , quacumque ratione de iis disponant , vel ea distribuunt , aut iis se abdicent , cum absque Superioris voluntate id fecerint.

Negotia statim sub censuris interdiciuntur.
Ex Can. 10.
Congr. 5.
D. 63. &
101.

18 Ut ab omni specie mali abstineamus , & querelis quoque ex falsis suspicionibus provenientibus , quoad ejus fieri poterit , occurramus ; præcipitur Nostriis omnibus in virtute obedientiæ , & sub pœna inhabilitatis ad quævis officia , & dignitates , seu prælationes , vocisque tam activæ , quam passivæ privationis ; ne quispiam publicis , & sæcularibus Principum negotiis , quæ ad rationem status (ut vocant) pertinent , ulla ratione se immiscere ; nec etiam quantumvis per quoscumque requisitus , aut rogatus , ejusmodi res politicas tractandi curam suscipere audeat vel præsumat.

Sæcularia quoque negotia prohibentur.
Ex Can. 13.
Congreg. 5.

19 Diligentissime cavendum est , ne Nostri cum detrimento spiritualis boni , ac religiosæ disciplinæ jactura , sese in familiaritatem Principum insinuent : nec aliis negotiis sæcularibus , licet rerum particularium ad consanguineos , amicos , vel quosvis alios pertinentibus occupentur , (nisi forte interdum judicio Superiorum caritas aliud suaderet) ut à negotiis hujusmodi , tamquam à nobis alienis abstinentes , intra Instituti nostri limites proximos juvare conemur.

20 Omnes quotannis vacent spiritualibus
Exercitiis obeundis per octo vel decem conti-
nuos dies.

*Exercitia
quotannis
obeunda.
Ex Can 9.
Congreg. 6.
Silentii Re-
gula inter-
pretatio.
Ex Dep pro
ren. spir.*

21 Intelligent omnes oportet, quemad-
modum dato signo ad finem recreationis, sta-
tim conticendum est; ita cum foras eundum
erit, minime loqui licere intra Urbem, ubi fre-
quens est populus, juxta Regulæ de silentio in-
tellectum: & qui in refectorio, vel in culina,
tempore primæ aut secundæ mensæ mini-
strant, noverint eamdem sibi legem esse ser-
vandam, quamvis secundæ recreationi iidem
interesse poterunt.

22 Studeant omnes recreationis tempus
religiose transigere, ne spiritus liberiore con-
versatione intepescat, plurimumque distraha-
tur: curentque rerum curiosarum ac ludicra-
rum narratiunculis amandatis, ea quæ pios Re-
ligiosos decet, loqui assuescere; quo fiet, ut
cum erit nobis cum Externis agendum, ea col-
loquia miscere noverimus, quæ pietatem
oleant, & audientes ædificent.

*Recreatione re-
ligiose tran-
sigenda.
Ex eadem.*

CAPVT V.

DE CASIBVS RESERVATIS
IN SOCIETATE.

*Iuxta Decretum S. D. N. Clementis VIII.
de casuum reservatione pro Regulari-
bus.*

*Casuum re-
servatione
prudenter
utendum.*

I S A N C T I S S I M U S D. N. qui jam pri-
dem accurate perpendit, & reipsa com-
perit, quod reservatio facultatis absolvendi Re-
ligiosos pœnitentes à peccatis quibusdam gra-
vioribus, nisi Superiores admodum pruden-
ter ac moderatè illa utantur, nonnullos infir-
miores, qui interdum Superiori suo conscien-
tiæ maculas detegere formidant, adducere pos-
set in æternæ damnationis periculum, & spi-
ritualis remedii desperationem. Ideo ut huic
malo sua Sanctitas opportune prospiceret, de-
crevit, ut nemo ex Regularium Superioribus
peccatorum absolutiones sibi reservet, exce-
ptis iis, quæ sequuntur, aut omnibus, aut eo-
rum aliquot, prout subditorum utilitati expe-
dire prudenter in Domino judicaverit.

*Qui reser-
vare possint.*

2 I. Veneficia, Incantationes, Sortilegia. II.
Apostasia à Religione, sive habitu dimisso, si-
ve retento, quando eò pervenerit, ut extra se-
pta Monasterii, seu Conventus egressio fiat.

III.

III. Nocturna ac furtiva è Monasterio seu Conventu egressio, etiam non animo apostatandi facta. IV. Proprietas contra votum paupertatis, quæ sit peccatum mortale. V. Iuramentum falsum in iudicio regulari seu legitimo. VI. Procuratio, auxilium, seu consilium ad abortum faciendum post animatum foetum, etiam effectu non secuto. VII. Falsificatio manus, aut sigilli officialium Monasterii, aut Conventus. VIII. Furtum de rebus Monasterii sive Conventus in ea quantitate, quæ sit peccatum mortale. IX. Lapsus carnis voluntarius, opere consummatus. X. Occisio, aut vulneratio, seu gravis percussio cujusque personæ. XI. Malitiosum impedimentum, aut retardatio, aut apertio litterarum à Superioribus ad inferiores, vel ab inferioribus ad Superiores.

3 Si quod aliud præterea peccatum grave pro Religionis conservatione, aut pro conscientiae puritate reservandum videbitur, id non aliter fiat, quam Generalis Capituli in toto Ordine, aut Provincialis in Provincia, matura discussione & consensu.

4 Non liceat Superioribus Regularium confessiones subditorum audire, nisi quando peccatum aliquod reservatum admiserint; aut ipsimet subditi sponte, aut proprio motu id ab eis petierint.

5 Superiores in singulis Domibus deputent duos, tres, aut quatuor Confessarios pro subdito.

Facultas reservandi cui concedatur.

Quando Superior audire poterit confessiones subditorum.

Deputandi pro absolutione à reprobis.

ditorum numero majori vel minori ; iique sint docti , prudentes , & caritate præditi , qui à non reservatis eos absolvant , & quibus etiam reservatorum absolutio committatur , quando casus occurrerit , in quo eam debere committi ipse in primis Confessarius judicaverit.

*Interdicitur
notitia per
confessionem
habita.*

6 Tam Superiores pro tempore existentes , quam Confessarii , qui postea ad Superioritatis gradum fuerint promoti , caveant diligentissime , ne ea notitia , quam de aliorum peccatis in Confessione habuerunt , ad exteriorem gubernationem utantur.

*Superioris
erit pœni-
tentias de-
terminare.*

7 Licebit tamen Superioribus determinare pœnitentias graves quibusdam peccatis , etiam non reservatis , à Confessariis imponendas , quæ subditos ab hujusmodi perpetrandis cohibere possint.

*Derogatur
omnibus pri-
vilegiis.*

Atque ita per quoscumque Regularium Superiores , quicumque illi sint , observari mandavit , non obstantibus Constitutionibus & Ordinationibus Apostolicis , ac cujusvis Concilii , etiam generalis , Decretis ; nec non consuetudinibus , etiam ab immemorabili tempore observatis , aut Regulis in Generalibus , aut Provincialibus Capitulis editis , Statutis , & Constitutionibus , etiam Apostolica auctoritate confirmatis , privilegiis , indultis , & concessionibus quibuscumque (quorum tenores hic pro expressis haberi voluit) ceterisque in contrarium facientibus quibuscumque.

cumque. Datum Romæ apud S. Petrum die
26. Maji 1594.

Andreas Sorbolongus Secret.

S. D. N. Clemens VIII. cum no-
stra Societate dispensavit, &
vivæ vocis oraculo concessit:

I **V**T cum prohibentur Superiores audi-
re subditorum confessiones, supra §. 4. Novitiorum
Magistri
excipiuntur.
non intelligantur Superiores, qui sunt Magi-
stri Novitiorum.

2 Ne in singulis Domibus, præter Confes-
sarium ordinarium, teneantur deputare duos, Non tene-
mur deputa-
re Confessa-
rios pro re-
servatis.
vel plures Confessarios, qui à reservatis ab-
solvant, ut dicitur supra §. 5.

3 Ne iudicium à reservatis absolvendi, Superior de-
negare pote-
ris absolutio-
nem, &c.
Confessariis absolute relinquatur, ut in eodem
§. dicitur, sed liceat interdum (quod omnino
necessarium est) Superiori, pro ratione sui of-
ficii, huiusmodi facultatem denegare in iis ca-
sibus in quibus constat, juxta ea quæ Docto-
res dicunt, & discreta caritas docet, licentiam
huiusmodi esse denegandam, ut plenius in In-
structione explicabitur.

Casus,

Dec. 67.
& 73.

Casus, quorum absolutio reservata est Superioribus Societatis, auctoritate quintæ Congregationis generalis editi, & observandi, præter eos, qui superscripto Decreto S. D. N. Clementis VIII. omnibus Regularibus reservantur, juxta §. 2. dicti Decreti.

Casus reservati pro Nostris in V. generali Congreg.

I **P**ERIVRIVM, & falsum testimonium in judicio, vel extra. 2. Furtum & usurpatio alicujus rei contra Votum paupertatis, in ea quantitate, quæ efficiat peccatum mortale. 3. Lapsus carnis voluntarius, & quidquid est contra Votum castitatis, quod in actum externum prodeat. 4. Inobedientia expressa, qua quis asserit se nolle parere. 5. Seditio in Superiorem, & divisio à capite in grave nocumentum Societatis. 6. Detractio famæ, bonæque estimationis aliorum, & discordiarum seminatio inter fratres. 7. Impedimentum excludens à Societate reticuisse in examine, vel in eo mentitum esse, unde grave aliquod incommodum oriri possit. 8. Acceptio, seu missio litterarum absque licentia expressa, quæ scilicet acceptio vel missio contineat rationem peccati mortalis.

lis. 9. Transgressio Votorum simplicium, quæ Professi emittunt post professionem. 10. Censuræ Societatis nostræ, seu peccata, quæ in nostris Constitutionibus, Bullis, vel Decretis annexam habent excommunicationem.

Hæc omnia cum manifeste erunt mortalia, & in actum exteriorem prodierint, reservantur Superiori Domus, vel Collegii: & ab alio, nisi de expressa licentia illius, absolvi non possunt. *Quando censentur reservata.*

CAPUT VI.

PRO SUPERIORIBVS,
ET CONFESSARIIS
SOCIETATIS,

Circa casus reservados.

1 Q VANDO Confessarius, tacito nomine pœnitentis, à Superiore petit facultatem absolvendi à casu reservato, nullo modo Superior difficilis esse debet, sed facilis potius & promptus in ea concedenda: immo eum persuadere sibi convenit, posse se hac in re graviter offendere, si imprudenter, & sine iusta gravique causa eam negat. *Superior non debet esse difficilis.*

2 Quia tamen & Doctores censent, Superiorem interdum debere pro ratione sui officii, huiusmodi facultatem negare; attendat is *Quomodo & quando facultatem negabit.*
D dili-

diligenter, ut id raro faciat, & in iis tantum casibus, in quibus docebit discreta caritas (juxta ea, quæ iidem Doctores tradunt) licentiam hujusmodi esse denegandam; ut, verbi gratia, cum probabiliter timeri poterit scandalum, aut recidivum pœnitentis, aut alterius. In hujusmodi enim, quæ inducunt necessitatem vitandi scandalum, vel damnum Collegii, aut alterius ruinam, manifestum est, pœnitentem teneri per se, vel per Confessarium rem ipsam Superiori manifestare, tamquam illi, qui remedium necessarium adhibere potest, salvo tamen sigillo, ut oportet.

3 Caveat vero Superior, ne cum ab eo petitur facultas, curiose inquirat, aut aliud quid faciat, unde conjicere possit quis ille sit, pro quo petitur; & ne circumstantias alias exquirat, quam quæ ad rem pertinent. Caveat etiam Confessarius, nequid elabatur, ex quo pœnitens cognosci possit: qui si timet, ne ex notitia alicujus rei possit Superior probabiliter suspicari, quis ille sit; sciat se omnino eam reticere debere, & omnem cautelam adhibere in casu proponendo, ne ulla ratione Superior possit probabiliter agnoscere auctorem. In quo si viderit, proponendo casum in specie, occasionem suspicionis Superiori dari, satis erit, si in genere dicat aliquem in casum reservatum incidisse, qui nec damnum Societati, nec alteri, nec ipsi pœnitenti afferre possit. Vterque denique tam Superior, quam Confessarius,

*A quibus
Superior
& Confessarius
cavendum.*

fessarius, memores sint obligationis sigilli, & ita se gerant, ut ejus puritati & integritati per omnia consulant.

4 Quod si post relationem factam à Confessario de casu, & circumstantiis, quæ salvo sigillo indicari possint, judicat Superior facultatem non esse concedendam; & hoc non obstante Confessarius urget, hujusmodi Superioris severitatem in majus detrimentum spirituale, ruinam, & laqueum pœnitentis cadere, quod videat illum obfirmato esse animo, & nullo modo velle Superiorem adire, (in cujus rei judicio Confessarii conscientia oneratur) tentanda erunt media aliqua, de quibus pro re nata Superior & Confessarius inter se conferant, ac tandem, si nullum aliud reperiatur, Superior facultatem negare non debet.

Cum Superior, & Confessarius non conveniunt quid agendum.

5 Porro cum subditus non per Confessarium ordinarium, sed per alium Sacerdotem facultatem petit, non facile acquiescere debet Superior, nisi Sacerdos ille talis sit, cui merito committi possit: è converso contingere poterit in aliquo casu, ut si nolit subditus Superiorem adire, expediat à Superiore designari aliquem ex senioribus doctum, prudentem, spiritu & caritate plenum, qui melius, aut æque bene ipsi mederi possit, ac Confessarius ordinarius: id enim non erit abs re aliquando facere.

Quando per alium facultatem petit.

6 Ceterum hæc de iis intelligenda sunt, qui in Societatis Domibus vel Collegiis resident:

Facultas absolvendi iter agentis.

*Obligatio se
Superiori si-
stendi.*

*Diversa ra-
tio commo-
rantis in Col-
legio spatio
unius, vel
alterius
mensis.*

*Obligatio si-
stendi eadem
est pro Supe-
rioribus.*

nam de iter agentibus quando ad aliquem So-
cietatis locum divertunt, aliter judicandum
est; quos nempe potest à reservatis ordinarius
loci illius Confessor absolvere, aut si is haberi
non possit, quilibet alius Societatis Sacerdos
approbatus; aut si is quoque desit, etiam exter-
nus. In omnibus tamen his casibus cum onere
& obligatione, ut se sistant postmodum Supe-
riori suo, ad quem ituri vel redituri sunt; ei-
que, aut alteri de ejus licentia, confiteantur. Si
vero accidat, ut aliquis tamquam hospes sit
in aliquo Collegio, diu tamen ibi moraturus
(puta spatio unius, aut alterius circiter men-
sis) si is eo tempore in casum aliquem reserva-
tum incideret, poterit ac debet absolvi à
Superiore illius loci, in quo est, vel de ejus li-
centia; tamquam si proprius esset ejus subdi-
tus, sine obligatione sistendi se Superiori ejus
loci, ad quem proprie pertinet. Idem autem
quoad obligationem se sistendi, servandum
est Confessariis Rectorum, & aliorum Supe-
riorum localium, quando ii (quod Deus aver-
tat) in aliquem casum reservatum inciderent,
& non esset præsens Provincialis, cui talia re-
servantur. Idem quoque ipsorum Provincia-
lium Confessariis, cum præsens non esset
is, qui ad eum finem à Generali esset destina-
tus.

*In dubiis
Confessarius
potest absol-
vere.*

7 Ad extremum, ut omnes eximantur scrupu-
li, & majori cum fiducia ac libertate proce-
datur; cum Confessarius bona fide dubitat, an

mor-

mortale sit, quod proponitur; ab eo, etiam si ex genere suo reservatum sit, potest absolvere, licet hujusmodi dubitatio ex ignorantia procedat: sed neque postea si animadverterit manifeste fuisse mortale, repetenda erit confessio: bona siquidem, & vera fuit absolutio.

8 Et hæc quidem de casibus reservatis. *Qua cautela utendum Confessariis circa pœnitentes.* Ceterum quia propter multas & maximas utilitates non modo in casibus reservatis, sed etiam in aliis, quæ nec reservata sunt, & interdum nec etiam mortalia, ut sunt peccandi pericula, diuturnæ tentationes, & hujusmodi, valde expedit, & pœnitenti mirum in modum utile est, si sincere cor suum Superiori aperiat; non prætermittat Confessarius in hujusmodi casibus, prudenter eas utilitates pœnitenti suggerendo, illum hortari, ut Superiorem adeat. Quod si suaviter obtinere nequeat, non erit tandem pœnitens nimis urgendus; nisi alioqui casus esset ex iis, in quibus, ut dictum est, teneretur pœnitens rem manifestare, & alioqui non esset capax absolutionis.

CAPVT VII.

DE PROMOVENDIS
AD ORDINES SACROS.

*Quanam requirantur, & spectari debeant
in Nostreis, qui ad sacros Ordines pro-
movendi sunt.*

A R. P. N. Everardo Mercuria-
no Præposito Generali tradi-
ta anno 1576.

Ætas.

I V T ætate sit, quam in singulis sacris Or-
dinibus requirit Concilium Tridenti-
num.

Iudicium.

2 Vt naturali iudicio, & prudentia valeat.

*Latina lin-
gua.*

3 Vt linguam Latinam teneat, & bene le-
gere ac pronuntiare sciat.

*In casibus
versatus.*

4 Vt in studiis litterarum, saltem in Casibus
conscientiæ, diligenter versatus sit: ita ut cum
ad Sacerdotium promovetur, fructuose con-
fessiones audire possit.

*In spiritu ac
moribus pro-
bat.*

5 Vt iis moribus, spiritu, ac vita religiosa &
exemplari, præsertim autem resignatione, &
humilitate sit præditus, quæ ad tantum mini-
sterium obeundum sunt necessaria.

6 Vt

C A P. VII. De Promovendis ad Ordines. 55

6 Vt consueta Societatis vota emiserit, & quinquennium saltem in Societate exegerit, atque in vocatione sua stabilis ac firmus sit.

Non nisi post quinquennium in Societate.
Dec. 73 s. 1.
Congreg. 7.
Ad doctrinam Christianam docendam idoneus.

7 Vt ad docendum doctrinam Christianam pueros ac rudiores personas idoneus sit, & in ratione Missæ dicendæ, & in cæremoniis bene instructus, juxta Constitutiones.

Facultas Provinciali datur.

Hæc omnia Provincialis, consilio suorum Consultorum adhibito, perpendet. quæ si invenerit, facultatem poterit suis concedere, ut promoveantur ad omnes sacros Ordines. & ubi promoti fuerint, certiore faciat Generalem.

C A P V T VIII.

D E L I B R I S ORDINATIONVM.

Quinam necessarii, & qualiter distribuendi in Collegiis, seu Domibus Societatis videantur.

I PRIMVS liber continebit Ordinationes majoris momenti : & hujus fit mentio in Regula 135. Provincialis, & 16. Rectoris.

Primus liber Ordinationes majoris momenti continet.

*Dividitur
in tres par-
tes.*

Dividetur autem in tres partes; In prima scribentur Ordinationes majoris momenti & perpetuæ, quæ à Generalibus mittuntur, juxta Regulam 16. Rectoris. In secunda parte scribentur visitationes Collegii; à Generali approbatæ; ea scilicet, quæ in illis visitationibus majoris momenti & perpetua fuerint, juxta eandem Regulam 16. In tertia parte scribentur ejus generis Ordinationes perpetuæ, quas in hoc libro scribendas esse Reg. 135. Provincialis posteriori parte exigit; siue illæ toti Provinciæ communes sint, siue uni tantum Collegio, in quo liber est, convenient. Huc etiam spectant responsa P. Nostri ad quæsitæ particularia illius Collegii, vel Provinciæ, non tamen Procuratorum, sed alio tempore data.

*Secundus liber continet
responsa Generalium ad
Provincias.*

2 Secundus liber continebit responsa Generalium ad quæsitæ Provinciarum. Et habebit duas partes: In prima responsa Generalium, quæ Provinciæ illi per Procuratorem, qui tertio quoque anno Romam mittitur, dantur. In secunda parte scribentur responsa post Congregationem Procuratorum, siue alias diversis Provinciis data, & communicata, siue ad majorem notitiam, siue ut ab omnibus Provinciis observentur.

Tertius resolutiones casuum.

3 Tertius liber continebit resolutiones casuum difficiliorum, quæ ex Vrbe accipiuntur.

*Quartus
Epistolas Generalium.*

4 Quartus liber erit is, in quo scribantur Epistolæ Patrum Generalium adhortatoriæ, quæ

quæ communes toti Societati ab illis scribuntur, nec typis evulgantur.

5 Quintus liber continebit Ordinationes *Quintus Ordinationes temporaneas* temporaneas ex Vrbe missas, seu ex visitationibus approbatas, ut habetur Regula 16. Rectoris.

6 Sextus liber habebit nomina eorum, qui *Sextus nomina emittentium vota.* emittunt vota solemnia, & vota simplicia in illa Domo, vel Collegio, juxta Regulam Præpositi 12. & Rectoris 11.

7 Septimus liber erit liber Consuetudinum, *Dec. 81. Congr. 7.* in quem receptæ, & à Provincialibus approbatæ referantur. Idemque etiam Visitatoribus in visitationibus probandus offerri debet.

L I B R I

Ordinationum eorumque distributio in Archivio Provinciæ, juxta Regulam 29. Provincialis.

1 PRIMVS liber conveniet in prima & *Quæ continentur in primo libro Archivii Provinciæ.* secunda parte, cum libro primo Collegiorum; in tertia vero parte scribentur tantum Ordinationes in tertia parte primi libri Collegiorum expressæ, quæ communes sunt toti Provinciæ.

2 Secundus liber continebit Ordinationes *Quæ in secundo.* Provincialium, proprias singulis Collegiis, tam à Generali approbatas, quam cum

Generali non communicatas, alicujus tamen momenti, nec temporaneas. Approbatis à Generali adscribetur in margine, Approbatæ. Habebit tot partes hic liber secundus, quot loca sunt in Provincia.

*Qua in ter-
tio.*

3 Tertius liber continebit Acta Congregationum Provincialium, cum responsionibus Generalium; & constabit duabus partibus: In prima parte describentur primum Acta omnium Congregationum Provincialium illius Provinciæ: deinde proposita tam Congregationis, quam Provincialis nomine, cum responsionibus ad illa. Secunda pars continebit responsiones diversis Provinciis Romæ datas, & omnibus Provinciis communicatas.

*Qua in reli-
quis.*

4 Quartus liber continebit resolutiones casuum difficiliorum, quæ ex Vrbe dantur.

5 Quintus liber continebit Epistolas Generalium, quæ typis non sunt mandatæ.

6 Sextus liber habebit nomina eorum, qui emittunt vota solemnia & vota simplicia in illa Provincia, juxta Regulam 72. Provincialis.

7 Septimus liber erit, ubi scribuntur, qui sacris initiantur. qua de re fuit scriptum ad omnes Provinciales sub 1. Decembris 1591.

CAPVT IX.

DE VISITANDIS
PROVINCIALIBVS.

*Capita præcipuarum rerum, de quibus
iisdem officio functi reddituri sunt ra-
tionem.*

A. R. P. N. Claudio Aquaviva
Præposito Generali ad Pro-
vincias missa anno 1597.

I V T in re tanti momenti quæ non parum Hujus Or-
dinationis
necessitas.
ad rectam gubernationem conducit &
in Congregatione generali maxime nobis
commendata, æquum videtur, si quid à Pro-
vincialibus peccatum est, quod admonitione
vel emendatione indigeat, id ad Præpositum
Generalem referri, ut pro sua erga Societatem
& singula ejus membra vigilantia & caritate,
ut par est, reipsa prospiciat; ita illud in primis
cavendum, ne hac occasione via aperiatur in-
numeris querelis & subditorum licentiæ, qui
quasi suspensio animo existiment, absoluto
Provincialis officio, fore ut rescindantur, aut
certe retractentur quæ circa eos statuta & or-
dinata

Cautio magnopere adhibenda.

dinata fuerant. Ex quo fieret, ut debilior obedientia in dies redderetur, dum existimant futurum, ut Superior, ne hac molestia grave-
tur, facile indulgeat, ac neminem contristare velit. Quæ sane res quam pernicioſa futura eſſet Societati & rectæ gubernationi, nemo eſt qui non videat. Ac proinde cui mandata cura hæc fuerit, pro viribus annitendum erit, ut caute omnino ac prudenter ſe gerat in hoc munere obeundo, ita ut nec Superiorum exiſtimationi, famæque officiat, dum ſubditorum querelis æquo plus tribuit; nec ſuo muneri deſit, dum in erratis Superiorum remiſſe connivet. Capita autem præcipua, de quibus rationem exiget, hæc fere erunt quæ ſequuntur.

De quibus reddenda ratio.

An viſitaverit.

2 An viſitaverit ſingulis annis loca Provinciæ juxta Regulas, & fideliter de omnibus informaverit Generalem.

An ſubditorum querelas audierit.

An ſubditorum querelas de immediatis Superioribus benigne audierit; & localium Superiorum defectus, ſi quos compererit, correxerit; & tum de remedio adhibito Præpoſitum Generalem monuerit.

An rationem conſcientiæ acceperit.

An acceperit rationem conſcientiæ ab omnibus etiam Superioribus, juxta ipſius Regulam & Inſtructionem datam.

De puritate paupertatis.

An diligenter curaverit, ne quid contra puritatem paupertatis irrepat, facile concedendo, ut ab amicis & parentibus accipiant contra Regulam 90. ſui officii.

An

CAP. IX. *De visitandis Provincialibus.* 61

An plures admiserit in Societatem, quam qui necessarii sunt; & eorum habuerit deletum juxta Constitutiones & Ordinationem datam. *De admittendis.*

An observaverit diligenter Regulam 41. sui officii, ut scilicet dimitti curaverit eos, qui minus idonei ad nostrum Institutum videbantur. *De dimittendis.*

An absoluta visitatione informationes fecerit & miserit eorum, qui ad gradus juxta Instructionem promovendi sunt: & similiter suo tempore de idoneis ad gubernandum. *De informationibus ad gradus.*

An curaverit ne ære alieno graventur Collegia, præsertim ad fabricas non necessarias juxta Ordinationem. *De are aliena.*

An curaverit ministeria omnia Societatis juxta Institutum promoveri, operarios idoneos habere, & Missiones facere. *De ministeriis.*

An curaverit Seminaria in Provincia instituere Sacerdotum, seu Confessariorum, & Præceptorum, seu litterarum humaniorum. An periculum fecerit de idoneis ad gubernandum: & an eos qui actu gubernant, in recta & spiritali ratione gubernandi juxta nostras Constitutiones, non in humana & politica debite instruxerit, atque eos in illa promoveri studuerit. An Concionatores juxta Regulas ipsorum exercere curaverit. *De Seminariis instituendis, & politica gubernatione.*

An studia omnia juxta rationem studiorum promoverit. *De studiis.*

An Ordinationes Generalis Consultoribus communicaverit. An illos libenter audierit, præ- *De Ordinationibus.*

præsertim Admonitorem, seu Socium: & quomodo Ordinationes observentur, fideliter Generalem fecerit certiore.

*Quæ circa
præxim ser-
vanda.*

3 Circa præxim vero hæc videntur observanda. Si is, cui Provincialis sui officii rationem redditurus est, Visitator fuerit, ex Instructione tum communi, tum etiam particulari satis perspectam habebit Societatis mentem; & ex ipsomet Provincialis officio, vel Regulis, quibus id continetur; & ex capitibus, quæ supra posuimus, optime intelliget, circa quæ versari, & de quibus Præpositum Generalem monere debeat.

Si vero fuerit novus Provincialis, quoad capita quidem informationum, iis utetur, quæ hic ponuntur; quoad modum vero, hic proculdubio ab eo quo Visitator uteretur, omnino diversus esse debet. nam cum nec ab eo Provincialis, qui officio defunctus est, corrigi debeat; nec quæ ab eo statuta sunt, immutari possint; huc tantum spectabit, ut liquido intelligat, præsertim à Consultoribus Provincialis, in quibus is erraverit: & de iis sincere Generalem informet, ita tamen ut antea à Provinciali, de quo agitur, accipiat rationem eorum, quæ illi obijciuntur.

CAPVT X.

PRO CONSVLTORIBVS.

CAPITA

*De quibus scribent ad Generalem
Consultores.*

A R. P. N. Claudio Aquaviva
Præposito Generali missa ad
Provincias anno 1597.

I QVONIAM ad bonam Societatis gub-
nationem refert plurimum, ut Consul-
tores cum Præpositorum localium, tum &
Provincialium, plenam & utilem de guberna-
tione Superiorum, quorum sunt Consultores,
Præposito Generali informationem mittant;
atque in ea re experientia hætenus nos do-
cuerit, à plurimis, non sine detrimento com-
munis boni, nonnumquam errari; visum est
omnino operæpretium ad eorum instructio-
nem capita nonnulla attingere, de quibus scri-
bendum sibi esse, juxta formulam scribendi,
& Consultorum Regulas intelligant. Et qui-
dem super omnia id juvabit, ut percurrant Re-
gulas suorum Superiorum diligenter, quas
juxta 14. sui officii tenere debent, tum Ordi-
natio-

*Necessitas
Generalem
informandi.*

*Quæ à Con-
sultoribus
legenda.*

nationes Generalium, quæ illis communicandæ sunt, ut non semel præscripsimus: postremo ut ad certa quædam capita universam gubernationem referant, de quibus si breviter & accurate scripserint, omnes necessitates Provinciæ, & universa illius gubernatio Præposito Generali perspicue constabit.

*Capita de
quibus scri-
betur.*

2 Ea autem fere esse possunt, quæ sequuntur.

Primo, de admittendis in Societatem, & instruendis in Novitiatu.

Secundo, de gubernatione scholasticorum nostrorum.

Tertio, de profectu in spiritu, studio orationis & virtutum.

Quarto, de disciplina domestica, observatione votorum & Regularum.

Quinto, de litterarum studiis, tam quoad Nostros, quam quoad externos.

Sexto, de ministeriis, & fructu cum proximis per missiones, conciones, confessiones.

Septimo, de gubernatione Superiorum spirituali, suavi, exacta; vel contra.

Octavo, de rebus temporalibus, redditibus, debitis.

Nono, de Regula 18. Sacerdotum, & de executione eorum, quæ alias circa illam in Ordinationibus generalibus, & nunc postremum in litteris nostris datis ad Provinciales 21. Septembris, 1606. scripta sunt.

Decimo, an aliquid scandali & offensionis acci-

acciderit; & quid remedii fuerit adhibitum: & quomodo cum externis, præsertim cum Prælati & Principibus viris pax & benevolentia conserventur.

3 Postremo hæc pauca monendos esse diximus Consultores omnes (quæ non parum prodesse poterunt ad suo munere recte fungendum) primum ne ejusmodi litteris, in quibus publica dumtaxat, & quæ ad status suæ Provinciæ aut Collegii notitiam pertinent, contineri oportet, privata aut diversi generis à superiore argumento admisceant: cum de suis, aliisque si necesse fuerit, separatim ad nos scribere possint. Deinde, ut hæ litteræ deforis ex nota aliqua in tergo apposita, videlicet CC. geminata, à Consultoribus conscriptæ esse dignoscantur. Demum ut impigri, quando ex Formula scribendum est, quamvis à nullo moniti primo quoque tempore ad nos illas mitant; Consultores quidem Provincialis mense Januario & Julio; Consultores vero Superiorum localium semel quotannis, mense Januario.

Quæ in scribendo servanda videntur.

CAPVT XI.
DE CONFESSARIIS
PRINCIPVM.

*A R. P. N. Claudio Aquaviva Præ-
posito Generali anno 1602. con-
fecta.*

*Necessitas
huius Ordi-
nationis.*

I **P**RINCIPIO statuendum est, quandocum-
que Societas huiusmodi officia defuge-
re non poterit (eo quod varias ob circumstan-
tias maior Dei D. N. gloria sic exigere videat-
ur) ita demum in deligenda persona, exercen-
dique ejus muneris ratione procedendum esse,
ut & Princeps inde adjuvetur, & populus
ædificetur, & Societas detrimentum non ca-
piat; cum incidant sæpe casus, in quibus præ-
ter alia incommoda Societas unius loci causa;
in aliis pluribus non levia damna sustineat.
Quapropter re Divinæ Majestati plurimis sa-
crificiis, & orationibus commendata, mature-
que cum Patribus Assistentibus consultata,
hæc quæ sequuntur, decernenda in Domino
censuimus. Quæ si cui forte Principum minus
aliquando probarentur, tum illis omni cum
modestia & humilitate significandum erit, per
leges nostras his solum & non aliis conditioni-
bus

bus suscipi à nobis id oneris posse. Speramus *Commoda.*
autem tales fore, ut cum religionis commo-
do & conservatione, magnam simul omnium
ædificationem, Principisque utilitatem con-
junctam habeant.

2 Primum Confessarius hic in Domo seu *Domi nostra*
Collegio nostro semper habitare debet, & pro *habitet.*
subdito se gerere, ut ante solebat: communem-
que disciplinam perinde ac ceteri omnes ob-
servare, nec exemptionem ullam aut privile-
gium hoc nomine habere. Et quamquam va-
ria ob negotia, quæ incidere possunt ad Prin-
cipem spectantia, & secretum jure postulantia,
permitti eis debeat, ut litteras schedaive scri-
bant, vel accipiant tum ab ipso, tum à Secreta-
rio, & aliis, quibus Princeps id demandarit;
minime tamen propterea existiment genera-
lem sibi factam esse potestatem, ut hac occa-
sione ad nostros, vel ad externos officiales,
aliosque scribant; sed Regulam prorsus obser-
vent: & Provincialis si quem usquam abusum
deprehendat, etiam præceptum imponat, Re-
gulamque ad verbum servari jubeat. Multo-
que minus permittendum est, ut accipiant vel
retineant pecunias, dispensent, dent, vel acce-
ptent munera. Quoniam hæc & cetera id ge-
nus, quale est domo exire absque facultate, &
quolibet pergere pro arbitrio, religionem
omnem ac spiritum in singulis destruunt, ni-
hilque ad Principis obsequium, rectamque hu-
jus muneris functionem conducunt.

*De litteris
scribendis
servetur Re-
gula, sicut &
dandi & ac-
cipiendi.*

*Sine facul-
tate ne egre-
diatur.*

*In itinere
ubi perno-
ctet.*

3 Diversari, aut pernoctare in aula non poterit, quibus in locis domicilium fuerit Societatis: quin etiam ubi Princeps illum in itineribus, locorumque mutationibus secum manere vellet, à Provinciali, aut cujus id intererit, facultate obtenta, major futura est ædificatio, si procuret, ut in aliquo Religiosorum conventu, aut apud honestum quempiam Sacerdotem extra aulam commoretur. Tum autem curare simul debet, ut socium ad suam consolationem, actionumque suarum testimonium præsentem semper habeat.

*Ne se nego-
tiis immi-
sceat.*

4 Caveat ne se implicet externis negotiis ac politicis, memor eorum, quæ à V. Congregatione Generali severissime præscribuntur Can. 12. & 13. sed in ea solum incumbat, quæ ad Principis conscientiam pertinent, vel ad illam referuntur, aut in alia certa pia opera; diligenterque vitare debet, ne aulam nimis frequenter, aut eo non vocatus se conferat, nisi pia aliqua necessitas, aut grave quidpiam, quod necessario suggerendum videatur, ire compellat. Interestque magnopere, ut Princeps ipse alia illi negotia interdicat. Sic enim & majore cum libertate atque integritate munus suum obibit; & pœnitens vacuus ac liber erit à multis molestiis, quas creare solent, qui opera Confessariorum ad privata sua commoda uti volunt.

*Nihil procu-
ret.*

5 Nullo modo suam operam interponat ad compositiones, ut vocant, ineundas, favoriq; aut muneri conciliando, vel ad gratiam justitiam-

ve ulli procurandam : cum talia etiam in casibus licitis scandalo esse soleant , si à Confessario, præsertim Religioso, tractari videantur.

6 Animadvertat , quanto majori in gratia fuerit apud Principem , ita ut aliqua per illum auctoritate uti possit ; ne umquam propterea verbo , nedum scripto , res ullas aut negotia Principis ministris commendanda suscipiat : sed ubi pia res foret , ac Superioris iudicio necessaria , curet ut Princeps ipse de illâ scribat aut imperet. Multoque magis cavendum , ne se ad monendos , reprehendendosque Principis nomine ministros , & aulicos interpretem adhiberi sinat , sed aperte deprecetur , si quando id illi impositum vellet.

*Gubernatio-
ni ne se infi-
rmet.*

7 Videat etiam atque etiam ne suboriat opinionio , quasi ipse multum possit , & Principem pro arbitrio suo regat : præterquam enim quod odiosa , & omnibus ingrata res est , atque adeo Principi ipsi parum honorifica ; incredibile præterea Societati damnum affert. Cum enim , ut humana est miseria , murmuraciones , seu iustæ , seu iniustæ numquam desint , odium semper , ut experientia compertum est , in Confessarium retorquetur. Proinde quamvis re ipsa aliquid posset , opinionem tamen illam vitare debet ; usum autem potestatis , quo supra modò dictum est , temperare.

*Opinionem
gratia apud
Principem
non amplifi-
cet.*

8 Debet Princeps æquo animo & patienter audire , quidquid Confessarius dictante sibi conscientia suggerendum in dies pro re nata

*Quomodo
Principem
monere de-
beat.*

cenſuerit : quia cum perſona publica , & cum Principe cum agatur , convenit , ut Patri religioſa libertate expromere liceat , quod ad majus Dei ac Principis ipſius obſequium in Domino judicaverit : nec de iis ſolum rebus , quas ab eo , ut pœnitente ſuo cognorit , ſed de aliis etiam , quæ hinc inde audiuntur , remediumque poſtulant , ad inhibendas oppreſſiones , minuendaque ſcandala , quæ præter Principis mentem ac voluntatem , Miniſtrorum ſæpe culpa eveniunt , & tamen noxa , proſpiciendique neceſſitas in Principis ipſius conſcientiam revolvitur.

*In dubiis
Theologi con-
ſulendi pro
conſcientia
pœnitentis.*

9 Vt ſi quando contingat , quod facile eſt factu , ut difficultas aliqua circa Confeſſarii ſententiam naſcatur , Princeps cum duobus , tribuſve aliis Theologis rem conſulter. Qua in re ut acquieſcere ipſum oportebit , conſcientiam ſuam deponendo , ſi contra ejus ſenſum judicaverint ; ita Principi grave pariter non ſit aſſentiri pro ſua parte , ut id fiat , quod illi faciendum eſſe decreverint.

*Sit obſer-
vans diſci-
plina.*

10 Domi memor uſque ſit modeltiæ religioſæ , obediendiæ erga Superiores , & æqualitatis cum ceteris circa cubiculum , veſtitum , reliquamque univerſam diſciplinam : quia favores , & quod aliquid interdum pro Societate impetrarint , tranſverſos agere homines ſolent , ut imperioſius agant , & quamdam præ aliis excellentiam præſeferant : quod cum bene conſtitutum corpus magnopere dedeceat , incre-

credibile dictu est, quantam etiam in aliis creet aversionem.

11 Atque ut uno verbo dicantur omnia, *Regi se à Superiore finat.* meminerit se Confessarium tantum esse: omnia proinde quæ ab hoc munere aliena sunt, ab ipso pariter aliena esse oportere. Vnde nec Societas illa permittere debet, nec ipse ægre ferre si eum Superiores hac in re coërceant: quin potius agere Deo gratias, quod hoc modo expeditior reddatur; & uni officio spirituali sibi commisso attendere, Deum assidue orando, ut ei lumen concedat ad recte collimandum; & cum Superioribus in dubiis casibus consultando, quia spiritus Domini directio, & non humana prudentia, propriumve judicium utiliter illuminat.

12 Semper insistat, ut Principem benevolum ac propensum habeat erga Societatem, & non erga privatam suam personam: quia hæc *Principis amorem erga Societatem fovet.* certa ipsius ac religionis perniciēs esset. Quare animum poenitentis sui sic affectum retineat, ut quandocumque religio ad Dei obsequium expedire judicabit, ut ipse mutetur, aut ejus opera alio in loco utatur; majorem in ea re facilitatem nanciscatur, quam interdum experta sit quorundam Confessariorum culpa, qui volentes aut fortasse etiam imprudentes negotia sic tractant, ut se ipsos & sæculares, quibuscum versantur, à religione potius avertant, quam ut eos Christo lucrifaciant.

13 Caveat ad extremum, ne occupationes *Impensius spiritualibus.* & res

*Exercitiis
incumbat,
orationi,
&c.*

& res aulicæ spiritum relaxent; quin majore cura incumbat per orationem, exercitia spiritualia, frequentiaque sui examina, ut conjunctum cum Deo D. N. instrumentum efficiatur, ita ut ejus gratia & auxilio nixus non modo in se ipso spiritum non amittat, sed in ipsis quoque negotiis spiritu illuminetur & regatur. Vnde operæpretium etiam fuerit, ut in ministeriis erga proximos, reliquorum operariorum more, se exerceat.

*Inconsulto
& non assen-
siente Pro-
vinciali ne-
mo confesso-
nes Principi
audiat.*

14 Verum ut pacate omnia, & absque ulla Principum offensione transigantur, necesse esse duximus, ut is qui pro certo ac stabili Confessario petitur (nam si semel, aut iterum id fiat, ut solet accidere; minime oportebit) paratum se quidem esse poscenti Principi respondeat; verum per leges, quas habemus nulli ex Nostreis licere inconsulto & non assentiente Provinciali id oneris suscipere, proinde ab eo petenda facultas. Provincialis vero per se quidem si sic expedire in Domino judicaverit, vel per alium, vel si visum fuerit, per eundem ipsū Patrem, priusquam potestatem faciat (dummodo ad id muneris peridoneum, & iis dotibus instructum, ac virtute præditum esse duxerit, quæ necessariae sunt ad id bene peragendum) primum ostendat oportet petentibus Instructionem hanc nostram, ut plane intelligant quid Societas ab eo postulet, quem Confessarium sibi eligunt: deinde modestè quidem, sed plane, atque perspicue eisdem significet, et-

*Ostendenda
Principi
hac Instru-
ctio, & clarè
ei aperiendū
mutari Con-
fessarium
posse.*

si ex animo permittimus, ut ejus Patris opera ad spirituales sui consolationem pro libito utantur; intelligant tamen futuram semper in potestate Superiorum, cum illis visum fuerit, mutationem, & liberam Patris, ut & ceterorum omnium, dispositionem.

Quod sane consilium nobis ut pernecessarium ac salutare, sic eisdem probatum iri confidimus, ita exigente religiosa disciplina: cum persuasum nobis esse debeat, ejusmodi Principes pro sua in nostrum Ordinem benevolentia, nihil nisi quod honestum sit, & legibus nostris affine, à nobis expetere voluisse.

CAPVT XII.

AD SUPERIORES

PRÆSERTIM

PROVINCIALES.

De ratione tenenda cum iis, quos è Societate dimitti oportere judicaverint, antequam ad Generalem scribant.

A. R. P. N. Claudio Aquaviva Præposito Generali anno 1604. ad Provincias inissa.

I QVAM utile sit ac necessarium, à Societate dimitti eos, qui ad illam apti non sint, *Necessitas & causa hujus instructionis.*

sint, liquidò apparet non solum ex Constitutionibus, Bullisque Apostolicis, sed etiam ex perpetuo usu & traditione tum B. P. N. ac Fundatoris, tum B. P. Francisci Xaverii, viri ut eximia sanctitate conspici, sic ejusdem P. Fundatoris nostri mentis sensorumque intelligentissimi. Verum ut res tota cum ea caritate ac prudentia transigi possit, quam Constitutiones præscribunt, & quam Spiritus ipse Dei nos docet, postularunt à nobis variæ Provinciæ, ut Superioribus instructionem aliquam exhiberemus de modo, quem tenere ad nos scribendo debeant, cum res exigit, ut ad hujusmodi consilia, vel inviti descendamus. Quare de his, quæ sequuntur, operæ pretium visum est admonere; Rectoribus, ac multo magis Provincialibus (ad quos proprie spectat de amputationibus istis nobiscum agere) in futurum præmonitis, nisi ea diligenter observent, fore, ut neque conscientia ipsi suæ, officioque, & Constitutionum legibus satisfaciant; neque à nobis (quorum est prævia informatione, congruaque pro rei magnitudine caritate, maturitate, ac deliberatione statuere) certum ullum responsum, aut sententiam referre possint.

*Tria ante
dimissionem
Provinciali
inspicienda
circa dimittendum.*

2 Primum ergo cum quispiam de Nostriis male se gerit, & de illo dimittendo ab aliis suggeritur, Provincialis præmissa oratione animum intendat, ut exploret, an ea quæ illi objiciuntur, vera sint, an vero falsa aut dubia. Deinde an ut vera essent, tanti sint momenti,

ut

ut de dimissione, juxta cap. 2. 2. partis agi debeat. Tertio inquirat accurate, utrum Superiores erga hujusmodi hominem debita caritate perfuncti sint, diserte illum commonefaciendo, pœnitentiarumque, & quod caput est, Exercitiorum spiritualium, interiorisque curationis remedia applicando, & quam diuturna deinde fuerit hæc curatio: quandoquidem non est satis uno atque altero mense medicinam facere, sed patientia & longanimitate opus est.

3 Consideret genus culpæ, quale sit, an ex earum scilicet numero, quæ quod alios inficiant, communi bono adversentur; an ex iis, quæ scandalum præbeant, aut quæ gravem Societati notam adferre possint: an propter delicti magnitudinem, aut propter emendationis difficultatem, aut denique ad resarciendam Societatis famam, præcisionem hanc requirant; si modo & ratio ipsa rei pertractandæ, & diuturnitas adhibendæ curationis maturæ huic curationi locum faciant: cum certum sit, ubi periculum urget, ne alii labefactentur, aut ubi manifesta est Religionis infamia, diutius differri non posse. Quin imo in publicis casibus, necesse ad compensandam jacturam interdum erit, festina & prompta executione uti, juxta Reg. 41. Provincialis.

*Genus culpa
attendendū
ejus, qui di-
mittitur.*

*Quando mi-
nime dissi-
rendum.*

4 Peracta in hunc modum informatione, omnibus diligenter consideratis, auditaque sententia Rectoris illius Collegii, in quo ad-

*Quinam
primum an-
diendi.*

missum

*De quibus
circa dimittendos Gene-
ratis docen-
dus.*

missum delictum, aut unde prodiit accusatio; Provincialis Consultores suos convocet, & singula illis exponat. deinde informationem ad nos mittat, quemadmodum observata fuerint, quæ dicta sunt; & quid ipse, Consultoresque ipsius faciendum censeant: ut exempli causa, N. tot annorum est, in Societate tamdiu fuit, gradu caret, aut ad illum promotus est, scholasticus est, vel Coadjutor, in his studiis versatus, vel artem hanc novit, tot annis male se gessit in hoc, vel illo genere defectuum: idem hoc & illo in loco, in quibus vixit; vel hoc ipso in genere, vel in hac & illa re malæ fuit ædificationis: adhibita fuerunt hæc & illa remedia; nulla secuta est emendatio. censemus illum, &c.

Quando ante dimissionem puniendi.

5 Si defectus sint cum scandalo conjuncti, & qui poena aliqua puniri debeant, priusquam dimittantur, juxta mentem Quintæ Congregationis in Decreto 43. non ante ad dimissionem veniatur, quam pro meritis fuerint castigati. Sin alterius generis erunt, intelligant Superiores, non esse necessarium, nec Societati expedire, ut poenæ semper irrogentur; cum dimitti possint, ac debeant, quantum fieri potest, sine dedecore vel ignominia, ut præcipit Constit. par. 2. cap. 3. §. 5. 6. & 7. curandumque sit, ut qui dimittitur, recedat integra cum benevolentia, & quanta cum consolatione fieri potest, atque etiam ut dirigatur juveturque, prout caritas dederit.

6 Erga eos, qui ex sua ipsi tentatione dimitti petunt, laxari habenas nullo modo convenit, ne tum quidem, cum habita personæ ratione, utile Societati videretur, ab ea liberari. Non convenit, inquam, multas ob causas. tum quia ejusmodi difficultas nonnullos interdum ad sanio rem mentem reduxit; tum propter aliorum etiam ædificationem; tum ut ad salutarem ipsis indifferentiam revocari queant: tum denique quia si persuasio hæc, quasi janua omnibus statim pateret, perniciofa multis futura videretur. Sed quia hujusmodi homines, ubi ad certum gradum tentationis pervenerint, raro apti sunt ad Societatem; vitari simul alterum extremum necesse est, in quo versantur, qui illos omnibus modis semper retinendos censent: propterea quod Instituti nostri, & ministeriorum ratio id minime ferret, nec ipsa tandem propria illorum utilitas, nec commune bonum Societatis, quæ tunc illos dimittit, non quia ipsi postulant, sed quia inutiles, noxii que reliquo corpori effecti sunt, & emendari nolunt.

7 Et quoniam propter causas etiam occultas, ut docent Constitutiones cum Bullis Apostolicis, & praxis ipsa B. P. N. ostendit, dimitti possunt, quando vel ipsismet, vel Societati, vel utrique parti expedire visum fuerit; non debent Consultores credere, multoque minus accusare, quasi eo quod Superior cum ipsis rem non communicarit, temere & sine causa gesta sit:

*Quid cum
his qui sponte
dimitti pe-
tunt.*

*Cum quis (re-
nulli com-
municata)
dimittitur.*

fit: sed cum religiosa potius modestia Superiorem interrogare, quid causæ vel Nostri vel externis sciscitantibus reddi queat. Is enim congruæ tum prudentiæ caritatiſque non immemor, ejusque qui dimissus est mente præcognita, cum scilicet ex communi utrimque consensu res transacta est, tale illis responſum dare poterit, quod omnibus merito satisfaciât.

8 Perlata tandem ad nos informatione, rem ante omnia Domino commendabimus, & cum PP. Assistentibus, nisi ejus conditio secretique servandi lex aliud postulaverit, eamdem consultabimus: omnibusque consideratis, sola Dei gloria, & Societatis, atque ipsius etiam de quo agitur, quoad ejus fieri poterit, utilitate ob oculos proposita; eam sententiam amplectemur, quam in Domino magis expedire judicabimus. Quam utique, ut rem tanto studio examinatam, mature deliberatam, Deoque impensius commendatam, in Provinciis quæ par est animorum quiete, judiciorumque submissione, sine curiosa cujusquam investigatione exceptum iri speramus: præsertim cum sæpe eventurum sit, ut causæ quibus adducti fuerimus, ob multa & gravia impedimenta evulgari à nobis non possint, nec debeant.

*Propositi
Generalis
judicio ac-
quiescendū.*

*Superiores
docendi de
eis qui ad ip-
sos in Pro-
vinciam, vel
extra mis-
suntur.*

9 Sed quoniam animadversum est (ut alias Superiores monuimus) cum accidit, ut mittendi sint in aliam Provinciam ii, de quorum dimissione agitur, propterea quod in sua contramode dimitti non possint; mitti eos interdum

sine

sine debita informatione, ita ut Superiores Provinciæ præsertim eorum statum ignorantes, eorum opera in publicis functionibus uti statim incipiant: neque alio modo eos tractent, quam ceteros suæ Provinciæ: quo fit ut, cum eos postea dimittere jubentur, multa nascantur incommoda, cum externorum & domesticorum offensione. Idcirco huic tanto malo, ut in posterum tempus occurratur, si quando acciderit aliquem hoc sine mitti extra Provinciam, meminerint Provinciales ex Regula 117. sui officii, de illius statu instructionem vel præmittere, vel minime differre, ut ex ea judicent Superiores, ad quos mittitur, quid agere, & quo loco habere unumquemque debeant, donec (si res ipsa id postulaverit) nostrum ab Urbe responsum præstolentur.

10 Illud postremo hoc loco minime prætereundum est, quod cum & ad ædificationem non parum conducatur, & ad offensiones externorum vitandas pernecessarium sit, ipsa experientia docente, Superioribus severe cogimur interdiceret, ne ejusmodi personæ, de quarum dimissione agitur, ullibi eo tempore, quod intercurrit, ullo modo exponantur publicis functionibus aut ministeriis; sed omnino abstineant, & domi contineantur, ut rei gravitas postulare videbitur: habeaturque semper in omnibus ædificationis ratio, temporis, locique, quoad ejus fieri poterit, in dimissione servatis circumstantiis.

Ne qui dimittendi sunt, interim in ministeriis occupentur.

CAPVT XIII.

DE I V N I O R I B V S
S C H O L A S T I C I S .

*Qualis de-
beat esse Se-
paratio.*

*Dec. 30.
Cong. 6.*

I I Vniorum Scholasticorum educatio , cum primum ad Seminaria aut Collegia venerint , uti ex prima sui institutione cœpta anno 1600. & jussu Præpositi Generalis inducta ; ita nunc auctoritate Sextæ Generalis confirmata, omnino ea esse debebit , ut seorsim à ceteris ad formam secundi anni probationis, quæ olim in Collegiis fiebat, tum inhabitandi, convivendique ratione ; tum in ceteris, in quibus judicio Provincialis commode distinctio servari poterit, separatio fiat. Ad quem Iuniorum locum intelligant omnes sibi minime licere (nisi prius ab uno Rectore facta potestate) accedere ; quemadmodum neque illis ab eodem egredi absque ejus licentia , qui curam gerit , nisi cum ad res consuetas Domus peragendas signum datur.

*Tempus
biennii.*

2 Porro tempus etsi perdifficile erit certum quoddam præscribere , quo juvenes seorsim à ceteris convivant, tum ob ætatem , tum ob spiritualem indigentiam , quæ diuturniorem breviorēve subinde postulant dilationem ; tamen, ut minimum , bienni spatium esse oportebit : quod protrahere , prout in Domino , &
So-

Societatis bono & Fratrum nostrorum expedire judicaverit, Provincialis erit: qui uti quamprimum monendus erit peracti temporis ab eo, qui curam gerit; ita minime patietur, ut alii, quantumvis graves Patres, intercedendo sese insinuent: neque ante expletum biennium, quamvis firmi ac stabiles in vocatione, ad docendum in scholis educantur.

3 Horum autem cura & Instructio, etsi ab ipso Rectore Collegii, sicut & aliorum, tota pendebit; nihilominus per alios exercenda erit: quorum primus quasi Præfectus spiritus in eo promoveat ac dirigat; alter, tamquam Minister, in regulari disciplina contineat, ac de necessariis prospiciat: nisi ob numerum grandiorum tertius videretur addendus Coadjutor. Nam Ministro totius Collegii minime visum est expedire illos subicere; cum, posita separatione, peculiarem ac diversam quodammodo esse oporteat gubernandi rationem; nisi forte in illis corrigendis puniendisque, cum aliquid extra definitum locum contra Regulas peccare intellexerit.

4 Prioris partes quamvis in Regulis Præfecti spiritus satis superque explicantur, ex quibus eos juvari oportebit; tamen eæ erunt præcipuæ, ut peculiarem eorum curam gerat, juxta directionem potestatemque sibi à Rectore factam, à quo in hoc munere pendebit. proindeque adnitendum illi erit, ut quintodecimo minimum quoque die illos alloquatur, audiat,

Per quos regendi.

De Præfecto spiritus juniorum.

instruat, formet, prout spiritualis necessitas postulaverit: licebitque poscentibus eas poenitentias imponere, ceterasque mortificationes, quæ vulgares sunt, quæve devotionis gratia à Nostreis suscipi in Refectorio consueverunt; publicis reprehensionibus ac disciplinis exceptis, nisi secus Rectori visum fuerit.

*Munus Mi-
nistri junio-
rum.*

5 Posterioris vero, qui Sacerdos plurimum esse debet, munus erit, Rectorem ad exteriorem gubernationem iuvare in iis omnibus, quæ ab eodem præscripta fuerint: à quo item uno tamquam suum instrumentum, & non ab aliis pendebit: qui cum vitæ exemplo, tum prudenti cum charitate & amore dirigere eos juvenes debet in Religiosa disciplina exacte servanda.

*Catalogos
officiorum
conficiet, &
distribuet.*

6 Quare ejusdem erit catalogum officiorum, exercitiorumque, quæ ab illis in Collegio fieri oportebit, ex Rectoris præscripto conficere; diesque ac tempora in culina ac Refectorio inserviendi ex condicito cum Ministro designare: curabitque ne quidquam Fratribus desit, sive ad vestitum & habitationem, sive ad cetera necessaria pertineat, Rectore consulto.

*Necessaria
comparet.*

*Ad Supe-
riores &
Magistros
dirigat.*

7 Cum quis ex Novitiatu ad Collegium primum venerit, statim ad Provincialem, & Rectorem ipse dirigat; ex ejusdemque præscripto, ad studiorum Præfectum vel Magistrum, si periculum de litteris faciendum erit, libris ac necessariis comparatis. Memineritque eorum om-

omnium, qui ad Collegium venerint, de numero Ministrum Collegii docere.

8 Versetur una cum iisdem in recreationibus, quæ in vinea, aut domi fiunt, in loco à Rectore præscripto; à quo sine ejusdem Patris facultate non abscedent: sintque minimum terni: quotquot, cum foras eundum erit, egredi domo oportebit. curabitque quoad ejus fieri poterit, ut Coadjutores quoque Novitii intersint, & in spiritu juventur.

Recreationibus intersit.

In recreatione terni & cum foras eunt.

9 Quamvis de singulis ab eo monendus erit Rector, quin & singulis quibusque mensibus, ac sæpius, (si sic eum velle intellexerit) quemadmodum quisque se gerat, nisi res ipsa quamprimum fieri docebit; leviores tamen defectus & quotidianos Ministro totius Collegii detegat, ut in Refectorio pœnitentias injungat. Facultatem quidem accipiendi, dandique mutuo minima, atque inter se de rebus necessariis loquendi dare poterit, si Rector non abnuerit. Ceterum Magistros, ceterosque alloquenti, qui Superiores non fuerint, vel domo egrediendi, sive ad januam eundi, potestatem ipse non faciet sine Rectoris consensu: à quo, & divisionem personarum in cubiculis, & rationem mutuo inter se sociandi (nam alios comitari minime licebit) cum egrediuntur domo, accipiet, ut executioni mandet. Porro ex iis non erit difficile eorum Regulas describere.

Qui defectus Rectori, & Ministro aperiendi.

Quas facultates dare poterit.

CAPVT XIV.

*De iis, qui in prædiis, aut villis morantur,
cum à studiis feriantur.*

*Finis recrea-
tionum.*

Par. 4. c. 13.

Dec. 57. s. 8.

sextæ

Cong.

*Quomodo
religiose per-
agenda.*

QUONIAM ut assiduitas in litterario exercitio, ita & aliqua remissio necessaria est; ne dum absque aliqua relaxatione, vel convenienti recreatione labores studendi nimium protrahuntur, corpus detrimentum patiat; operæpretium visum est Patribus rationem quamdam esse præscribendam, quo religiose fiat. Idcirco enitendum erit Superioribus, ut quæ intermissiones à studiis ad novas vires sumendas institutæ sunt, quo alacriores ad eadem revertantur, ita peragantur, ut & corpori recreationem pariant & vires, & spiritus ardorem minime extinguant. Quare hæc pauca in universum præscribenda visa sunt.

*Ædes re-
creationis,
accommodæ,
& clausuræ
sint.*

Primum, ut cum in aliquod prædium secedendum erit, animos relaxandi gratia, minime eo mitti debeant Nostri, nisi peraccommodæ ac sufficientes ædes habitationi sint. in quibus & Superior, qui præsit omnibus, & obseratæ fores sint, ne liber sit exitus, nec desideretur religiosa disciplina.

*Oratio, &
examen.*

2 Ut spiritualia exercitia examinum & orationis minime prætermittantur, utpote res eo quidem tempore pernecessariæ.

CAP. XIV. *De recreationibus in villis.* 85

3 Ut nullus eo præsertim tempore, exter-
 rum villas, licet propinquorum, adeat; nisi
 graves ob causas Provinciali videretur esse ali-
 cui concedendum.

*Villa exter-
 norum ne
 adeantur.
 Ex Dep.
 pro ren.
 spiritus.
 Singularia
 Provincialis
 expendet.
 Dec. 57.
 Cong. 6.*

4 Qualis vero hæc esse debeat recreatio, &
 quamdiu duratura (nam ultra quindecim die-
 rum spatium non erit procedendum) qualeve
 genus exercitii, aut ludi, prudenti considera-
 tioni Provincialis, expensis personarum, loco-
 rumve circumstantiis, habita ratione ædifica-
 tionis relinquitur: cujus erit singularem quam-
 dam directionem in hujusmodi recreationi-
 bus suæ Provinciæ accommodatam conficere.

CAPVT XV.

*De manifestatione delicti, Superioribus
 facienda.*

PARS PRIM A.

Circa Reg. 9. & 10. Summarii
 desumptam ex c. 4. Exa. §. 4.

*Ex D. 49.
 Cong. 6.*

1 **A**D majorem in spiritu profectum, &
 præcipue ad majorem submissio-
 nem, & humilitatem propriam, con-
 tentus esse quisque debet, ut omnes

*Regula
 Summ. 9.*

errores, & defectus ipsius, & res quæcumque, quæ notatæ in eo & observatæ fuerint, Superioribus per quemvis, qui extra confessionem eas acceperit, manifestentur.

Regul.
Summ. 10.

Boni etiam omnes consulant, ab iis corrigi, & ad aliorum correctionem juvare; ac manifestare sese invicem sint parati debito cum amore & caritate, ad majorem spiritus profectum; præsertim ubi à Superiore, qui eorum curam gerit, fuerit ita præscriptum, aut interrogatum ad majorem Dei gloriam.

*Vi Patri,
quodcumque
delictum
manifestatur.*

Ex D. 49.
Cong. 6.

*Cedimus juri
nostro.
Ex eodem
Decr.*

Primo decretum est, licere omnibus manifestare Superiori, ut Patri, quodcumque delictum alterius, sive leve sit, sive grave. & hunc esse intellectum Regulæ.

2 Cum illo capite 4. Examinis proponatur omnibus, & interrogentur, An contenti sint futuri, ut omnes defectus, & res quæcumque, quæ in iis notatæ, & observatæ fuerint, Superiori manifestentur; Eo ipso Nostros cedere cuicumque juri famæ, quod huic manifestationi obstare possit; & potestatem fieri omnibus deferendi ad Superiorem quæcumque, etiam gravia, quæ de illis notata fuerint: quandoquidem ratione majoris humi-

militatis, & profectus spiritualis, & ut à Superiore melius cognosci, dirigi, juvari que possint, ipsimet expresse concesserint, & judicaverint id sibi magis expedire ad maiorem Dei gloriam, & bonum animæ suæ.

3 Cum in eodem loco non solum de defectibus, sed etiam de erroribus, & quibuscumque aliis rebus, quæ in ipso notatæ & observatæ fuerint, fiat expressa mentio; non esse dubium quin de omnibus delictis gravioribus sermo quoque sit.

Regula intelligenda de omnibus etiam gravioribus.

4 Verba illa Regulæ (*per quemvis, qui extra confessionem eas acceperit*) intelligi de illis, quæ ab aliquo alio in eo notata, & observata fuerint; non autem de iis, quæ ipsemet secreto, & consilii petendi gratia, ut dirigatur vel juvetur, cum aliquo communicaverit. Si quando autem ob aliquas peculiares vel graves rationes dubitaverit consiliarius, num debeat manifestare Superiori rem eo modo secreto acceptam; consulat tunc diligenter Doctores, ut in re tanti momenti prudenter, eaque, qua decet cautione, procedere possit.

Interpretatio verborum Regulæ per quemvis, qui extra confessionem.)
Ex eod.

5 Necessè non esse in hac manifestatione expectare, ut hoc illi à Superiore iniungatur, vel interrogetur; cum verba illa Regulæ (*præsertim ubi à Superiore, qui illorum curam gerit, fuerit ita præscriptum*) satis declarent, paratos esse oportere ad hanc manifestationem, non expectato Superioris præscripto.

Ex eod.

Præsertim ubi à Superiore, &c.

*Debito cum
amore.
Ex eod.*

6 Quod vero subiungitur (*Debito cum amore & caritate,*) sic accipi oportere, ut qui manifestat, non debeat aliquo inordinato affectu duci; ut alius scilicet confundatur, mortificetur, puniatur; sed ex affectu caritatis: ut videlicet ille melius juvetur in spiritu, periculis à Superiore occurratur, bono communi prospiciatur: atque ita manifestans servet eum modum manifestandi in verbis, in narratione, in intentione, qui amorem & caritatem præferat.

*Quando
utendum
denuntiatione
paterna.
Ex eod.*

7 In delictis, quæ vel in detrimentum boni communis, vel in damnum imminens tertiæ personæ vergunt (qualia sunt infectiva aliorum, & nociva bono Religionis, ut sunt lapsus carnis cum tertio, seminatio discordiarum inter fratres, furtum, impugnatio, vel machinatio contra Institutum aut Superiores, præsertim vero Generalem, consuetudo detrahendi, ac susurrandi, & his similia) non solum potest, sed etiam tenetur quisque immediate uti denuntiatione paterna, manifestando illa Superiori; ut secreto ac prudenter tam bono Subditi, quam Religionis prospiciat.

*Quando ju-
dicialis de-
nuntiatio
facienda.
Ex eod.*

8 Quando vero prudenter judicaretur, non posse adhiberi sufficiens remedium, quo bono communi, vel tertiæ personæ provideatur, nisi assumatur in ea re persona Iudicis; tunc tenetur subditus ad judicialem denuntiationem Superiori faciendam.

PARS SECVNDA.

Qua ratione in denuntiatione paterna se gerere debeat Superior, ut Pater; tam in servando secreto, quam in aliis, quæ ad remedium adhibendum pertinent.

IE A ratione secretum servare debet Superior, ut Deferentem nulli revelet sine ejus consensu, quem interdum is dare tenebitur: ita ut semper Superior omnimodæ indemnitati Deferentis consulat.

*Deferens nulli revelandus.
Ex D. 5c.
Cong. 6.*

2 Delatum nemini revelare debet, qui prodesse non possit fini, quem denuntiatio paterna intendit; qui est profectus spiritualis subditorum, & bonum commune Religionis: quibus Superiorem necesse est paterne providere. Quare sine urgenti necessitate, & magna utilitate pertinente ad dictum finem, & cum eo minore detrimento quo possit famæ delati, numquam debet manifestare delatum. Quando vero ob fines, & rationes allatas existimat revelandum esse; tunc iis tantum manifestare oportebit, qui remedio adhibendo prodesse poterunt.

*Quando delatus revelandus.
Ex eod.*

Quando monendus & corrigendus delatus.
Ex eod.

3 Habitatione finis denuntiationis paternæ, non solum potest Superior ipsum delatum aliquando monere, & secreto corrigere coram duobus testibus, ut ex Evangelio cum S. Thoma docent Doctores; sed etiam consulere de remedio, imponendo secretum iis, quibuscum communicat. Quin etiam poterit unus Superior rem sic delatam & cognitam, alteri Superiori ejusdem delati dicere, quando res ita postulaverit ad finem paternæ delationis.

Quando consilium petendum & quomodo.
Ex eod.

4 Cum autem possit, & liceat de ea re eos consulere, quibuscum expedit pro remedio, & cum secreto; ut majore cum cautione procedatur, quando consultatio videretur necessaria, petatur deferentis consensus, quem ille dare debebit; ita tamen, ut in consultatione, deferentis nomen taceatur, & res, quoad ejus fieri poterit, in universum tractetur. Porro Superior minime à deferente petere debebit, ut suo nomine rem delatam subscribat; cum ea subscriptio tantum judiciali denuntiationi deserviat.

Non est à deferente exigenda subscriptio.

Qua Superior circa delatum præstare poterit.
Ex eod.

5 Licet etiam Superiori ob prædictum finem secreto peragere quæcumque judicaverit expedire ad remedium, profectumque delati, citra ejus infamiam: nimirum privatim monere, reprehendere, terrere minis, diligenter circa illum invigilare, mutare loco, occasiones atnevertere, præcavere à recidivo, non admittere ad aliquod officium, ab eodem removere

vere si quod habet, sine violatione secreti, sub alia apparenti ratione, & probabili id præstare possit.

6 Potest etiam Superior nonnulla ex ita delatis & cognitis manifestare in publicis Refectorii reprehensionibus; ut sunt defectus leves & communes subditorum, imponendo poenitentias ordinarias, juxta praxim communem Societatis; dummodo ipsi delato infamiam alicujus momenti non inferat; & quoad ejus fieri poterit, impetrato deferentis consensu, & absque ejusdem detrimento.

Etiam leves defectus publice corrigere poterit.
Ex cod.

7 Denique licebit interdum Superiori ex ita cognitis, & ad se tamquam ad Patrem delatis, descendere ad dimissionem delati à Societate: ita ut quamvis utatur, & adjuvetur ea notitia, non eo tamen modo procedat, ut talis defectus vel in specie vel in genere in aliorum cognitionem deveniat; sed alias, alia via cognitas; notas illi opponat, quæ ad illum dimittendum aliorum iudicio sufficere videantur. Aut certe nihil tale dicat: neque occasionem aliquam det credendi, quod dimissio fiat in poenam delicti, quod omnino secretum est; nec alia via, quam paternæ denuntiationis scitur.

Quomodo ad dimissionem descendet.
Ex cod.

8 Ceterum hæc doctrina de manifestatione delicti minime nova videri debet, cum inter cetera Iulius II. in Statutis Franciscanorum fateatur, damnandum esse dogma illud, quod habet, Religiosum criminis socium non teneri
ad

Vnde hæc doctrina de manifestatione desumpta.
Ex cod.

ad denuntiandum illud Superiori. & in Constitutionibus Generalibus Farinerii Ordinis Minorum cap. 7. refertur, In quodam Capitulo Generali, à S. Bonaventura statutum quoddam in hæc verba conditum fuisse :

Nullus Frater dogmatizet, vel teneat, quod cum aliquot sunt socii in crimine, non teneatur alter alterum Superiori revelare, qui potest ac debet prodesse, & animarum periculis præcavere. Nam ex sententia Bonaventura, Magistrorum Ordinis, ac totius Capituli Generalis definitum est, hanc doctrinam perniciosam esse, & in destructionem Ordinis, & Regularis disciplina excogitatam: cum Prælatos nosse oporteat Subditorum excessus, non solum, ut puniant, sed ut præcavere possint.

Novitiis de-
claranda.
Ex D. 51.
Cong. 6.

9 Postremo decretum fuit, ut hoc ipsum, quod de manifestatione delicti sancitum est, ostendatur Novitiis; declareturque, juxta Reg. 15. Magistri Novitiorum, inter alia, quæ ipsis explicanda, declarandaque paulatim ibidem esse dicuntur.

CAPVT XVI.

DE ACCEPTANDIS
COLLEGIIS.*Iuxta V. Generalis Congregationis De-
cretum 69.*A. R. P. N. Claudio Aquaviva
Præposito Generali explicata.

I Cvm Collegiorum ratio triplex esse pos-
 sit, nempe infima, media, & suprema; Quomodo in
posterum
Collegia ac-
ceptanda.
 & admitti nullo modo in posterum debeant
 Collegia ulla, quæ seminarium sibi saltem ipsis
 necessarium operariorum, qui in eisdem Col-
 legiis occupantur, alere non possint, unde sibi
 de operariis iisdem, quando opus est, vel pro-
 xime & immediate, si id præstare poterunt,
 prospiciant, vel certe per modum permutatio-
 nis cum alio Collegio faciendæ, unius, verbi
 gratia, Lectoris Rhetoricæ pro uno Confessa-
 rio, aut Concionatore, &c. necessarium esse
 duximus cuilibet Collegiorum rationi suum
 numerum personarum, quas alere possit, infra
 quam ea acceptanda non erunt, designare.

De infima Collegii ratione.

*Numerus
operariorum
in infimo
Collegio.*

2 **C**Um igitur tribus quasi membris quolibet Societatis Collegium conitet, domestica scilicet gubernatione, institutione scholarum, & templi ministeriis; infimæ rationis Collegii ratio septem, ut minimum, Sacerdotes requirit, Rectorem, Ministrum, Concionatorem, Præfectum rerum spiritualium, Confessarium Nostrorum domesticum unum, externorum alterum, & Procuratorem: ex quibus tres, vel quatuor in templo confessiones diebus festis excipiant.

*Scholarum
institutio
qualis.
P. 4. c. 7. B.
& c. 5. A. &
c. 12. A.*

3 Scholarum vero institutio, juxta Constitutiones in Grammatica, disciplinisque humanioribus, Rhetorica, & linguis, casibusque conscientiæ, quantum fieri poterit, esse debet: ne scilicet suo fine fraudetur Societas, quin suos discipulos ad mediocritatem saltem instruat, ut vel ad Ecclesiastica ministeria exercenda, & animarum salutem promovendam sint utcumque idonei, vel ad sæcularia munia usu linguarum sufficienter instructi.

*Quot Magi-
stri præs-
ciendi.*

Erunt igitur præficiendi, tres Grammaticæ præceptores, Humanitatis unus, Rhetoricæ unus (in quorum nonnullis classibus erit ab eisdem lingua Græca docenda) unus denique casuum conscientiæ Lector; Præfectus item scholarum unus; omnes denique

nique septem, præter Correctorem externum.

4 His quatuordecim operariis essent attribuendi, ut minimum, totidem Societatis scholastici pro Seminario; essentque universi viginti octo. quibus si unum Correctorem, & undecim Coadjutores omnino necessarios addamus; erit numerus hujus rationis Collegii quadraginta personarum. Verum, quia V. Generalis Congregatio decrevit, ut infimæ hujus rationis Collegiorum foundationes, quæ ad sustentationem triginta personarum sufficerent, admitti possent; onerum tamen, seu obligationum mensuram, scholarum scilicet, & Magistrorum numerum non determinavit, *Minimum 30. esse oportebit.* Præpositi Generalis erit, obligationes, & gravamina in ejusmodi foundationibus, quæ triginta personis alendis tantum sufficient, ita attemperare, ne hujusmodi Collegia supra vires onerentur: ut si in his, verbigratia, duas Grammaticæ classes, unam vero Humanitatis tantum admittat, cum scholarum Præfecto, atque his, non ex obligatione, sed ex mera Societatis liberalitate, ubi opus fuerit, unum casuum conscientiae Lectorem addat. His igitur quinque, & aliis Sacerdotibus, sex uno scilicet subtracto ex septem superius designatis Sacerdotibus, si totidem scholastici addantur pro Seminario, erunt universi viginti duo, quibus vix sat esse poterunt Coadjutores temporales septem vel octo, præter Correctorem;

*Minimum
30. esse oportebit.*

*Obligaciones,
& gravamina nume-
re attempe-
randa.*

rem; erit utcumque constituta ratio Collegii personarum triginta.

Aucto numero augenda fundatio.

5 Quod si Fundator aliquis exigat lectionum Grammatices, Humanitatis, & Rhetoricæ plenitudinem, lectorumque numerum superius designatum; hic fundationem augere debet ad quadraginta circiter personarum sustentationem sufficientem.

Qua præter fundationem requirantur.

6 Præter fundationis autem censum, congruam pro ratione numeri personarum habitationem, præparatam cum suppellectili, & bibliotheca, templique & scholarum ædificio, hortoque dare debet.

Quod si ex his aliquid desit, quod ex censu ipso fundationis suppleri debeat, monebitur de hoc, sicut & de re tota, Præpositus Generalis.

De media Collegiorum ratione.

Numerus minimus sexaginta.

7 SI ad supradictum operariorum, & scholarum numerum, tres Philosophiæ cursus triennales, singulos scilicet singulis annis auspicandos, Fundator adjicere volet; addendi similiter erunt Scholarum tres Magistri, Præfectus, unus item aut alter, qui prælectionibus eorum magistrorum, quos decumbere contigerit, substitui possint: templi etiam operarii, Seminarii scholares, & Coadjutores temporales: qui si recte distribuuntur, ad numerum octoginta circiter personarum Collegii,

gii, computatis infimæ rationis personis ascenderent. sed quandoquidem Generalis Congregatio censuit, non esse gravandos hujusmodi Collegiorum Fundatores ultra censum, qui alendis sexaginta personis in universum sit sufficiens; cum reliquis templi, habitationis, & scholarum ædificiis supradictis, his contenti esse debebimus.

Pro rata augenda fundatio.

De suprema Collegii ratione.

8 SI quis Fundator petat studium generale vel Universitatem institui, nimirum ut in ea præter omnia supradicta, prælegatur Theologia scholastica, & sacra Scriptura, atque lingua Hebraica; ad hæc præstanda necessarii erunt tres, vel quatuor alii Professores, propriusque hujus facultatis Præfectus, seu totius scholæ Cancellarius, substituti, aliique officiales in Universitatibus adhiberi consueti: insigne item aliud Seminarium Theologorum cum aliquo domesticorum officialium incremento, ut ex Collegii hujusmodi fundatione, annumeratis simul Collegiorum infimi & medii generis personis, centum, ut minimum, ali possint.

Numerus minimus centum personarum.

Pro rata augenda fundatio.

Excipiuntur autem Indicæ, ac Transalpinæ regiones, de quibus nihil certi præscribendum censuit Congregatio Generalis.

Excipiuntur Indica & Transalpina Provincia.

CAPVT XVII.

DE APTIS AD
GVBERNANDVM.

*Quo modo de iis confici debeant Informa-
tiones, quæ in Urbem tertio quoque an-
no mittendæ sunt.*

A R. P. N. Claudio Aquaviya
Præposito Generali recogni-
ta, & aucta anno 1595.

P A R S P R I M A.

*Quanti sit
facienda bo-
na Superio-
rum electio.*

I QVONIAM magna ex parte Societatis
nostræ gubernatio, ut B. P. IGNATIVS
affirmat part. 9. Constitutionum, pendet ex
Præpositis localibus, quibuscum necessario ab
eo, qui universalem curam sustinet, communi-
candum est onus; ut in rebus particularibus
eas ordinationes, quæ hinc præscribuntur, exe-
quantur; & cum ea fortitudine, & suavitate,
quæ à Constitutionibus nostris exigitur, cu-
rent, ut in praxim perducantur; semperque vi-
væ ac vigentes eo ipso usu declaratæ censean-
tur

tur Constitutiones, ac Regulæ (siquidem quod eæ chartis descriptæ sint, non id Societatis spiritum tuetur, ac vivificat) ideo plane necessarium est, ut hujusmodi homines ad hoc munus deligamus, in quorum industria ac prudentia merito conquiescere; & quibus eorum, qui nobis crediti sunt, animorum corporumque curam vicissim credere possimus; & aliquam allevationem habere gravissimi hujus oneris, quod nobis à Domino impositum est.

2 Quocirca valde commendatum Provincialibus esse debet, ut quemadmodum in aliis ministeriis, quo copia sit hominum ad ea sufficientium, datur opera, ut mature instruantur & aptentur; ita etiam in hoc gubernandi, omnium vel præcipuo, non minus adhibeant studii & diligentiae in inquirendis, ac notandis cujusque talentis, & præterea etiam exercendis, & iis qui aliquam aptitudinem à Domino accepisse videntur, erudiendis tum praxi tum etiam opportunis instructionibus & monitis.

*Exquirendi
& exercendi
ad hoc munus idonei.*

3 Modus autem eos exercendi esse hic poterit, si in aliquas consultationes adhibeantur, vel Ministri in aliqua domo constituentur, vel si cum eis Regulæ perlegantur, & doceantur ipsarum intelligentiam & usum: denique aliis ejusmodi rationibus, quas Superioribus eorum prudentia suggeret.

*Modus eos
exercendi.*

4 Eadem de causâ valde expedire videtur, ut plena notitia eorum omnium Præposito

*Eorum notitia
constare
debet Generali.*

Generali constet, & quos Provinciales in suis quisque Provinciis habeant, qui in hac parte operam Societati navare queant.

Quorum iudicio seligi, & a quibus informationes accipi debent.

5 Provincialis primum omnium, audito Consultorum suorum, nec non antiquiorum, si necesse fuerit, ac præcipuorum Patrum iudicio, ex omnibus suæ Provinciæ Sacerdotibus eos seligat, de quibus informatio accipienda videatur. Postea vero informationes ab iis accipiat, qui prudenter, & sincere eam daturi videantur: ac re tota rite precibus Deo commendata, suo tempore nobis mittat catalogum eorum, quos ad gubernandum aptos censebit ex formula, quam in hunc finem subijciemus: illud tamen observans, ut omnia fiant secrete, ut rem ipsam postulare intelliget.

In visitatione informationes acceptæ, tertio quoque anno ad Generalem mittenda.

6 Operæpretium autem erit, ut Provincialis, qui visitat, quemadmodum informationes de promovendis sumit, juxta Regulam 69. sui officii; ita etiam de idoneis ad gubernandum accipiat. Et postea tertio quoque anno catalogus hujusmodi informationum, ex præscripto hujus formulæ, ad Præpositum Generalem mittatur.

In 3. classes dividitur.

7 Porro hujusmodi Catalogus in tres classes distingui debet. Prima quidem eorum erit, qui actu gubernant. Altera vero eorum, qui aliquando gubernarunt. quod si horum aliqui justis de causis non proponantur, addatur ratio, quare prætermissi fuerint. Tertia denique eorum, qui apti ad gubernandum videbuntur.

& de

& de his dicatur, quinam proxime, qui vero remote idonei censentur.

8 Has autem informationes (quæ ab omnibus Latine mittendæ sunt, ut & eæ, quæ de promovendis ad gradus fiunt) debebunt Provinciales accipere non solum à Consultoribus, sed ab antiquioribus etiam & præcipuis Patribus, qui eos qui proponuntur, optime nosse possunt, vel quia illis præfuerunt, vel quia cum illis familiariter egerunt, vel in Missionibus, foris, vel Domi: quorum omnium nomina ad nos perscribant. Non erit tamen necesse singulis capitibus, & responsionibus ponere quid quis dixerit, sed id tantum fieri debebit, cum in ea responsione non consentiunt, & res est alicujus momenti. Tunc enim in informatione addendum erit duos, tresve contra sentire, & in charta aliqua separata explicandum, illos duos vel tres, qui aliter sentiebant, esse Patres talem & talem. quibus omnibus significandum erit, si quid aliud eis seorsum ad nos scribendum occurrat, id omnino facere non omit-
tant.

Latina mittenda.

Quibus hæ informationes communicanda antequam Romanam mittantur.

Capita Informationis mittenda à Provincialibus de iis, qui in suis Provinciis ad gubernandum idonei videbuntur.

P A R S I I.

De aetate.

I **C**V I A s sit, & qua ætate is, de quo mittitur informatio; & quot annis in Societate fuerit, & quibus in studiis versatus sit, & quo progressu.

An gubernaverit.

2 An alias umquam gubernarit, ubi, & quamdiu, & in quibus officiis, & qua Nostrorum, ceterorumque satisfactione.

De affectu ad res spirituales.

3 Quam affectus sit ad res spirituales, ad orationem, ceteramque cum Domino communicationem.

De mortificatione passionum.

4 De mortificatione passionum, de mansuetudine, de humilitate, amore paupertatis, vel singularitate circa propria commoda.

De prudentia, &c.

5 De vigilantia, prudentia, & fortitudine in negotiis tractandis.

De caritate, &c.

6 De caritate, & suavitate in Subditos, & discretione.

De disciplina, &c.

7 De religiosa disciplina, & observantia, de rectitudine, & constantia.

An intelligens Constitutionum.

8 Quam intelligens sit nostrarum Constitutionum, & Regularum, & an ex earum spiritu Subditos ad perfectionem dirigere studeat, non humana & politica ratione: & an sensus habeat

C A P. XVII. *De aptis ad gubernandum.* 103
habeat proprios, & peculiares, non consentaneos modo Societatis.

9 Vt affectus sit ad externas nationes & Provincias : & an particulares affectiones retinere soleat ad personas aliquas particulares, ita ut cum aliorum offensione gubernaturus videatur.

De affectu ad externas nationes.

10 De zelo animarum, & studio iuvandi proximos, & an hoc studium in Nostreis promoveat; de obedientia & subordinatione ad suos Superiores, & de proprio iudicio.

De zelo animarum, &c.

11 An umquam notatus sit quod gubernationem ambierit, aut procuraverit.

De ambitu.

12 Denique, si quid aliud occurrerit, propter quod aptus, vel minus aptus ad gubernandum videatur.

Hæc omnia in iis, qui aliquamdiu gubernarunt, facile erit animadvertere : & ideo ab iis, qui vel eorum subditi, vel Superiores extiterunt, eorum notitiam consequi licebit. Qui autem hætenus numquam regimen attigerunt, de iis illa dici debebunt, quæ vel jam usu comperta sunt, vel quorum specimen, aut significationem præbuerint.

A quibus, & quomodo capienda informationes.

*Praxis conficiendarum, & mittendarum
informationum, juxta formulam de ido-
neis ad gubernandum.*

P A R S I I I.

*Personarum
selectio ut
facienda.*

I PROVINCIALIS cum suis Consultoribus Catalogum omnium Sacerdotum Provinciæ perlegat, & ex eorum judicio illos seligat, de quibus merito sumenda sit informatio.

*Informatio
quomodo su-
menda.*

2 Facta hac selectione, de singulis selectis suinat informationem, juxta formulam: & ex responsis quæ retulerit, expresse numero eorum, qui ita sentiunt, tacitis autem nominibus, brevem summam conficiat, dilucidam tamen, & juxta singulas interrogationes, ad hunc fere modum.

*Informatio accepta à quinque, vel sex Patribus
de P.N.N.*

De aetate.

Ad 1. PATER Antonius Pamphilius Romanus annorum 40. fuit in Societate annis 20 studuit Philosophiæ, & Theologiæ, vel casibus conscientiæ, &c. bene profecit, vel mediocriter, vel parum, ex trium sententia; plusquam mediocriter, ex duorum, vel omnium sententia.

*De gubernā-
di tempore.*

Ad 2. Nūquam gubernavit; vel fuit Minister
Col-

Collegii, vel Domus talis per biennium, cum bona, vel mala satisfactione, ex omnium, vel trium, vel duorum, vel unius sententia. Fuit item Rector Collegii talis, cum bona satisfactione externorum, omnium iudicio, vel aliquorum; mala autem, vel bona, vel mediocri Nostrorum. Ita sentiunt duo, vel tres, vel unus, vel omnes. Et sic de aliis muneribus, si quæ obivit.

3 Quod autem de duobus his capitibus dictum est, idem faciendum in ceteris. *Sic de singulis.*

4 Facta igitur in hunc modum de singulis informatione, illam cum Consultoribus leget, ac examinabit: ac re inter se discussa statuunt, quid de singulis capitibus sentiant, idque addant informationi, hoc, qui sequitur, modo, juxta informationem superius positam. *Re cum suis Consultoribus communicata statuat.*

Ad 1. P. Antonius Pamphilius Romanus annorum 40. fuit in Societate annis 20. studuit Philosophiæ & Theologiæ, vel Casibus conscientiæ, &c. bene profecit, vel mediocriter, vel parum, ex trium sententia, idemque sentiunt duo Consultores: plusquam mediocriter, ex duorum iudicio, quibus adhæret unus ex Consultoribus, &c.

5 Absoluto Informationum examine, & appposito Consultorum iudicio de veritate Informationum singulis capitibus; Iudicium utrum ille aptus, vel minus aptus videatur, tum ipse Provincialis, tum Consultores secretis, & separatis litteris ad nos scribant. *Secretis, & separatis litteris ad Generalem scribendum.*

Paradigma Informationis, juxta formulam de idoneis ad gubernandum.

P A R S I V.

Informatio de P. Antonio Pamphilio Romano à quinque Patribus accepta, & cum Consultoribus examinata.

De aetate. I PATER Antonius Pamphilius Romanus annorum 40. fuit in Societate annis 20. studuit Philosophiæ & Theologiæ, plusquam mediocriter profecit omnium judicio: idemque sentiunt omnes Consultores.

Ubi gubernaverit, & qua satisfactione.

2 Fuit Minister in Collegio Romano per annum; mediocriter satisfecit: erat enim aliquantulum severus, ex trium sententia, quibus consentiunt Consultores. Fuit etiam Rector Lauretanus annis 4. cum bona Nostrorum, externorumque satisfactione, ex omnium judicio: duo tamen ex Consultoribus sentiunt non bene satisfecisse externis, licet Nostris satisfecerit.

De affectu ad res spirituales.

3 Affectus est ad res spirituales, & ad orationem, ceteramque cum Domino communicationem, ex omnium sententia; quibus consentiunt

tiunt Consultores, uno dempto, cui non videtur devotus.

4 Mortificatas habere passiones videtur ferre omnibus, uno dempto; humilis est, & mansuetus, ex trium iudicio; quibus omnes assentiunt Consultores. Amare creditur paupertatem, & non esse singularis circa propria commoda, ex omnium tam Informantium, quam Consultorum iudicio.

De mortificatione passionum.

5 Est vigilans, & mediocriter prudens, sed non valde fortis in negotiis tractandis: in quo omnes consentiunt.

De vigilantia & prudentia.

6 Caritatem & suavitatem exercet in Subditos, ex Informantium sententia: dissentiunt tamen duo ex Consultoribus, qui illum existimant severiorem. Discretionem videtur habere mediocrem, in quo omnes consentiunt.

De caritate & suavitate.

7 Religiosam disciplinam, & observantiam cum rectitudine & constantia promovet, ex omnium Informantium sententiis; unus tamen ex Consultoribus dissentit.

De disciplina.

8 Intelligens est nostrarum Constitutionum, & Regularum mediocriter: & ex earum spiritu Subditos ad perfectionem dirigere studet, ex duorum sententia: tres autem existimant illum humana & politica ratione gubernare. Atque hoc secundum verius censent Consultores. Sensus proprios, & peculiare habet aliquando non consentaneos modo Societatis, ex omnium, etiam Consultorum sententia.

De intelligentia Constitutionum.

*De affectu
ad nationes.*

9 Affectus bene est ad externas nationes ; duo tamen ex Consultoribus contrarium sentent. Affectiones ad particulares aliquas personas, præsertim eas, quæ suas res probant, retinere solet ; ideoque cum offensione aliorum gubernat. Ita sentiunt omnes , nec dissentiunt Consultores.

De zelo animarum.

10 Zelum animarum & studium juvandi proximos habet quaecumque : hoc autem studium in Nostreis non ita ut decet , promovet. Ita omnes Informantes. Vnus autem ex Consultoribus addit , illum suadentibus scrupulis hoc studium in subditos aliquando suppressere.

De iudicio.

Obediens est , & suis Superioribus subordinatus , nec proprii iudicii. ita omnes sentiunt.

De ambiguo.

11 Numquam notatus est gubernationem ambivisse, aut procurasse, &c.

C A P V T XVIII.

D E P R O M O V E N D I S
A D G R A D V S
S O C I E T A T I S.

*Quo modo de iis confici, & in Urbem mitti
debeant Informationes.*

A. R. P. N. Claudio Aquaviva
Præposito Generali recogni-
ta, & aucta juxta Decr. 65. V.
Congreg.

P A R S P R I M A.

I N primis Provinciales, ad quorum offi-
cium hæc informatio pertinet, persuade-
re sibi debent, magna fide, diligentia, & cir-
cumspeditione procedendum esse in hoc nego-
tio, cum scilicet tanti momenti sit ad ordinem,
firmitatemque Societatis, ut ea quam exactissi-
me servantur, quæ in 5. par. Constit. & alibi di-
cuntur de dotibus, quibus ornatos esse oportet,
qui in hujusmodi gradus sunt referendi.
quod quidem eo facilius erit, si antea servata
fuerint, quæ in 1. par. de recipiendis, & in 3. &
4. de formandis Nostreis præscribuntur.

*Qua cir-
cumspeditione
Provincialis-
bus proce-
dendum in
re tanti mo-
menti.*

Singulis annis in visitatione capiant informationes, & ad Generalem mittant.

2 Studeant igitur Provinciales non præterire Regulam 69. eorum officii ; nempe ut in visitatione ordinaria singulorum Collegiorum accipiant informationem promovendorum: & absoluta visitatione Provinciæ, ad Præpositum Generalem referant , nec diu differant , ne ex diuturna mora aliqui se negligi arbitrentur: unde & amaritudinum occasio oriri, & graduum hujusmodi distributio minus facilis , ac suavis reddi potest.

Examinandi statim post absoluta studia.

3 Quoniam vero , si examen de sufficientia litterarum ad id tempus differretur , quo quis ad gradum promovendus proponitur , minus commode succederet (contingeret enim eos, qui examinandi tunc essent, ante aliquot annos studia absolvisse , & in variis Societatis ministeriis occupatos, ac distractos fuisse; ac proinde scholasticas res vel certe subtilitates non ita in promptu habere: unde non possent forte ita satisfacere , ut satisfecissent, si statim absolutis studiis fuissent examinati) propterea animadvertendum deinceps erit, ut examen, juxta instructionem à nobis missam , fiat postquam quisque studia absolverit, antequam ad tertium Probationis annum mittatur , juxta Constitutiones ; & Romam deinde ut afferretur, & in tempore deservire possit , quamprimum Provincialis mittendum curabit. Hæc enim notitia plurimum postea juvabit , cum de cujusque gradu statuendū erit: & si is qui examinatur, nō plene satisfecerit, commodius videbit Præpo-

Examen Romam mittendum.

CAP. XVIII. De promovendis ad gradus. **III**
situs Generalis, an ulterius progrediendum sit
in litteris, juxta eamdem Constitutionem.

4 In quo nobis semel monendi visi sunt Pro- Nullus sine
prævio exa-
mine, &c.
promoven-
dus.
vinciales, ut quemadmodum nemo eorum,
quorum doctrinæ periculum faciendum sit,
ad professionem quatuor votorum promove-
ri poterit, nisi prævio examine (quod sane in
hujusmodi gradu solenne ac firmum esse opor-
tebit, vel nulla in nostris litteris ejus facta men-
tione) ita post factum periculum sufficientis
doctrinæ, neutiquam promotum iri oportebit,
Generali non præmonito, ab eodemque expe-
ctato & accepto responso, quantumvis à nobis
de alicujus gradu rescriptum fuerit, & inspecta
ejus informatione placere ut promoveatur, si
de ceteris constiterit.

5 Absoluto itaque 3. Probationis anno, si Post trien-
nium in mi-
nisteriis, ad
gradum pro-
ponantur.
non fuissent antea satis perspecti & exercitati
(tunc enim statim illo finito, Provinciales Ge-
neralem monere debebunt) triennium inte-
grum in variis ministeriis exerceantur: quo
absoluto proponantur omnes juxta formu-
lam. Idem etiam faciendum est in iis, qui abso-
lutis jam studiis Societatem ingressi sunt: qui Idem de iis
qui absolutis
studiis in
Societatem
ingrediun-
tur.
etiam exacto biennio probationis, & integro
triennio in variis ministeriis exercitati, probe-
que perspecti, proponi debent, & si satisfacere
rint, promovebuntur. Pro Coadjutoribus ve-
ro spiritualibus formatis, si sufficientem do-
ctrinam pro eo gradu habuerint, & probatio-
nes peregerint, juxta ordinem alias datum,
non

non excedant septennium ab ingressu in Societatem, quin proponantur.

*Qui simul
venerunt, si-
mul prome-
vendi.
Dec. 88.
Cong. 7.*

6 Dent operam Provinciales, ut qui eodem tempore Societatem sunt ingressi, una etiam, quo ad fieri potest, ad gradum proponantur: & si qua gravis erit causa, quæ aliter fieri suadeat, eam Generali exponere non prætermittant. Quod si aliquorum ob docendi munus aliasve occupationes dilata fuerint studia, eorum in primis ratio habeatur: vel tempus illis contrahendo, quo in ministeriis post studia probandi sunt; vel aliis prorogando; ita ut vel doceant, qui ante non docuerunt, vel diutius aliquanto in aliis ministeriis occupentur, quo simul omnes proponi possint. De iis vero, quos Generalis simul decrevit scripsitque promovendos, caveant omnino, si ve ipsi per se, si ve per alios illorum vota excepturi sunt, ne antiquiores recentioribus postponantur.

*Antiquiores
proponendi
recentiori-
bus.*

*Cause scri-
bende de non
propositis ad
gradus.*

7 Verum quia nonnumquam contingit, ut quidam, licet legitimo tempore in Societate fuerint, nec eis doctrina sufficiens, & aliæ ejusmodi qualitates desint; propter justas tamen causas adhuc differendi sint; saltem nos certiores facere debent de causis, ob quas eos non proponunt, ut scire possimus, quare prætermissi fuerint. Quin etiam contingere potest, ut mutatis Superioribus Provinciarum, cum successores non sint informati, aliter judicent de eisdem personis; & condemnent prædecessores, eo quod putent illos negligentia prætermisos.

8 Con-

C A P. XVIII. De promovendis ad gradus. 113

8 Convenit etiam, ut ii, qui iustas ob causas non promoventur, nec proponuntur, sincere moneantur de eorum defectibus, ita ut eis dicatur, habere quidem partes sufficientes, & sufficienti tempore fuisse in Societate; sed non promoveri ob hunc, vel illum defectum: sunt etiam hortandi, ut se emendent. quare hujus rei peculiarem curam habere oportet.

Sincere monendi de singulis cur non promoveantur.

9 Ut omnia autem majori cum luce ad Dei gloriam fiant, eorum quæ subjicientur, capitulum informationem quæret ab iis, qui unumquemque proponendum melius noverint, interrogando sive de doctrina, sive de moribus, sive de aliis, quibus hæc magis cognita & perspecta esse potuerunt. Ad quæ respondebunt omnes, quid sentiant coram Domino, cum prudentia & caritate: easque responsiones vel voce, vel scripto Provinciali tradent.

Quomodo informantes interrogandi, & quomodo respondendum.

10 Ex his responsionibus Provincialis separatim suam de singulis informationem accurate ac dilucide conficiet, easque omnes cum suis Consultoribus communicabit, tacitis tamen nominibus eorum, à quibus acceptæ fuerint: deinde suam sententiam ipse, ut & Consultores separatim, juxta propositas informationes, quantumvis hominem non noverint, distinctis litteris ad Præpositum Generalem mittet, eumque certiorẽ faciet, à quibus uniuscujusque informationem accepit.

Informationes confectas cum Consultoribus communicet.

Separatim ad Generalem scribat.

Etiam informantes scribere ad Generalem possunt.

11 Idem etiam Provincialis, non solum

H

Con-

Consultoribus, sed aliis quibuscumque, à quibus aliquam informationem accepērit, Generalis nomine significabit, ut si quid præterea sciant, quod aliquibus de causis non censuerint in Provincia manifestandum, id omnino ipsi Generali perscribant.

*Secretum
servandum.*

12 In his autem omnibus, non solum diligentia & prudentia, sed etiam secretum quod oportet, adhibendum erit: & omnino curandum Provinciali, ne in tanta re ullam officii sui partem prætermittat.

*Interrogationes juxta quas Provinciales
ad Generalem mittent informationem
de proponendis, ut vel Professi vel Coad-
jutores formati fiant.*

P A R S I I.

Nomen, patria, &c.

I **N** O M E N, patria, ætas, valetudo, & vitæ genus ante ingressum.

*Quando, &
ubi admis-
sus.*

2 Vbi, & quando admissus, & an experientis omnibus, quæ in examine præscribuntur, in Novitiatu probatus; sin minus, quid causæ fuerit.

*De profectu
in virtuti-
bus.*

3 Quantum profecerit in virtutibus à suo ingressu, præsertim in sui contemptu, obedientia,

C A P. XVIII. *De promovendis ad gradus.* I I §
tia, fraterna caritate, simplicitate, paupertatis
affectu, & amore Instituti, & an in vocatione
umquam vacillaverit, aut ab ea etiam defe-
cerit.

4 An quadriennium integrum, vel quan- *De tempore
& profectū
studiorum.*
tum temporis post artium liberalium, & Phi-
losophiæ studium in Theologia expleverit;
& num postea, atque quamdiu eidem re-
petendæ, & legendis Patribus operam im-
penderit, quantumve in iis rebus profecerit,
& etiam quantam Iuris Canonici peritiam
habeat.

5 An, & qua satisfactione suis studiis abso- *De tertio
anno proba-
tionis.*
lutis (nisi ea ante ingressum absolverit) ter-
tium probationis annum juxta Constitutiones
peregerit.

6 An, & quanto tempore litteras hu- *Quamdiu
docuit.*
maniōres, Philosophiam, aut Theologiam
docuerit, aut Casus conscientiæ explicaverit,
& quanta in singulis hujusmodi artibus &
scientiis tradendis eruditione & doctrina pol-
lear.

7 An, & quamdiu in prædicationibus, aliis- *Quamdiu in
ministeriū se
exercuit.*
que ministeriis salutis proximorum versatus
sit, & quanta cum gratia, facultate, & anima-
rum fructu ea exercuerit, quaque ædificatione
cum externis, præsertim in Missionibus, si quas
obivit, se gesserit.

8 An, & quamdiu administrationem ali- *Quamdiu
gubernave-
rit.*
quam Societatis obierit, quaque prudentia,
humilitate, modestia, integritate, caritate, &
satis-

satisfactione domesticorum & externorum Subditos rexerit, & negotia tractarit.

De opinionibus peregrinis.

9 Sequaturne extraordinarias opiniones, peregrinumve aliquem, alienumve à nostro Instituto sentiendi aut procedendi modum, præsertim in doctrina, in orandi ratione, & aliis spiritualibus Exercitiis. Denique an sit proprii judicii amator, & in affectibus parum mortificatus.

De oratione & zelo animarum.

10 Sitne devotus, & orationi deditus, salutis animarum zelator, & in negotiis promovendis, & difficultatibus superandis strenuus, ac fiducia in Deum fretus. Denique an optet labores, & alia incommoda pro Dei gloria, & proximorum salute perpeti, præsertim inter gentiles & hæreticos.

De ambitu.

11 An aliquod regendi munus aut dignitatem ambierit, aut ad Professionem, Sacerdotium, litterarumve altiora studia aspiraverit, atque hæc per se vel alium procuraverit; an potius semper visus sit, & adhuc judicetur ad quemcumque Societatis gradum, & ad quævis ejus ministeria indifferens.

Qua servanda in conficiendo Coadjutorum temporalium informationibus.

Informationibus autem, quæ de Coadjutoribus temporalibus formandis mittuntur, satis erit, præter tria prima capita interrogationum, ea tantum attingere, quæ ad ipsorum statum proprie pertinent, & ex Constitutionibus par.

1. cap. 2. §. 2. facile colliguntur, an scilicet sint bonæ conscientiae, quieti, tractabiles, amatores virtutis ac perfectionis, propensi ad devotionem,

tionem, qui domesticis & externis ædificationi sint, & qui forte Marthæ in Societate contenti sint, &c.

Coadjutores temporales proponendi non sunt, antequam decimum religionis annum, ætatis vero trigesimum, ad minimum, expleverint : neque enim par horum ac spiritualium ratio videri potest, quos post septem annos in Societate expletos proponi oportere præscripsimus.

Quæ videntur observanda in examine eorum, qui de sufficientia litterarum examinantur, ut ad professionem quatuor votorum admittantur.

P A R S I I I.

DOCTRINA in iis, qui ad hunc gradum sunt admittendi, ea esse debet, quæ præscribitur 5. par. Const. c. 2. §. 2. ut scilicet ita in Philosophia, & Theologia profecerint, ut assertiones Logicæ, Philosophiæ, & Theologiæ scholasticæ tueri pro dignitate possint. Ex quo fit, ut non satis sit in his facultatibus mediocriter profecisse; neque enim tales ad hæc studia altiora admitti debent, nisi in quibusdam casibus, juxta Reg. Provinc. 19. in Ratione studior. Hinc etiam secundo apparet non satis

Quenam doctrina requiratur ad professionem quatuor votorum.

esse eam doctrinam ad hunc gradum qua quis ad Confessiones tantum audiendas idoneus censetur, sed eam requiri, qua vel eas facultates prælegere cum satisfactione possit, vel non vulgariter concionari, vel Provinciam administrare, aut quid simile. Constitutiones enim part. 10. §. 7. eos, qui ad hunc gradum sunt admittendi, viros doctrina selectos requirunt: quin etiam Bullæ Summorum Pontificum Iulii & Pauli III. ad hunc gradum viros litteris conspicuos exigunt.

Quinam a Provinciali examinatores constituendi.

2 Quatuor, qui sunt argumentaturi, & illum examinaturi, hi esse debent, qui huiusmodi iudicium de doctrinæ sufficientiā merito facere possint; cuiusmodi ordinariæ ii tantum esse videntur, qui eas facultates publice professi sunt aut profitentur, vel certe qui omnium iudicio sunt in illis bene versati. Monere autem Provincialis Præpositum Generalem debet, quosnam in sua Provincia ad id munus deputaverit.

A Generali confirmandi.

Quot assertiones iuenda.

3 Quatuor saltem assertiones ex quatuor partibus S. Thomæ, & tres ex cursu Philosophico, Logica scilicet, Physica, & Metaphysica, quarum una quæque tria membra, aut puncta saltem habeat, defendere debebit, qui examinandus est.

Quomodo examen faciendum.

4 Examen hoc fieri debet coram Provinciali, aut certe Rectore illius Collegii, in quo fit examen; nec alii quam Examinatores adesse debent, qui plane intelligant sui muneris esse,

esse, eos, qui examinandi sunt, serio, & non perfunctorie aut leviter, sed ut vere de doctrina fiat periculum, an tanta sit, quanta in Constitutionibus requiritur, ut supra dictum est, examinare.

*Quomodo ab
Examinato-
ribus judicium
ferendum.*

5 Absoluto examine, Examinatores suam sententiam in consultatione non dicant, sed re prius Domino commendata, & omni humano affectu seposito, quisque separatim, quid in hac re, videlicet de sufficientia doctrinae tantum sentiat, breviter ac diserte scriptum Provinciali tradat, (qui suum etiam mittet, aut qui ejus loco examini præsuerit) præterea judicium idem ad Præpositum Generalem mittat, addens etiam, si quid significandum occurrat, quod Provinciali aperiendum non censuerit. nulli autem præter hos quid quisque senserit omnino communicet: quod etiam secretum maxime Provinciali commendatur.

6 Ab hoc examine excipiendi videntur omnes, qui pro dignitate & cum satisfactione audientium has facultates professi sunt aut profitentur: vel qui actum generalem mane & vespere in Theologia habuerint, si iis Patribus, qui Provincialis judicio disputationibus interesse debuerint, satisfecerint.

*Quinam exci-
piantur ab
examine.*

Quæ in Patrum Procuratorum Congregatione anno 1600. à Patribus excogitata sunt, & à R.P.N. Claudio Aquaviva Præposito Generali ad Provincias missa.

P. A R S I V.

*Provincia-
libus promo-
vendum
cura seria
comendatur,
etiam pœni-
tentia in-
tentata.*

IN E in posterum Provinciales minus diligenter quam oporteat, in id incumbant, intelligant, hanc esse unam ex præcipuis officii sui curis; sibi que magna ope nitendum, ut informationes de promovendis suis temporibus opportune mittantur P. N. Generali: & si rei tanti momenti defuerint, sibi etiam imponendam esse pœnitentiam, ita ut in provincia intelligatur, rem maxime cordi esse P. Generali.

*Provincialis
visitandus
in fine.*

2 Ad easdem querelas tollendas, & ut informationes citius, sincerior, & suo tempore ad P. N. Generalem perferantur; ii qui ex officio designantur ad exigendam rationem officii Provincialium in fine triennii uniuscujusque Provincialatus, diligenter inquirent, an Provinciales servaverint omnia, quæ de informationibus ad P. Generalem opportune mittendis præscripta sunt: & singillatim num aliquæ,
de

de quo mittenda esset informatio, quacumque ex causa præterierint.

3 Qui ex aliis provinciis adveniunt in Provinciam aliquam Societatis, non promoveantur in illa Provincia, nisi prius acceptis informationibus ab ea, ex qua discesserant, aut in qua diutius versati sunt. Et Provinciales illarum provinciarum, unde discesserunt illi, teneantur saltem semel suo tempore proponere istos præviis informationibus, sicut alios, quos habent in Provincia; dummodo sint juxta formulam in ministeriis exercitari.

*Quomodo
informatio-
nes accipienda
de iis, qui ex
una Pro-
vincia in
altam com-
meant.*

4 Ne in informationibus contingant defectus, ex quibus justæ querelæ oriri possint; ut eæ in posterum sincerissime fiant, onerentur conscientiae Informatorum, & Consultorum Provincialium, & Provinciales ipsi diligentissime observent, ne prædicti, aut eorum aliquis sit ulla ratione suspectus. Et nos quidem hic quod in nobis erit, id unum in primis curabimus diligenter, cum hujusmodi informationes una cum PP. Assistentibus examinandæ censendæque erunt, ut qualitatis potius informatorum ratio, quam numeri habeatur: & probatiores aliis præferantur. Demum si qui ex Consultoribus Provincialis eum non noverint, de quo consultatur, judicio Provincialis præter Consultores vocetur ad consultationem unus aliquis ex gravioribus, cui ille, de quo agitur, notus sit.

*Quomodo
sinceræ
sint infor-
mationes.*

5 Ne conquerantur, ut faciunt multi, quod

*Scripto de-
fectus tra-
dantur.*

H 5

moniti

moniti non sint de defectibus, propter quos retardatur eorum promotio; hæc admonitio in posterum scripto tradatur: & scribant Provinciales P. N. Generali de monitione scripto facta, cum declaratione defectuum.

Praxis conficiendarum informationum de promovendis ad gradus.

P A R S V.

Provincialis quando, a quibus, & quomodo informationes conficiat.

PROVINCIALIS cum singula Collegia visitat, informationes de promovendis, si qui in illis sunt, accipiat; quæ à quatuor ut minimum sumi debent, qui eos bene norint, juxta §. 7. formulæ. Ex responsionibus autem, quas ab iis qui informarunt, de singulis capitibus habuerit; propriam de unoquoque promovendo informationem componat, apponatque numerum eorum, qui idem sentiunt, hoc fere modo.

Informatio de P. N. N. à quatuor, vel pluribus Patribus accepta.

Ætas.

Ad 1. **P.** N. N. Romanus, annorum 40. robustus, vel infirmus, &c. ante ingressum operam dabat Philosophiæ, vel Theologiæ, vel Iuri, &c.

Tempus Societatis.

Ad 2. Admissus est Mediolani anno 1580. 20. Martii, omnibus experimentis in Novitiatu probatus: vel experimenta non perfecit ob infirmam valetudinem; non enim potuit

CAP. XVIII. De promovendis ad gradus. 123

potuit peregrinari, vel inservire infirmis.

Ad 3 In virtutibus bene, vel mediocriter, vel parum profecit, ut omnes Informatores, vel duo tantum sentiunt. Sui contemptum non habet, vel habet, &c. secundum omnes, vel unum, vel tres. Est obediens, vel non, vel parum, aut multum profecit in obedientia, paupertatis affectu, &c. De Instituto bene sentit, illudque amat, vel contra: ita duo sentiunt, &c. In vocatione non vacillavit, vel aliquando vacillavit ob hanc, vel illam causam, &c. (Non intelligimus autem in vocatione vacillasse quempiam, si dum in probatione versaretur, fuit de vocatione tentatus, &c.) ab ea tamen non defecit, &c.

Progressus in virtutibus.

Quod autem de tribus his capitibus dictum est, faciendum in reliquis.

3 Peracta autem sua de unoquoque promovendo informatione, eas omnes cum suis Consultoribus examinabit, iudiciumque illorum de informationum veritate singulis informationis capitibus apponet, tam si consentiant cum iis qui informarunt, quam si ab illis dissentiant, tacitis tamen Consultorum nominibus, hoc qui sequitur modo.

Confecta informationes cum Consultoribus communicanda.

Ad 3 In virtutibus bene, vel mediocriter, vel parum profecit, ut omnes Informatores, vel duo tantum sentiunt: quibus consentiunt Consultores omnes, vel duo, vel unus, &c. Sui contemptum non habet, vel habet, secundum omnes, vel unum, vel tres, &c. Aliter tamen

Quomodo informantium, & Consultorum iudicia attendenda.

sentiunt

sentiunt omnes, vel duo Consultores ; quibus videtur sui contemptor, &c.

*A Provin-
ciali, & Con-
sultoribus
separatim
ad Genera-
lem scriben-
dum.*

4 Absoluto in hunc modum informationum examine , iudicium , utrum ille promovendus videatur an non , & ad quem gradum promovendum censeant , tum ipse Provincialis , tum Consultores , secretis & separatis litteris ad Præpositum Generalem scribant.

*Scribendum
quoque a
quibus ac-
cepta, &
quibuscum
communica-
ta.*

5 Scribat etiam Provincialis , à quibus de unoquoque informationem acceperit , & cum quibus Consultoribus eas examinatit: non erit autem necesse , quod quisque in singulis capitibus dixerit, ponere : sed satis erit si id fiat, cum in aliqua responsione de re alicujus momenti inter se non consentiunt : tunc enim in informatione ponendum erit, unum, duos , vel tres ex Informatoribus , vel Consultoribus ita sentire; alterum , vel alios in contraria esse sententia : & in charta aliqua separata scribendum , eos qui contra sentiant, esse PP.talem vel talē.

*Quomodo
scribenda
informatio-
nes.*

6 Animadvertant Provinciales , informationes de promovendis non solum claro & distincto charactere scribi debere , sicut & litteræ Provincialis & Consultorum , cum margine ad excipiendam sententiam nostram sufficienti, dum à nobis cum Patribus Assistentibus recognoscuntur , apposita anni nota , quo facta fuerint ; sed in diversis præterea foliis , scorsim ab iis, quæ de idoneis ad gubernandum conscribuntur ; cum separatis in Archivio loculis, ut facilius reperiantur , asservandæ sint.

Cete-

CAP. XVIII. De promovendis ad gradus. 125

Ceterum Consultores cum Provinciali, qui sua simul iudicia privatis ad id litteris transmittent, eundem illum numerum, & ordinem promovendorum, qui in informationibus erit descriptus, retinebunt in suis quisque litteris ad nos scribendo: ita ut de primo & secundo primo ac secundo loco, atque ita deinceps de reliquis scribant, ad singulos numeros, ejus, de quo agunt, nomen, & cognomen adscribendo; tum de singulis significando, primum quemnam ad gradum idoneos censeant, an ad quatuor scilicet votorum aut trium professionem, an vero ad vota Coadjutorum spiritualium; deinde an statim promovendos judicent, an adhuc differendos, ut clarius apparebit in paradigmate.

Idem numerus ab omnibus in scribendo servandus.

7 Litteræ nostræ de promovendis, quas certo aliquo in libro tamdiu conservari oportet, quoad expediti fuerint de quibus agitur; ne qua oriatur perturbatio aut oblivio apud sequentes Provinciales, subinde ab illis revolvendæ ac legendæ sunt, ut mature ad nos referant, an executioni mandatum fuerit, quod constitueramus. Quæ in re ad nos scribendo id observabunt, ut priore loco verba ipsa litterarum nostrarum producant, apposita nota diei & anni, à quo datæ. deinde quid juxta eas actum, effectumve sit, subjiciant, ut summam tandem de unoquoque sententiam pronuntiemus.

Litteræ de promovendis quamdiu aservanda. Et subinde legenda.

Quomodo ad eundem de usum referendum.

P A R A D I G M A

Formula scribendi ab iis, qui ad Præpositum Generalem de promovendis, sicut de aptis ad gubernandum, separatis quisque litteris, suam sententiam judiciumque ad eundem mittere debent, juxta paragraphum sextum, Cap. 5. Praxis conficiendarum, &c.

P A R S V I.

1 **P**ater Blasius Coriolanus ad professionem quatuor votorum mihi promovendus videtur, vel professione quatuor votorum dignus videtur, &c. sed per annum differendus.

2 P. Melchior Miraldus dignus mihi quidem videtur professione trium votorum, & quamprimum ad eum gradum promovendus.

3 P. Franciscus Verelinus formandus mihi videtur, sed ad annum differendus, ut maturecat magis.

4 P. Diomedes Rinaldinus, etsi ad professionem quatuor votorum peridoneus mihi videtur ob præclara ejus talenta; differrî tamen poterit ad duos annos, cum sit adhuc juvenis, & novus in Societate.

5 P. Gaspar

5 P. Gaspar Armellus, quamprimum ad professionem quatuor votorum, vel trium promovendus erit, vel cito formandus.

6 P. Nicolaus Pepelinus, ob insignem ejus virtutem, dignus esset professione quatuor votorum: sed cum in eo multa desiderentur, quamprimum ad professionem trium votorum promovendum censeo.

7 P. Theodorus Cangosus, etsi idoneus quidem erit ad professionem quatuor votorum, vel trium, omnino differendus, monendus, & serio juvandus in spiritu mihi videtur.

8 P. Lælius Bobalinus, etsi formandus quidem esset, cum sufficiens in eo desideretur doctrina; quia tamen insigne talentum habet concionandi, vel gubernandi, judico promotum iri oportere ad professionem quatuor votorum, &c.

*Paradigma informationis juxta formulam
de promovendis ad gradus.*

P A R S V I I.

Informatio de P.N.N. à quatuor
Patribus accepta, & cum Con-
sultoribus examinata.

*Et. u. &
studium.*

1 P. N. N. Romanus, annorum 40. robu-
stus, vel infirmus, &c. ante ingressum
operam dabat Philosophiæ, vel Theologiæ,
vel Iuri, &c.

*Tempus ad-
missionis in
Societatem.*

2 Admissus est Mediolani anno 1580.
20. Martii, omnibus experimentis in Novitia-
tu probatus præter peregrinationem, &c.
quam non obiit ob infirmam valetudinem,
&c.

*De profectu
in virtuti-
bus.*

3 In virtutibus bene profecit, vel parum,
vel mediocriter, vel fere nihil, secundum om-
nes; vel, ita sentiunt duo ex Informatoribus,
quibus consentiunt omnes, vel duo Consulto-
res. Sui contemptum non ostendit se habere, vel
habet; vel in sui contemptu bene profecit, aut
parum, &c. ita sentiunt omnes, vel duo, vel
plures, quibus assentiunt Consultores, vel dis-
sentiunt, &c. In obedientia, & paupertatis af-
fectu

fectu nonnihil, vel multum profecit: Institutum amat, vel non amat; de eo bene, vel non bene sentit, &c. In vocatione non vacillavit, ut ajunt Informantes: duo tamen ex Consultoribus credunt semel vacillasse, vel, idem sentiunt Consultores, vel, non vacillavit secundum omnes. A vocatione semel, vel bis, vel numquam defecit, vel quia durioris erat judicii, vel altiora studia appetebat, defecit, &c.

4 Post absolutum in Societate, vel extra, *De tempore & profectu in studio.* Philosophiæ cursum, quadriennium, vel unum, aut duos annos studuit Theologiæ, atque in his studiis bene, vel parum, vel mediocriter, vel plusquam mediocriter profecit. Ita sentiunt omnes, idemque affirmant Consultores, vel, ita affirmant tres ex Informantibus: Consultores autem contra sentiunt cum altero Informante, &c. Post absolutâ studia, per annum, vel per biennium illa repetiit, vel non repetiit, & Patribus legendis operam dedit, vel non dedit, cum bono profectu, vel mediocri, &c. Juris Canonici peritiam non habet, vel mediocrem habet, vel bonam, &c. vel antequam Societatem ingrederetur, studia Theologica absolvit cum bono profectu, vel mediocri, vel modico; vel in Societate post Philosophiæ cursum, in quo mediocriter; vel parum profecit, vel audita tantum Logica, studuit Casibus conscientiæ per biennium, cum modico, vel mediocri profectu, &c. Ita omnes sentiunt.

*De tertio
probationis
anno.*

5 Absolutis studiis tertium probationis annum peregit cum bona, vel mediocri, vel modica satisfactione. Ita duo Informantes, quibus consentiunt Consultores: vel tertium probationis annum ex parte per sex, aut octo menses fecit, quia infirmus erat, vel ob necessitates Provinciæ cum eo dispensatum est de Præpositi Generalis licentia; vel quia non proficiebat, & aliis erat impedimento, &c. Ita omnes Informantes: dissentiunt tamen duo, vel plures Consultores: vel tertium probationis annum non fecit, quia tunc non erat in usu, vel quia fuit dilatus propter occupationes vel infirmam valetudinem, &c. vel quia ingressus est absolutis studiis. Absolvit autem tertium probationis annum mense Majo anni 1595.

*Quamdiu
docuerit.*

6 Docuit Grammaticam, vel litteras Humaniores, vel Rhetoricam, vel Philosophiam, vel Theologiam, vel Casus conscientiæ uno, vel pluribus annis, cum eruditione, & magna doctrinæ existimatione, vel mediocri, vel modica, & cum multa, vel mediocri satisfactione Nostrorum, ut sentiunt Informantes: contrarium tamen affirmant Consultores, &c. ajunt enim ingenio esse obscuriore.

*Quamdiu se
in ministeriis
exercuerit.*

7 Conciones habuit per sex annos cum modica, vel magna gratia, & satisfactione audientium: ad id munus enim magnum, vel modicum talentum habet: vel externis satisfacit in concionibus, quia curiosa & delectabilia

bilia potius, quam utilia solet tractare, &c. Ita sentiunt duo, vel tres, vel omnes Informantes; secus autem sentiunt duo, vel tres ex Consultoribus, &c. Confessiones audivit ab octo annis cum fructu & ædificatione, & huic muneri est, vel non est applicatus propter scrupulos, &c. In missionibus, in quibus per annum versatus est, bene, vel male, & cum fructu, vel infructuose se gessit: ita unus ex Informantibus. Contrarium tamen asserunt Consultores cum reliquis.

8 Fuit Rector vel Minister in Collegio Mantuano tribus, vel pluribus annis, quod munus magna cum humilitate, modestia, integritate, & caritate obivit: desiderabatur tamen in eo major prudentia, ut tres ex Informantibus, & unus ex Consultoribus affirmant. Ideoque Nostris quidem bene, vel mediocriter, vel parum satisfecit; non tamen externis, vel contra. Ita omnes Informantes: quibus adhæret unus tantum ex Consultoribus. vel, numquam fuit Superior in Societate, &c.

*Qua satisfactio-
ne gubernaverit.*

9 Sequitur, vel non sequitur extraordinarias opiniones, & peregrinum aut alienum à nostro Instituto procedendi modum, in rebus spiritualibus tractandis, præsertim in orandi modo, &c. Ita sentit unus ex Informantibus, cui adhærent omnes Consultores. Non est, vel est proprii judicii amator, & in affectibus parum est mortificatus, vel affectus habet mortificatos. Ita omnes

De peregrinis opinionibus.

sentiunt, tam Informantes, quam Consultores.

*De studio
orationis, &
devotionis.*

10 Est, vel non est devotus, & orationi deditus; zelum animarum habet, vel non habet. Ita sentiunt duo, vel tres; contrarium tamen affirmant omnes Consultores. In negotiis promovendis, & difficultatibus superandis est, vel non est strenuus; est enim timidioris naturæ, licet fiducia sit in Deo fretus: ita sentiunt omnes. Optat labores & incommoda pati pro Christo, etiam inter Gentiles: ardentem enim cupit mitti ad Indos, vel labores pro Christo non appetit, sed refugit, nimius enim est in propriis commodis curandis. Ita tres ex Informantibus, licet duo ex Consultoribus illum excusent ob infirmam valetudinem.

De ambitu.

11 Regendi munus, aut dignitatem non ambit, vel ambiisse videtur: id enim tres ex Informantibus, & duo ex Consultoribus affirmant, licet negent alii. Ad Sacerdotium, vel altiora studia non adspiravit, vel adspiravit: ita duo Consultores credunt, licet omnes alii contrarium censeant. Professionem procuravit, ut duo affirmant. Alii vero ajunt, illum ostendisse quidem desiderium professionis, non autem illam procurasse. Indifferens creditur, vel non creditur ad quemcumque gradum, & ad quævis Societatis ministeria. Dubitant duo ex Consultoribus de ejus indifferentia ad quævis ministeria; ajunt enim se difficilem ostendisse ad audiendas confessiones.

CAPVT XIX.

DE CATALOGIS,

Qui tertio quoque anno à singulis Provinciis in Urbem mitti debent.

R.P.N. Claudii Aquavivæ Præpositi Generalis jussu recognita, & anno 1589. in Provincias missa.

P A R S P R I M A.

I QVONIAM paucae admodum Provinciæ sunt, quæ per Procuratorem singulis trienniis cum primo & secundo catalogo personarum, alterum catalogum Domorum & Collegiorum cum suis redditibus mittant, qui Rerum catalogus dici potest; cujusque & Constitut. par. 9. cap. 6. §. 3. & Instructio quædam anni 1579. meminit; operæ pretium visum est, Provinciales omnes monere, ne hunc catalogum prætermittant. Nam quam hic sit utilis & necessarius, res ipsa indicat, ut scilicet Domus seu Collegii cujuslibet præsens status brevi

Catalogi rerum utilitas.

compendio P. N. Generali ob oculos ponatur. Quamvis enim in cujusque Domicilii foundationum historiis, huc in Urbem ad Archivium jam pridem, majori ex parte transmissis, eorundem status ad illud usque tempus narrationes contineantur (quas idcirco repetere opus amplius non erit, præterquam iis, qui eas nondum miserunt) præsentem nihilominus cujuslibet saltem triennii statum Generalis Præpositus ignorare non debet. Quem etsi aliqua ex parte ex annuis litteris habere posset; quia tamen illæ à paucis suo tempore mittuntur, & ea non attingunt, quæ ad rerum temporalium conditionem pertinent; nec si attingerent, facile esset inde repetere; propterea necessario fuerunt monendi Patres Provinciales, ut juxta subjectam formulam curent hunc rerum catalogum, cum supradictis duobus aliis personarum catalogis, singulis trienniis ad R. P. N. Generalem transmitti: atque alterum eorundem catalogorum exemplar ad P. Assistentem.

*Catalogus
Rerum singulis trienniis cum aliis per Procuratorem mittendus.*

Quomodo conficiendus.

2 Principio igitur recensabitur numerus Nostrorum omnium, qui in Provincia sunt; simulque eorum seorsim, qui proximo triennio, vel in Societatem admissi, vel ab ea dimissi, vel vita defuncti sint: tum Domorum, Collegiorum, & Residentiarum numerus ac nomina addantur. dicatur præterea, quot è Nostris in singulis illis Domiciliis habitent. Deinde vero ad singula Domicilia suis quæque distincta capitibus

bus describenda descendendo, Nostrorum, qui in singulis sunt, numerus repetatur; ac præterea addatur, quot in his sint Sacerdotes, quot Præceptores, quot Scholastici, & quarum facultatum; quot item Coadjutores temporales, quinam redditus, vel ordinariæ eleemosynæ, quantum æris alieni, ac reliqua, juxta subsequenter formulam.

P R A X I S.

C A T A L O G V S

Provinciae Romanæ.

P A R S I I.

IS VNT in Romana Provincia de Societate *Numerus personarum recensendus.*
 549. in Professorum Domo 90, in Collegio Romano 190, Tusculi decem, in Domo Probationis 90, in Pœnitentiariorum Collegio 21, in Germanico 13, in Anglicano sex, in Maronitarum duo, in Seminario vigintiduo, Tibure duodecim, Senis octodecim, totidem Maceratæ, Florentiæ vigintitres, Perusii sexdecim, Recineti quatuordecim, in Lauretano Collegio 45. & quatuor in Illyrico. Admissi hoc triennio in Societatem 100. dimissi 9. vita functi 15.

Domus Professorum.

*Qua in Do-
mibus Pro-
fessis expli-
canda.*

2 **A** VCTA est insigni Templo, Illustris-
simi Farnesii Cardinalis liberalitate ex-
structo, superiore anno consecrato. Sunt no-
naginta è Nostreis; Sacerdotes 50. reliqui fra-
tres possunt ali ex eleemosynis ordinariis cir-
citer septuaginta. æs alienum contractum ad
mille coronatos; ad quod in totum, vel ex par-
te dissolvendum, habet creditam pecuniam
tantam, vel nullam, &c. Vtitur Vineæ Collegii
bis terve in anno, pro necessaria Nostrorum
animi relaxatione.

Collegium Romanum.

*Qua in Col-
legiis.*

3 **A** LIT è Nostreis 190, Sacerdotes 40, Præ-
lectores 18. nempe Grammatices qua-
tuor in totidem Classibus; Humaniorum lit-
terarum unum, linguæ Græcæ unum, Rheto-
rices duos, linguæ item hic Græcæ unum, Ma-
thematicarum unum, Philosophiæ tres, Scho-
lasticæ Theologiæ duos, Scripturæ unum, Ca-
sum conscientiæ duos: Scholares nonaginta,
reliquos Coadjutores. Ad omnes has præle-
ctiones nulla obligatione tenetur Collegiur;
vel tenetur ad has, vel illas, ex foundationis con-
tractu. Annui redditus sunt novem millium
scutorum. ex qua summa mille sunt deducen-
di annui census, qui pro summa principali quin-

quindecim millium scutorum æris alieni contracti penditur, præter alia tria millia commo-
dato accepta: ad quæ dissolvenda habet in cre-
dita pecunia totidem millia, vel his plura, aut
pauciora. Ex reliqua summa ali possunt circi-
ter 150. Eodemque modo pergendum in reli-
quis Provinciæ Domiciliis.

4 Quoniam vero multum temporis inter-
dum infumitur, dum alicujus informatio in
primo personarum Catalogo quæritur; ad il-
lius faciliorem usum, ad quemvis scilicet è No-
stris nullo negotio inveniendum, Index Al-
phabeticus nominum tantum & cognominum
omnium eorum, qui in ipso Catalogo conti-
nentur, erit eidem præfigendus, addito nu-
mero, qui cuique nomini præfixus est in pri-
mo Catalogo, ac præterea numero paginæ, in
qua nomen ipsum describitur. Debebunt enim
singulæ primi Catalogi paginæ suis ordine nu-
meris notari. Exempli gratia,

*Index Al-
phabeticus
præfigendus.*

P. Albertus Felix, pag. 6. num. 12.

P. Antonius Magnus, pag. 7. num. 15.

P. Bernardinus Cœlius, pag. 9. num. 14.

P. Bonaventura Turre, 9 num. 18.

P. Camillus Bernardi, 9. num. 6.

P. Cornelius Broeth, 12. num. 7.

CAPVT XX.

DE CELEBRANDIS
CONTRACTIBVS,*Iuxta morem & Privilegia Societatis.*A R. P. N. Claudio Aquaviva Præ-
posito Generali anno 1581. ad Pro-
vincias.

PARS PRIMA.

*Quoniam
contractus
repugnat
Instituto.*

I Q V O N I A M, sicut accepimus, in non-
 nullis Societatis nostræ Provinciis ad-
 huc celebrantur contractus congregatis ad
 pulsum campanæ, vel omnibus Collegiorum
 Sacèrdotibus & fratribus, vel majori aut po-
 tiori eorum parté; acceptisque coram Nota-
 rio & testibus, suffragiis: quæ omnia repugnant
 Instituto & modo procedendi Societatis ac
 privilegiis illius: serio curent Præpositi Pro-
 vinciales, ut contractuum celebrationes per
 Superiores tantum, auditis nempe Consul-
 toribus fiant, & ad normam Instituti accom-
 mo-

*Quomodo
conficiendi.*

modentur. Quod si alicubi difficultates moveant externi, quibuscum contrahendum erit, curent Provinciales, ut illis vel per se ipsos, vel per Collegiorum Rectores, ac etiam per Iurisperitos, quos prius ea de re consuluerint, ostensis locis Constitutionum, Canonum, & Bullarum, persuadeant firmiores ac securiores multo fore contractus, si juxta privilegia nobis ad id in specie à Sede Apostolica concessa celebretur; prout est in Bulla Pii V. pag. 103.* & Gregorii XIII. 169.* & juxta Constitutiones, ac Decreta Societatis, Constit. par. 9. c. 3. §. 5. & primæ Congregationis Generalis Decret. 21. tit. 6. quam si diverso quoque modo; ad quem nos cum privilegia non habeamus, facilius contractus ipse infirmari, & an alicujus valoris sit, à multis dubitari possit. Nam alioqui magnum præjudicium generaretur primum privilegiis Societatis; quæ per non usum obsolescerent; deinde facilitati contrahendi, ac libertati Societatis, & modo eam gubernandi.

2 Quod si pro celebritate contractus, ii quibuscum transigitur, velint ut Consultores celebrationi intersint; quamvis Societatis Instituto id magis consentaneum esse videtur, si solus Superior id faceret; poterunt quidem illi interesse, sed sic, ut in ea re suffragium non habeant decisivum; ita neque in ipso contractu dicendum erit, quod ad eam rem confiendam suffragium tulerint: sed præsentibus

Docendi qui ignorant firmiores esse si juxta nostra privilegia fiant.

* Editionis anni 1615.

Quando, & quomodo intersint Consultores.

N. & N. dicti P. Rectoris Consultoribus, idem Rector vendidit, &c. Si autem opus fuerit, aut ita videatur, poterit initio contractus aliqua mentio fieri de modo contrahendi Societatis juxta illius privilegia, & Constitutiones auctoritate Apostolica confirmatas: ut si verbi gratia, ita fieret narrativa.

*Formula
contractus
celebrandi.*

3 Personaliter constitutus N. Rector N. asserens se ad infrascriptam venditionem vel permutationem, sufficientem habere potestatem à R. P. Generali Præposito, penes quem omnis facultas celebrandi contractus residet, juxta dictæ Societatis Constitutiones, & Decreta Apostolica auctoritate confirmata, prout, de confirmatione constare asserit litteris Apostolicis fel. record. Pii Papæ Quinti, sub plumbo expeditis, & sub Datum Romæ 3. Kalend. Maji 1568. Pontificatus ejus anno 3. & de licentia dicto Rectori concessa litteris patentibus, manu ejusdem Præpositi Generalis subscriptis, ejusque sigillo munitis, quarum tenor talis est, CLAUDIVS AQVAVIVA, &c. omni meliori modo, quo de jure potuit, idem Rector vendidit, vel commutavit, &c.

Modus informandi R. P. Generalem circa alienationes faciendas.

P A R S I I.

C V M. petitur à R. P. Generali licentia alienandi vel commutandi bona aliqua Collegiorum, hic modus servandus erit.

*Explicanda
R. P. Gene-
rali.*

1 Ut rei alienandæ nomen, confinia, valor, & redditus; & si quæ sunt aliæ circumstantiæ, explicentur.

*Rei alienan-
da nomen,
confinia, va-
lor.*

2 Simili modo rei, vel redditus, qui in commutatione accipiendus est, vel pretio rei vendendæ coëmendus, circumstantiæ eodem scripto comprehendantur.

*Res, vel
redditus acci-
piendus.*

3 Rationes in utramque partem adducantur.

Rationes.

4 Rector, & Consultores, si consentiant in alienationem, subscribant scripto hujusmodi tractatus, seu informationis: cui si qui non assentiant, id etiam eodem scripto adnotetur, simul cum rationibus, quæ hos ad non assentiendum moverint.

*Quinam
subscribant.*

5 Scriptum illud ad Provinciale mittatur; & ipse sententiam suam simul cum eodem scripto ad R. P. Generalem mittat.

*Scriptum à
Provinciale
mittatur.*

6 Si tractatus, vel informatio de re alienanda prædicto modo detur, concedet, si expédiens

*Quando à
Generali da-
bitur facul-
tas alienan-
di.*

pediens videbitur, R. P. Generalis licentiam simul & confirmationem alienationis; confirmando ex nunc, pro eo tempore, quo alienatio fiet, quia constabit de evidenti utilitate, expressis nempe in informatione utrisque rebus, alienanda scilicet, & emenda, seu commutanda, cum utriusque circumstantiis.

Quando nulla occurrit in specie res coemenda.

7 Si autem adsit necessitas vendendi, nec occurat in specie res pretio venditionis coemenda, dicatur saltem in genere, quod sit utilius emere possessionem, vel redditus tales, &c. qui frequenter venales occurrant. Et tunc poterit etiam eodem modo dari confirmatio, simul cum licentia vendendi. alias licentia quidem dabitur, non tamen confirmatio, quia neque constabit de utilitate ulla. Immo si pecuniam pretii rei vendendæ diu vacuam fore probabiliter timeretur, omnino expediret similes alienationes non fieri.

Severe omnibus interdicitur alienatio, &c.

8 Intelligent etiam omnes Superiores, quotquot alienabunt, districte illis ex nunc prohiberi à R. P. N. Generali, ne pecunias pretii rei venditæ in alios ullo modo sumptus distrahant, præterquam in rem, vel redditum, cuius emendi causa fuerit data facultas vendendi; vel certe in similem, aut meliorem, si interim occurrat: & quamdiu id non fiat, pecuniam pretii hujusmodi in depositum custodiant, donec res alia coematur.

Idem judicium de sensu redimibilibi.

9 Idem intelligendum erit, quando pretium
census

CAP. XXI. *De Sodalitatibus B. Virginis.* 143
census alicujus redimibilis restituitur Collegio,
ut illud eodem modo servetur ad similes vel
meliores redditus comparandos.

C A P V T XXI.

*De modo, qui servari debet cum Sodalita-
tes B. Virginis ad Primariam Romanam
aggregari petunt.*

R.P.N. Claudii Aquavivæ Præ-
positi Generalis jussu 1585
ad Provincias.

ROMANA B. Virginis Annuntiatae Romana Con-
Sodalitas Summi Pontificis Grego- gregatio, Pri-
rii XIII. auctoritate confirmata, quia re- maria Pon-
liquas tempore antecessit, & ejus exemplo tificia aucto-
omnes deinceps inductæ sunt, Primariam ritate appel-
Summus Pontifex illam appellari voluit; ei- lata.
que certas indulgentias impertiri: faculta- Præposito
tem deinde Præposito Generali Societatis Generali
I E S V concessit, ut reliquas Congregation- conceditur
es auctoritate Apostolica erigere, easque facultas eri-
huic Primariæ conjungere posset. Quam fa- gendi & ag-
cultatem Sixtus V. extendit ad aggregandas gregandi.
etiam Sixti V. &
Clem. VIII.
extensio.

etiam plures Congregationes in eodem Collegio, vel Domo, vel in Seminariis; & Clemens Octavus in quibuscumque Residentiis, sub quovis titulo, etiam non studentium, ita ut eisdem indulgentiis, quibus ista, fruerentur; sic tamen, ut reliquæ indulgentiæ, quas tum isti Romanæ, tum ceteris omnibus Congregationibus antea concefferat, intelligantur omnes revocatæ.

*Quot littera
scribenda.*

2 Quare ut deinceps in hac Sodalitatum aggregatione certa aliqua formula, & omnibus communis servetur, visa est R. P. N. Generali hæc tenenda. Primum, ut Provincialis Rectorum suos admoneat, quorum in Collegiis jam sunt ejusmodi Congregationes, ut earum Præfectis & Assistentibus significant, esse illis binas epistolas scribendas, alteram ad Reverendum Patrem Generalem, penes quem est omnis potestas, qua petant suam Congregationem institui certo aliquo sub titulo, & aggregari ad hanc Primariam Collegii Romani, cum ejus indulgentiis: alteram ad ipsum Præfectum & Assistentes hujus Primariæ; rogando ut hæc eadem apud Patrem Nostrium procurent. Quod ipsum intelligendum est de Collegiis, ubi nondum sit ulla erecta Congregatio. Cum enim Rectori, accedente etiam Provincialis judicio, videbitur, tot esse personas & tales, ut nova Congregatio institui debeat; jubebunt aliquos ex iis, qui id cupiunt, binas item litteras huc scribere, eodem plane quo

*Titulus de-
clarandus.*

*Quando fa-
cienda ag-
gregatio.*

quo diximus argumento. Atque hoc modo debebunt Congregationes omnes denuo erigi ac confirmari. Quod ut ad Dei, & Virginis Matris, sub cujus umbra militant, honorem ac gloriam cedat, ipsius infinitam bonitatem ex animo precor.

3 Postremo duo hic adscribenda visa sunt notatu digna, alterum quod ædificationi magnopere conducit, ne expensæ, quæ in exscribendis litteris patentibus, pro aggregationibus Sodalitatum Beatæ Virginis, & pro communicatione bonorum operum Societatis fieri consueverunt, ab aliis quam ab ipsis Provinciis suscipiantur; quibus sumptibus faciendis peculiari aliqua ratione, ne Collegia aut Domus graventur, Provincialis erit prospicere. Alterum est, quod puritati paupertatis nostræ deserviet, ut nostri intelligant, atque omnino sibi persuadeant, Congregationes, quarum directio à Societate suscipitur, nullo modo bona immobilia aut certos redditus admittere posse, cum nec Societas, penes quam est erigendi aggregandique facultas, capax sit eorum reddituum; nec ipsa Sodalitia, quæ per se stabile ac perpetuum quoddam corpus constituere nequaquam possunt, cum ejusmodi ea esse oporteat, ut quandocumque nostri subducere se voluerint, eo ipso dissolvantur: quod ægre fieret, si corpus unum efficerent, certoque redditu potirentur. Accederet

Quorum expensis aggregationes scribenda.

Certos redditus non possint admittere.

inter alia multa illud etiam incommodi, quod si Sodalitates nostræ redditus certos haberent, essent omnino, sicut & aliæ externorum Confraternitates, visitationibus Ordinariorum obnoxia, quo uno maxime præsidio à Constitutione Clementis Octavi ne comprehenderemur, immunes fuimus.

F I N I S.

I N-

I N D E X.

A

Absolutio à reservatis
pro domesticis. pag.
49. pro iter agenti-
bus. 51. pro Superioribus.

52.

Accipere ab externis ad
usum proprium, & disposi-
tionem nihil licet. 39

Ædificare Superiores ni-
hil debent inconsulto Pro-
vinciali. 20

Ædificia, qua à Funda-
toribus exigenda. 96

Alienandarum rerum in-
formatio quomodo concipien-
da. 141

Annua externis non osten-
denda. 39

Archivium Provincia,
quos libros habere debeat. 57

B

Bibliotheca à Fundatori-
bus exigenda. 96

Bonis suis se abdicare, vel
de illis disponere post vota
nemo potest sine facultate. 42

Bonorum distributio
quando, & quomodo insti-
tuenda. 32

Bulla Cœna in omnibus
domiciliis exponenda. 18

Bulla Novitiis, in tertio
anno, & gradum susceptu-
ris ostendenda. 9

C

Casus conscientie scire
debent omnes ordinan-
di. 54. Eorum resolutiones ex
Urbe missæ in libros referen-
de. 56. 58. Reservandi omni-
bus Regularibus communes.

44. Alii præter illos in Socie-
tate reservati. 48

Catalogi rerum, & per-
sonarum quomodo confici
debeant. 133. Eorum duplex
exemplum Romam mitten-
dum. 134

Coadjutores spirituales
post septennium ab ingressu
formandi. 111

Coadjutores temporales
per annum saltem in novi-
tatu retinendi, nec publicis
officiis applicandi ante bien-
nium. 15. Quando, & quales
formandi. 116. Quales ad
prædia mitti, & quomodo
in iis versari debeant. 22.

Conferentias habeant loco
doctrina Christiana, cum in

I N D E X.

- ea satis sunt instructi.* 21 *sultores non sint.* II. *Quomodo in casibus reservatis gere-*
Collegia eleemosynas ad- *re se debeant.* 44. &c.
mittere, quæ possint. 14
Collegiorum Historia Ro- *Confessarii Superiorum,*
mam mittenda. 134 *cum illis dispensant.* 17. *Eos*
Collegiorum acceptan- *absolvere possunt à reserva-*
dorum triplex ratio. 93. *tis.* 52
Infima capitum, ut mini- *Conscientiæ ratio qua se-*
imum, xxx. 95. Media LX. *creti cura excipienda.* 15
97. Suprema c. ibid. Indica, *Consuetudinum liber in*
& Transalpina excipiun- *singulis Domibus, & Colle-*
tur. *ibid.* *giis.* 57
Communio infra hebdo- *Consultores ne sint Con-*
madam quatenus externis *fessarii Nostrorum.* II. *subin-*
permittenda. 20 *de mutandi.* 13. *quæ legere*
Compendii privilegiorum *debeant.* 64. *quibus de rebus*
usus & impressio. 18 *ad Generalem scribere.* *ibid.*
Concionatoribus singula- *Res privatas seorsim scri-*
ritates, & exemptiones mi- *bant.* 65. *Quandonam ex of-*
nime concedenda. 15. *De iis,* *ficio scribere debent, & ut*
qui cibus quadragesimalibus *litteris suis CC. notam ap-*
vesci non possunt. 14 *ponant.* *ibid.*
Confessariis Societatis *Consultores Provincialis*
notitia per confessionem ha- *de aptis ad gubernandum*
bita uti non licet. 21. 46. *Generali quæ ratione scri-*
Nec ad usus proprios quid- *bant.* 105. *Quæ item de*
quam accipere. 39. *Nec ordi-* *promovendis.* 113. 125. 126.
nariam infra hebdomadam *Contractuum celebrando-*
communione concedere. *rum ratio.* 138
20
Confessariis Principum
observanda. 66. *Quomodo,*
& à quo petentibus conce-
dendi. 72. *Eorum instructio*
Principibus ostendenda. *ibid.*
Confessarii Nostrorum Con-

D.

D *Imissi à Societate, aut*
eam deferentes quo-
modo post reditum vota re-
petant, & prebentur. 10
Di-

I N D E X.

Dimittendi usus, ac ne-
cessitas. 73. In dimittendo,
qua consideranda. 74. In-
formatio ad Generalem mit-
tenda. 76. Ejus postea judi-
cio acquiescendum. 78. De
iis, qui dimissionem petunt.
77. De iis, qui occultas ob-
causas dimittuntur. *ibid.* &
91. De iis, qui alias in Pro-
vincias dimittendi destinan-
tur. 78

Dimittendi publicis mi-
nisteriis non occupandi. 79.
Quando ante dimissionem
puniendi. 76

E

Ecclēsia nostra sepulcro-
rum insignia, & titulos
habere non debent. 10

Eleemosyna quales, &
à quibus Collegiis admitti
queant. 14. Quenam item
postquam nostri aliquo in
loco concionati sunt. *ibidem*
Importunius non petenda. 38

Examen matutinum,
Sacerdotum. 36. Diebus fe-
stis omittitur, ubi habita-
est concio. *ibid.*

Examen de sufficienti
doctrina ad professionem in
fine studiorum. 110. Quale
esse debeat. 117. Ab eo exi-

mendi professores, & qui
Theses publice defenderunt.
119.

Examinatores esse qui de-
beant, & quomodo senten-
tiam ferre. 118. 119

Exercitia spiritualia no-
vis Superioribus facienda.
11 Ab his tertius annus in-
choandus. 26. 33. Quotannis
omnibus nostris obeunda.
43.

F

Feminarum superflue vi-
sitationes rescandae. 11

G

Generalis de promovē-
dis responsa qua ratio-
ne exequenda. 125

Graduum apta distribu-
tio ad ordinem, & firmita-
tem pertinet Societatis. 109
Ad gradum tempestive om-
nes proponendi. 110. Pro-
fessi triennio post studia, &
tertium annum probatio-
nis. 111. Coadjutores spiri-
tuales post septennium ab
ingressu. *ibid.* Coadjutores
temporales post decennium.
117. Simul proponen-
di, qui simul sunt ingres-

I N D E X.

si. 112. qui ob defectus differuntur, de iis monendi sunt. 113. 121. 122. Et certior cur quisque differatur, faciendus Generalis. 112. Ad gradum simul designati ordine suo vota faciant. 112

Gubernationi apti diligenter à Provinciali nominandi, & instruendi sunt. 99. De his mittenda tertio quoque anno ad Generalem informationes. 100

H

Historia Domorum, & Collegiorum Romam mittenda. 10. & tertio quoque anno ejus supplementum. 133

Hora considerationis Superioribus observanda. 19

Horologia rotata Nostri vetita. 41

Hortus in Collegiorum fundatione requiritur. 97

I

Imagines multi valoris non permittenda Nostri. 41.

Informationes de aptis ad gubernandum. 98. A qui-

bus accipi & quomodo consi-
ci debeant. 100. Quibus de
rebus. 102. Consultoribus Pro-
vincialis communicanda. 101. Earum praxis. 104.
paradigma. 106

Informationes de promo-
vendis ad gradus. 109 A
quibus capiende, & quomo-
do conficienda. 113. Quibus
de rebus. 114. Consultoribus
Provincialis communican-
da. 123. Earum praxis. 122.
Paradigma. 128. De Coad-
jutoribus temporalibus qua-
les esse debeant. 116. De iis
etiam mittenda qui è Pro-
vincia recens in aliam mi-
grarunt. 121. Quomodo de
iis capienda, qui ex alia ve-
nerunt. ibid. Secreta sint. 109. 114. Sincera 121

Instructor tertii anni qua-
lis esse debeat. 23. De proban-
dorum defectibus & talentis
monendus. 24. Ejus officii
regula & instructio, &c. 25.
Sigillum habet. 29. Confes-
sarius est eorum quos in-
struit. 28. Qua in illos sit
ejus auctoritas. 29. De sin-
gulorum statu monere debet
Provincialem. 30

Intercessionem pro aliis
apud Superiorem quibusnam,
& quatenus permittenda. 40

I N D E X.

Iter agentes superflua ne nandum. 105. De promovendo
coëmant, nec pecuniam ab dis. 113. 124. 126.

exteris conquirant. 40.

Quomodo à reservatis ab-
solvendi. 51 Quæ pro illis
suffragia, si decedent. 118

L

Libri nostris prohiberi.

17. 18. Quorū usus in
tertio anno permittitur. 30.

Ordinationū, in singulis Col-
legiis. 55 In Archivio Pro-
vincia. 57. Libris nemo Ad

usum inscribat, nec ullos
cum migrat alio asportet. 41

Litteræ nostris quales &
quomodo scribende. 37.

Quales iis qui in tertio an-
no. 29. Quæ ad Generalem,

mediatosq; Superiores scri-
buntur, vel ab aliis accipiun-
tur, immediatis non osten-

denda. 38. Romam de nego-
tiis ad solū Generalem scri-

benda. ibid. Si res Procurato-
ris ope indiget, P. adscriben-

dum. ibid. Quæ soli inseri-
buntur, secreta tantum con-

tineant. ibid.

Litteris Consultorum

CC. nota imponenda. 65.

Consultorum Provincialis
litteræ de aptis ad guber-

M

Magistro Novitiorum
confessiones illorum
audire licet. 47

Manifestatio delicti cu-
jusvis a quo animo Nostris

ferenda. 85. A quo, quando,
& quomodo facienda. 87.

Quomodo in ea gerere se de-
beat Superior. 89

Minister peculiaris ju-
niorum Scholasticorum,

ejusque officium. 82. 83

Ministri quales deligen-
di. 16. Quæ illis potestas con-

cedenda. 22. Quid in eos
possint, qui tertium annum

agunt. 29. Quid in juniores
Scholasticos. 81. 83. Quomodo

se gesserint, qui in tertio
anno, scribere debent Pro-

vinciali. 25. 30. Ministro si
quis dicat, Nolo facere, ca-

sus est reservatus. 22

Missiones obeuntibus ob-
servanda. 15

Missiones eorum qui in
tertio anno. 28

Monialium cœnobiorum No-
stri confessionum causa ne

K 4

Ne

N

Negotia aliorum apud Superiorem tractare cui liceat. 40. Externorum Roma non tractanda. 36. Publica status Nostri interdita. 42. Sacularia ad quosvis pertinentia Nostros ne occupent. ibid.

Notitia per confessionem habita uti licere, Nostri ne doceant. 21. Vti Superiores vetat Pontifex. 46

Novitii bonis suis ne se abdicent sine facultate Generalis. 42. Terni, aut quatermini in singulis cubiculis. 20. Sacerdotes celebrant quo die vota emittunt. 13.

Novitii's Bulla ostendi, qua debeant. 9 Ostendenda qua de manifestatione delicti declaravit VI. Congregatio. 92

O

Ordinationum libri in singulis Domibus, & Collegiis. 55. In Archivio Provincia. 57

Ordines sub finem studiorum suscipiendi. 24. Suscepti à Nostri in Provincia

libro notandi 58. Quales esse debeant ordinandi. 54.

55

P

Papyri forma Romam mittendorum. 11

Patriam adire Nostri qui liceat, 10

Pauperibus non congruentia Nostri ne permittantur. 41.

Paupertatis votum ea rei quantitas violat, qua satis ad furtum mortale. 39.

Eidem repugnat re aliqua, ut propria uti, aut de bonis suis sine facultate disponere. 41. 42

Præfectus spiritus iuniorum Scholasticorum, ejusque officium. 81

Principum confessorii. 66. Sepulcra in Ecclesiis nostris.

10. Negotia quæ ad rationem status pertinent. 42. Familiaritas non captanda. ibid,

Procuratores Roma negotia externorum ne tractent. 36

Promissio ingredienda Societatis votum est peculiaris. 41

Provincialis futuros Superiores erudiat. 11. 16. Quid scribere Generali debeat, cum

I N D E X.

cum mutandi sunt. 13. Videat quam caute rationem conscientia à suis exigant. 15. Ne permittat, ut quidquam non necessarium adificent. 20. Studiose deligat, & instruat aptos ad gubernandum. 99. In visitatione informationes capiat de aptis, & promovendis. 101. 110. Superfluas mulierum visitationes rescet. 11. Inquirat circa regulam XVIII. Sacerdotum. 37. Consultet singulis mensibus de statu totius Provincia. 17. Romam suo tempore mittat informationes de promovendis. 110. 111. Tertio quoque anno informationes de aptis ad gubernandum. 100. Et catalogos rerum, ac personarum. 133. Quomodo de bonis alicui loco applicandis informare Generalem debeat. 12. Quo pacto Nostros in patriam mittere. 10. Quae circa tertium annum curare. 23. Quae circa Scholasticos in villis morantes. 84. Quae in dando Principibus Confessario. 72. Quae circa dimittendos. 74. Dispensare potest in cibis Concionatorum. 14. In probationibus

eorum, qui redeunt ad Societatem. 10. Ut poenitentes infra hebdomadam communificent. 20. Ut biennii spatium junioribus Scholasticis contrahatur. 80. In usu librorum prohibitorum. 17. In usu Compendii privilegiorum. 18. Ut Romam ituri, externorum negotia suscipiant. 36. Notitia per confessionem habita uti licere, ne doceant Nostri provideat. 21. Neminem ad gradum admittat sine expresso Generalis mandato. 111. Quomodo à reservatis absolvatur. 52. Quibus de rebus officio defunctus rationem reddere debeat. 60

R.

Recreationis tempus quomodo transigendum.

43

Recreationes eorum, qui tertium annum agunt. 29. 35

Recreationis dies pro Scholasticis in Collegio, vel in vinea. 83

Regule 9. & 10. Summarii de manifestatione delicti declaratio. 85

Regulae XXIV. expositio. 41

K 5

Re-

I N D E X.

<p>Regula item XXVI. de si- lento. 43</p> <p>Regula XVIII. Sacerdo- tum. 37</p> <p>Reliquiaria Nostorum auri valorem non excedant. 41</p>	<p>tatione retinendus. 37. Re- ferre Superiori debet si quid secus accadat. ibid.</p> <p>Sodalitates Beata Virginis quo pacto ad primariam ag- gregentur. 143</p> <p>Suffragia pro iis, qui ex- tra suas Provincias moriun- tur. 18</p>
---	---

S

<p>Sacerdotes novi quomodo in ministeriis occupandi. II. Novitii celebrant quo die vota faciunt. 13</p> <p>Sacerdotum examen ma- tutinum. 36. Qua cura Re- gulam XVIII. observare de- beant. 37</p> <p>Scholastici juniores in Col- legiis biennii saltem spatio seorsim habitant. 80. Quo- modo, & per quos illo tem- pore regendi. 81. &c.</p> <p>Scholasticis cum in villa, seu pradio versantur obser- vanda. 84. Eorum recreatio hebdomadaria quomodo in- stituenda. 83</p> <p>Sepulcrorum insignia in Ecclesiis nostris. 10</p> <p>Silentium ubi maxime servandum. 43</p> <p>Socius Provincialis de eo semel quotannis scribat ad Generalem. 16</p> <p>Socius testis in omni visi-</p>	<p>Superiores locales Genera- lis onus participant. 17. De- signari, antequam ineant, duos menses in librorum Nostorum lectione ponant. 16. Exercitiis spiritualibus se recolligant. 11. Horam considerationis observent. 19. Inquirant, an Praefectus re- rum spiritualium suo mu- nere fungatur. ibid. Et an serventur, quae statuta de confessionibus, visitationibus- que mulierum. 21. In exi- genda ratione conscientia secretum servant. 15. Vitio- rum lingua auctores inqui- rant, & puniant. 20. Ca- veant ne Nostri, notitia per confessionem habita uti li- cere, doceant. 21. Consultent priusquam de re aliqua Provinciali scribant. 20. In consultationibus ordinariis aliquid legant ex regulis, &c. 22. Initio mensis consul- tent de executione. 23. Quo- modo</p>
---	--

I N D E X.

T

modo gerere se debeant in
manifestatione delicti. 89.

In dando facultate absol-
vendi à reservatis. 49. Quo-

modo ipsi ab illis absolvi pos-
sunt. 52. Iuniorum scholasti-

corum curam quo pacto ex-
erceant. 80. Quae circa bona

Collegiis suis applicanda ob-
servare debeant. 12. Quomo-

do de rebus alienandis in-
formare. 141. Quo item mo-

do contractus celebrare. 138.

A subditis exigere non pos-
sunt, ut ipsis constentur.

45. Nec uti notitia per con-
fessionem habita. 21. Aedifi-

care nihil possunt inconsulto
Provinciali. 20. Nec facul-

tatem suis dare, ut ad pro-
prios usus ab externis acci-

piant. 39. Superiores subinde mu-

tandi. 13. Eorum mutatio
quo pacto cum Generali tra-

ctanda. ibid.

Tertius annus probatio-
nis peractis studiis, om-

nibus obeundus. 23. Qui il-
lum acturi sunt, de suis defe-

ctibus monendi. 24. Instru-

ctori suo constentur. 28. In

iis quae ad domesticam disci-

plinam spectant, à Rectore &
Ministro pendent. 29. Quae

illis Bulla ostendi debeant. 9.

Qui libri concedi. 30. Eorum

regula, & instructio. 31. &c.

De iis qui in tertio anno non
proficiunt. 25

V

Vatica Nostris qualia
esse debeant. 40

Visitantis Provincialem
instructio. 59. 62

Vota eorum qui redeunt
ad Societatem. 10

Votum peculiare contine-
tur in promissione ingre-

diendi Societatem. 41

F I N I S.